

**De vita Antonii Musae Brasavoli commentarius historico-medico-criticus /
ex ipsius operibus erutus. Ab Aloysio Francisco Castellani.**

Contributors

Castellani, Luigi Francesco, 1727-1794.

Publication/Creation

Mantuae : Joseph Braglia, 1767.

Persistent URL

<https://wellcomecollection.org/works/yt7s7fkn>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

2149
1662

B775

C.E.RAPPAPORT
LIBRI RARI
LUZERN

16996/8

B xxix Bra

B 175

21

160



Digitized by the Internet Archive
in 2018 with funding from
Wellcome Library

<https://archive.org/details/b3050370x>

BIBLIOTECA PRIVATA

Sala Scan.

F. N.

DI PATRIZIO ANTOLINI

Reg.º N.

Scheda N. 217




J. Calvi Del.

J. Giorgi Inc.

D E V I T A
A N T O N I I M U S Æ
B R A S A V O L I
C O M M E N T A R I U S
H I S T O R I C O - M E D I C O - C R I T I C U S
E X I P S I U S O P E R I B U S E R U T U S
A B
A L O Y S I O F R A N C I S C O
C A S T E L L A N I

Philosopho , ac Medico Colleg. Ferrar.



M A N T U Æ.
Publica auditorate excudebat
Joseph Braglia Anno MDCCCLXVII.

Si vel plebeis Scriptoribus , pro affectu nudo , gratiam a-
liquando habitam scimus , sive pro eo , quod iter ape-
ruisse sequentibus viserant , quanta (oro te) gratia
claris ac probatis Scriptoribus est habenda : qui mul-
tis ante nos saeculis in terram versi , divinis ingeniiis ,
institutisque sanctissimis nobiscum vivunt , cobitant ,
colloquuntur ?

Franciscus Petrarca De Remed. utriusque
Fortunae lib. I. Epist. Praef. p. m. 35.

Instruenda est vita exemplis illustribus .

Seneca Epist. 83.



Excellentissimo Marchioni

CAROLO VALENTI JOSEPH II. IMPERATORIS

E T

M A R I Æ T H E R E S I Æ
AUGUSTÆ ET APOSTOLICÆ

Intimo Cubiculario & a penitioribus
Consiliis &c. &c.

A LOYSIUS FLANCISCUS CASTELLANI
S. P. D.



*Uum Antonii Musæ
Brasavoli Nobilis*

*Ferrariensis, ac Medici suæ ætatis
clarissimi de Vita Commentarium
nuperrime exarassem, atque in lu-
a 2 cem,*

cem, quicumque ille futurus esset, emit-
tere decrevissem, statim N omini TUO,
MARCHIO EXCELLENTISSIME,
inscribendum, TIBIQUE devovendum
cognovi. Tu enim qui disciplinarum,
artiumque sublimiorum scientia ma-
xime flores, optimasque litteras, ea-
rumque Cultores tueris in dies, Vi-
tam literatissimi Viri jure quodam
TUO TIBI repetere vidbaris; eoque
potissimum quod ET MAJORES non
modo TUI, sed ET EXCELLENTIS-
SIMÆ BEATRICIS Conjugis TUÆ
hoc celeberrimæ Universitatis Ferra-
riensis lumen TIBI præcipue com-
mendari ET gestiunt ET probant.
Amplissimus Patruus TUUS SYLVIUS,
dignitate non minus, quam virtuti-
bus toto Terrarum Oibi clarissimus
ita Universitatem, ET Professores
Fer-

Ferrarienses coluit, ut inter tot per
Italiā celebres hanc unam dele-
git, & qua Ḗ doctorali laurea do-
naretur, Ḗ in Ferrariensium Do-
ctorum albo (1) adscriberetur. Ex
florentissima vero BENTIVOLORUM
Gente summus Poeta HERCULES,
tum ALORSIUS Marchio Pater,
Theologus, Philosophus, Orator,
omniisque eruditionis genere re-
fertissimus (2), tum GUIDO Fi-
lius, Eques Ḗ ipse virtutibus spe-
ctatissimus maximum Virum Bras-
volum universo Orbi omnibus viribus
commendatum voluerunt. Alter enim
Brasavoli sapientiam suis carmini-
bus (3) celebravit: Alter quum es-

(1) Borsetti Hist. Gymnas. Ferrar. T. 2. lib. 1.
p. 495. col. 1.

(2) Id. Ibid. lib. III. p. 257.

(3) Satira III.

set Moderator, in Ferrariensis Universitatis ædibus magnifica Brasavolo inscriptio posita est : Tertius & ipse ejusdem Lycei Moderator, Genitoris, cæterorumque MAJORUM suorum sollicitudinem in Academia ornanda cumulate complectitur . Quamvis autem bunc pro ingeniolo meo conscriptum Commentarium TIBI ex rei natura minime debuisse, nibilo tamen secius libenti eum TIBI inscriptissim animo, ut, dum nullus illi splendor ex laboribus meis accesserat, plurimus saltem NOMINIS TUI præsidio compararetur . Omnes profecto qui singulares ANIMI TUI dotes, maximam præcipue in difficultioribus negotiis prudentiam, mentisque consilium, & humanitatem, comitatemque pene incredibilem, & summam

morum suavitatem, & incomparabi-
 lem prorsus clementiam, & libera-
 litatem admirantur, sicuti & TE
 præ reliquis merito suspiciunt, ita
 & quæ TUÆ sunt, vel TE quoquo-
 modo spectant, pari reverentia pro-
 sequuntur. Sed TIBI tandem Com-
 mentarius hic meus omnino debeba-
 tur eo præsertim ex titulo, quod me
 una cum Francisco Rainerio (quem
 ingenio, doctrina, atque experientia
 præstantissimum Virum maxime colo,
 ac plurimi facio) in columitati salutis
 EXCELLENTISSIMÆ DOMUS TUÆ
 perbumaniter præfecisti. Quare qui
 cumque mibi e studiorum meorum
 ratione fructus percipitur, TUI juris
 totus esse videtur. TE igitur parcam
 obnixius deprecari, ut Commenta-
 rium TUUM æque ac meum ab ob-

*treclatorum injuriis tueri velis . Si
minus enim benignitati , ac patroci-
nio TUO fiderem , injurius TIBI ef-
sem . DEUS O. M. TE una cum
EXCELLENTISSIMA CONJUGE TUA.
diu incolumem , sospitemque servet .*

**CLARISSIMO, AC OMNI DOCTRINA, ET
ERUDITIONE SPECTATISSIMO VIRO**

JOANNI ANDREÆ BAROTTI

ALOYSIUS FRANCISCUS CASTELLANI

S. P. D.



Ota est omnibus, comper-
taque res ex duobus prin-
cipiis quemlibet homi-
num coalescere , cor-
pore scilicet & mente,
iisque , ut alterutro carere minime
possit . Genitori corpus debet filius;
Præceptorи mentis institutionem di-
scipulus . Parentis beneficio commu-
nem brutis animantibus corporis vi-
tam assequimur ; studio ac industria
Præceptoris divinam ferme , atque
im-

immortalem animæ vitam . In divitiis pro filio comparandis infudat Pater . Mentibus studio imbuendis , morumque probitate , continentia , modestia , humanitate , aliisque virtutibus informandis , queis facilis ad dignitates , honores , & opes aditus discipulo pateat , operam impendit omnem Magister . Jure igitur optimo uterque hominis parens est habendus . Ille corporis , hic mentis : paribus enim officiis continetur mentis , & corporis educatio . Fateor equidem , plerosque futuros inter illiteratos præser-tim homines , qui se magis Parentibus debere jactitent , quum nihil in se ipsis , quod Præceptoribus accep-tum referant , agnoscant , neque plures quam bruta Parentes habeant . Sed quid iis corporis præstantia sine ullo mentis ingeniique cultu prodeesse potest ? Mihi , quæso , ex iis aliquem ad perfectam usque ætatem in sylvis , pecu-

pecudum inore , educatum fingere li-
ceat , cuius nunquam ad aures ulla
appulerit vox Præceptoris . Conside-
remus diligenter hominem , non enim
sua res carebit delectatione . Quid-
nām hunc inter , & brutum erit dis-
criminis ? Quam exlex membrorum
motus , quam defixus oculorum obtu-
tus , quam stupida corporis forma !
vultus , qui sermo quidam tacitus
mentis est , quam ineptus semperque
idem ! non is tamen , qui in Socrate
(1) erat , quum mentis , a qua is fin-
gitur , nulla in eo cum posset fieret
mutatio , nulla in hoc fieri possit .
Nonne quod tam difficile Cicero præ-
dicabat , mentem ab oculis sevocare
(2) in hoc homine facillimum ? Quid ii
innuunt oculi , quid præferunt , quid
loquuntur ? Nonne in tali corpore ob-
mutescere Anima videtur ? Quinam
ipfi

(1) Cicero Tuscul. 197.

(2) De nar. Deor. 63. 6.

ipſi inēſt ratiocinationis uſus , quænam conſiderata aliquid faciendi , aut non faciendi excogitatio , quodnam ſatis aptum animi conſilium ? Is ne , quæ proprio Genitori debeat , quæque illi ſint persolvenda officia , tenere di- cendus eſt , qui nefariis epulis Paren- tum fuorum appetit carnibus exſatu- rari ? Pater , meo quidem judicio , fi- mili prorsus ratione filio corpus fin- git , ac tellus abietem , aut pinum , vel platanum producit . Quamvis hæc parvi vulgo pendantur , nihilo tamen ſecius ſi ferris , ſcalbris , limisque Artificis ſubjiciantur , ut elegans ela- boretur ſtua , quoniam tunc pretio lignea moles non emitur ? Præceptor accepta a Patre materia , Artificis in modum , naturæ , quotquot dedecent , vitia amputat , quidquid virtutem fa- pit inſculpere conatur , eoque laboris ſui dexteritate opus perducit , ut di- gnum , & foro , & curia , & ſummo- rum

rum Imperatorum aulis habeatur .
 Mens ita scientiis imbuta æternos cor-
 pori , cui nequitur , honores parit ;
 corpus vero nullam Animæ laudem
 procreat . Virtus perpetuo supereft ,
 corpus contra mortale eft : hinc ſi
 corpore donari deleſtemur , virtutis
 eft ; ob hanc enim honores affequitur
 corpus , opibusque utitur . At quo-
 nam hæc mea progreditur oratio ?
 Præceptorem Genitori præferre quaſi
 videor . Id vero ſi miniime affequutus
 sum , doleo minus , ſi faltem æqualia
 Præceptoribus , ac Parentibus obſe-
 quia deberi probaverim . Reipsa ju-
 rejurando affirmabat divinus Senex
 Hippocrates : Ηγένσαθαι μὲν τὸν διδάξαντα
 με τὴν τέκνων τάυτην , ἵστα γενέτησιν ἐμοῖσιν ,
 καὶ βίου κοινώσασθαι . καὶ κρεῶν κρητίζοντι με-
 τάδοσιν ποιήσασθαι , præceptorem , qui me
 hanc edocuit Artem Parentum loco ha-
 biturum , vitam communicaturum , eaque
 quibus opus habuerit , impertiturum

(i)

(1); immo & sacris initiati medicis eodem stringebantur juramento. Ita & Juvenalis iis bona precatur, qui Præceptores suos non minus, quam Parentes coluerint

. *Dent, inquit,*
Dii majorum umbris tenuem & sine
pondere terram;
Spirantesque crocos, & in urna per-
petuum ver,
Qui præceptorem sancti voluere pa-
rentis

Esse loco (2)

E contrario *officia non reddere viro bono non licet*, ajebat Princeps Oratorum Cicero (3). *Ingratus sum, ad rem melius moralis Philosophus Seneca (4), nisi illum (idest Magistrum) inter gratissimas necessitudines diligo.* Iis ex Præceptoribus, qui quam-

(1) Jusjurand.

(2) Satyr. VII.

(3) De Offic. lib. I. cap. XIV.

(4) De Benef. lib. VI. cap. XVI.

quamplurimis in scriptis editis usque adhuc nobiscum vivunt, colloquuntur, nostrisque institutionibus famulantur, noster sane bis centum sexaginta supra septem & ultra abhinc annos Ferrariæ ortus eminet Antonius Musa Brasavolus. Nonne ergo huic, tamquam communi omnium Parenti debitum amoris, ac officii munus, ne execrando ingrati animi crimine teneamur, persolvendum? Nonne benefacta beneficiis rependenda? Si in eos, ut idem pronuntiavit Cicero (1), *quos speramus nobis profuturos, non dubitamus officia conferre, quales in eos esse debemus, qui jam profuerunt?* Quoties, ut verum fatear, hujus præstantissimi Viri noīnen a laudatis Viris celebrari audiebam, aut ejus ingentem scriptorum copiam mente intuebar, toties eum in primis suspiciebam,

(1) De Offic. loc. cit.

bam, nostræque Ferrariensi Academiæ,
quæ inter cæteros de eo gloriatur, gra-
tulabar, & toties ipse mecum corde
volvebam, quemadmodum tanti Præ-
ceptoris, qui & meæ scriptis suis al-
laboravit instructioni, benemeritis
gratiam publicam referrem. Ut au-
tem a natura ita comparati sumus, ut
dum alicujus doctrinam, nominisque
admiramur celebritatem, ejusdem et-
iam & studia, & mores, & varios ani-
mi habitus investigandi nos cupido
subrepat, ita & a quadam interiori vi
ad ejus cognoscendam vitam moveri
intelligebam. Quo fiebat, ut Majori-
bus nostris, qui præclarissimi Præcep-
toris, beneficiique quasi dicam imme-
mores nihil monumentis de eo man-
darint, subirafcerer, eorum saltem
negligentiam æquo animo ferre non
possem. Hinc meus ad ejus vitam li-
teris consignandam excitabatur ani-
mus, ut, dum eum quodammodo ab
inte-

interitu ita revocarem, aliquod mei
erga illum grati animi specimen da-
rem; post mortem enim magnis hoc
pacto vita redditur Viris, ut cecinit
Horatius (1)

*..... incisa notis marmora publicis
Per quæ spiritus, & vita redit bonis
Post mortem Ducibus.*

Quisnam enim tam ingrato esset ani-
mo, qui iterum in vitam, eamque
longe diuturniorem illos, quibus pro-
priam debet, sponte, & libenter, si
posset, non restitueret? Non tamen
me fugiebat salebrosum maxime esse,
mores, naturam, studia, ac uno ver-
bo vitam illius, quem non noverimus,
investigare. Quum tamen Brasavoli
opera a me sæpe pervoluta satis mate-
riæ ad vitam concinnandam suppedita-
re cognoverim, summopere, & ex
animo sum lætatus, atque hinc illinc
multa excerpti, in ordinem digessi,

b

mihi.

(1) Lib. 4. Od. 8.

mihique ejus vita nata est. Hanc cum
tibi mittere, Vir clarissime, decrevis-
sem, meas forte pervenit ad manus
Commentarium, quod antea non no-
veram, clarissimi Hieronymi Baruffal-
di Ferrariensis in inscriptionem anno
MDCCIII Antonio Musæ in nostro
Ferrariensi Archilyceo positam. Com-
mentarium, inquam, in quo aliqua
ipse congefferat, quæ & ego ex dili-
genti operum Brasavoli, ac assidua
aliorum Auctorum lectione college-
ram. Quid esse in inde facturus hæsita-
bam quam maxime, ne Lector aliquis
nasutior furti me insimularet, quasi
alienis vigiliis, tamquam propriis, uti
viderer; malluissemque mea suppri-
mi, quam maledicis, ac conspurcatis
linguis calumniandi ansam suppedita-
re. At diutius rem pacatiusque per-
pendens novi, Baruffaldum non sua
inventa, sed ab Auctoribus hinc il-
linc excerpta attulisse (quæ & ego,
unde,

unde haussem , adnotassem) neque Antonii Musæ vitam condidisse , etsi eo in Commentario sparsim de ejus præsertim virtutibus non pauca habeat . Immo cum in nonnullis ab ipso Baruffaldo dissentiam , variis rem aliter se habere argumentis demonstrabo , multa ab eo silentio prætermis- sa aperiam , & absolutam , quod neque ab eo , neque ab alio hactenus tentatum est , Antonii vitam dabo . Quæ a Baruffaldiano opere selegero , adnotare non præteribo , ne me putet Lector , nihil ab ipsius scripto proficisse , inconsulto velle jactare . Tali conscriptam methodo juris publici facere decrevi , ut debitum erga sum- mum Præceptorem amoris officium exsolvam , gratique animi (sicuti vi- rum bonum decet) florentissimæ Fer- rariensi Academiæ argumentum præ- beam , cui omnes illius nunquam pœ- nitendæ culturæ , quam ex ea retuli ,

licet exiguos, fructus reddere omni ope, atque opere mihi semper hæreditario debito enitendum est. Hyacinthus enim Anselmus amantissimus Parens meus, Philosophus, ac Medico-Chirurgus literariæ Reipublicæ non ignotus, fuit (sicuti & ipse, primis ab eo haustis rudimentis) in ea Academia educatus, jamque Anno MDCCXXXIV VII Cal. Decembris diebus extraordinariis Lector in ipsa licentiatus, in qua Ars nostra *omnium præclarissima* (1) ita emicuit semper, ut ex ea celeberrimi omni ævo scaturerint Medicinæ Professores; sunt enim *Ferrarienses*, Amato Lusitano (2) teste, *cœlesti quodam influxu favente, Medici doctissimi, ac rerum naturarium cognoscendarum diligentissimi*. Immo quot in omni Scientiarum genere ex ea non eruperunt præstantissimi Viri? *Ex bac Universitate Ferrariensi nostris*

(1) Hipp. De lege in princip.

(2) Comment. in Dioscor. lib. iv. Enarr. 3. p. 374.

*nostris temporibus multi Philosophi, ac
Legum peritia eruditi Viri prodierunt
excellentes, qui Patriæ suæ, ac fami-
liæ ornamenta fuere, jam prodidit in
suo Belgico Athenæo (1) Franciscus
Svvercius, omnibusque in aliis fa-
cultatibus plurimos enumerat cœcus
Adrienfis (2) Aloysius Grotus, ac
pene innumeros recenset Ferrantes
Borsetti Juris utriusque Doctor, Illu-
strissimæ Civitatis Ferrariæ a Secretis,
Poeta lepidissimus, atque Historiæ al-
mi Ferrariæ Gymnasii Scriptor elegan-
tissimus, qui Patriæ & Literatorum
mœrore anno MDCCCLXIV XIV Cal.
Augusti, hora undecima cum dimi-
dio, die Jovis e vivis sublatus est.
Verum quid auctoritatibus opus est?
Hoc satis superque testatur maxima
virtus tua, Vir doctissime, ac erudi-
tio illa per totum literarium Orbem
jam pervagata, qua ita omnes in tui*

b 3

admi-

(1) p. 63.

(2) Orat. 21. p. 129.

admirationem rapuisti , ut singuli fa-
teantur comparandum tecum vix esse
aliquem . Hæc maxime me commo-
vit , excitavit , incendit , ut ad Te ,
quem unum maximi facio , hunc de
Vita Antonii Musæ Commentarium
meum darem , ut tuum de eo judi-
cium , an in publicum prodire , an la-
tere potius debeat , intelligerem . Nar-
rantur primo in libro Antonii Musæ
in literaria palæstra præclare acta . Al-
ter ipsius vitæ cursum , ac mores exhi-
bet . Ad extremum contra vulgatam de
eo in aliquibus sententiam Commenta-
rii apologiam remittimus . Etsi in eo
aliqua fortasse jejuna, & levia alicui vi-
deri possint , si tamen clarissimos Viros
spectent , & præsertim antiquiores , &
præclara habenda sunt , & merito re-
colenda . Narrantur autem omnia , non
eo styli nitore , atque elegantia , qua
Tu , Vir præstantissime , non dicam , in
tuis concinnandis operibus uti asfoles ,
sed

sed neque ea, quæ Te quicquam pos-
fit legentem allicere, aut a nimia ani-
mi satietate recreare. Præ oculis tan-
tum in scribendo mihi fuit veritas in
dictis, quam ut fartam teatamque ser-
uem ipsius Brasavoli testimoniis polli-
ceor institurum. Non ergo fucato ele-
gantis sermonis cultu, sed solido verita-
tis ornatu, qua nihil in terris, vel pre-
ciosius, vel optabilius est, ad Te, Vir
eruditissime, Commentarius accedit.
Quæ enim, notante Seneca (1), ve-
ritati operam dat oratio, *incomposita*
debet esse, & simplex. Interea gravio-
ra doctrinæ studia, quibus maxima
tui, & Patriæ cum gloria totus con-
tinenter distineris, nonnihil intermit-
tere, haud renuas, velim, ut lucu-
brationi huic meæ, si per tempus li-
cet, tantisper vaces. Spero Te sin mi-
nus operis venustatem, aut ordinem,
animi tamen propositum probaturum,

b 4

quo

(1) Epist. 40.

quo aliorum saltem utilitati consule-
re studui. Nos, teste Seneca (1), vivi-
mus ad exempla, & ita, ut etiam vi-
tia clarissimis Viris insita, tamquam
virtutum species non raro imitemur.
Contractos Platonis humeros Familia-
res expressisse Plutarcus refert, que-
madmodum & Aristotelis balbutien-
tem linguam amici imitati sunt (2).
At si vis exemplorum est tanta, tam
præclarum ad imitandum magnarum
virtutum exemplar exhibitus sum,
ut eo facile proficiant plurimi. Nam-
que ut ait Terentius (3)

*Inspicere, tamquam in speculum, in
vitæ omnium*

*Jubeo, atque ex aliis sumere exem-
plum sibi.*

Atque utinam ex hoc virtutem singu-
li, verumque laborem discerent, &
vitæ studiorumque rationem ad ejus
imi-

(1) Epist. 123.

(2) In lib. de dign. vēr. ami. ab adul.

(3) Adelph. Act. 3. Scen. 4.

imitationem componerent ! Ita Deo
O. M. accepti , humano generi utiles,
nomen suum apud Posterorū æterna glo-
ria donarent . Vale Ferrariæ decus , &
me Tibi commendatum velle scias .

Dat. Mantuaæ Calendis Martiis
MDCCCLXVII.

COM-

COMMENTARII DISTRIBUTIO

LIBER PRIMUS.

§. I.

*Antonii Musæ ortus, ratio nominis, ingenium,
& pueritia.*

§. II.

Eius studia, & Praeceptores.

§. III.

*Publicus Dialecticæ Lector efficitur, &
Doctoris laurea insignitur.*

§. IV.

*Conclusiones, quas Ferrariæ, Patavii, Bononiæ
defendit, exponuntur.*

§. V.

Eiusdem lucubrationes, postquam Lector evasit.

§. VI.

Oeto Annis Dialecticam legit. Edit scripta.

§. VII.

*Herculis Estensis Archiater, & Philosophiae Le-
ctor designatur. Varia scribit Philosophica.
Reformator Universitatis deligitur. Cum Her-
cule Galliam petit. Ibi acta.*

§. VIII.

§. VIII.

E Gallia redit, nubit, Alfonso Duci medicinam cœpit facere. Cum eo familiariter agit, & Venetias proficiscitur.

§. IX.

In Archiatrum confirmatur ab Hercule. Universitatis Reformator creatur. Herculis Duci in illum amor, & liberalitas.

§. X.

De aceto scribit, de vino, de arborum medicina, & de citris epistolam.

§. XI.

Opus, cui inscriptio est Examen simplicium Medicamentorum, exarat; quod Romam & Neapolim quum pergeret, secum Romæ imprimendum defert.

§. XII.

Hoc opus Lugdunum delatum recuditur. Argenterii de eo judicium.

§. XIII.

Aloysius Mundella Brasavolum carpere conatur.

§. XIV.

Amatius Lusitanus Mundellæ refellit objecta Andreæ Cæsalpini de Brasavolo judicium.

§. XV.

§. X V.

Peculiaris in Botanicam Antonii Musæ amor.

§. X VI.

Typis committit tractatum de Æquali hominum natura, Examen Syruporum, dein Examen Catapotiorum.

§. X VII.

Roma & Neapoli in Patriam reversus Aphorismos Hippocratis interpretatur.

§. X VIII.

Ejus in literis græcis peritia.

§. X IX.

Lucam adit. Pauli III Pontificis Archiater efficitur.

§. X X.

Ferrariam venit, libros de ratione victus in morbis acutis Hippocratis exponit, & de Vermium curatione. Jussu Ducis libello de modo Juris dicendi exarato, scribit Examen omnium Ele-
tuariorum, pulverum, & confectionum catharticarum.

§. X XI.

Epidemicos Hippocratis libros publice interpretatur scribitque Commentaria in Prognostica.

§. X XII.

§. XXII.

Romam petit. Infortunia quæ ei obvenerunt, & terribilia insomnia.

§. XXIII.

Plura opera evulgat.

LIBER ALTER.

§. I.

Antonii Musæ ingenuitas in scriptis.

§. II.

Ejusdem ad Artem amplificandam sedulitas.

§. III.

Ejusdem ab otio fuga.

§. IV.

Eius mira in scribendo facilitas.

§. V.

Singularis in discipulos amor.

§. VI.

E tota Europa Auditores trahit.

§. VII.

In medicis quæstionibus dirimendis Judex eligitur.

Eius in re medica auctoritas.

§. VIII.

§. VIII.

Multi Europæ Principes eum consulunt.

§. IX.

Provinciae ab eo petunt Medicum.

§. X.

Rerum domesticarum curam Conjugi relinquit.

§. XI.

Ejus in Deum pietas.

§. XII.

*Ejusdem solicitude in liberorum animos tum
moribus, tum literis imbuendos.*

§. XIII.

Naturam biliosam immutat.

§. XIV.

Brasavoli modestia, & humanitas.

§. XV.

Ejus liberalitas.

§. XVI.

Antonii Musæ structura, & temperamentum.

§. XVII.

Ejusdem vivendi norma.

§. XVIII.

§. XVIII.

Ejus obitus.

§. XIX.

Parentalia ejusdem.

§. XX.

Referuntur inedita M. S. Ferrariæ asservata.

§. XXI.

Alia edere meditabatur.

§. XXII.

Traditur Elenchus Scriptorum Antonii Musæ.

LIBER TERTIUS.

§. I.

*Elogium renuntiatur in alma Ferrariensi
Universitate inscriptum.*

§. II.

Negatur Brasavolum Jurisconsultum fuisse.

§. III.

*Asserta ejusdem in S. Theologia laurea in
dubium vocatur.*

§. IV.

*Nec Luca sequutum Paulum III, nec Romæ
apud eundem extitisse contra Baruffaldum
pro-*

probatur. §. V.

*An Leonis & Clementis Physicus a Consiliis
fuerit, ambigendum est.*

§. VI.

De quolibet scibili disputasse falsum ostenditur.

§. VII.

*Musæ nomen a Francisco I Galliarum Rege
Brasavolo datum contra plures Scriptores ne-
gatur.*

§. VIII.

*Hieronymum Fratrem Antonii Musæ ortum præ-
cessisse oppugnatur.*



D E V I T A

ANTONII MUSÆ BRASAVOLI

L I B E R P R I M U S.

§. I.

*Antonii Musæ ortus, ratio nominis, inge-
nium, & pueritia.*



N ea Italie Urbe, quæ ad Padum jacet, quæque unicos in omni exercitationum genere, ut Aloysii Groti cœci Adriensis verbis (1) utar, procreat Viros, ac terraria nominatur, perantquis etiam temporibus tum sanguinis nobilitate, tum summatum dignitatum splendore clara fuit inter cæteras Brasavolorum familia. Comes Franciscus, Hieronymi Brasavoli filius, Juris utriusque Doctor (2), & Medicus do-

A

ctri-

(1) Orazion. 21. p. 129.

(2) Ut patet ex sui Doctoratus privilegio, rogitu Peregrini fil. Pauli Albertini Not. Ferrar. sub die prima Julii 1490. Indic. VIII,

Etrina, & fama insignis, ac extra aleam *Philosophus* (1), imo in patrio Archilyceo extraordinariæ practicæ Lector (2), ducta in uxorem, post primæ obitum, Margarita Maggi clari generis (3) Brixensis (4) fœmina, tres ex ea suscepit filios, Antonium Musam, Hieronymum, & Joannem Baptistam. Hic trium annorum puer vita defunctus est. Alter Philosophiæ, ac Medicinæ laurea donatus hanc facultatem (5) publice docuit, atque anno MDXXVIII grassante per totam Italiam miserrima Iue, annos quinque supra viginti natus magno Fratris mœrore diem obiit supremum (6). Solus itaque Antonius Musa natu major superstes fuit, cuius de vita, scriptis, & meritis, quæ nobis fuerint comperta, literis mandare decrevimus. Hisce ergo Parentibus, qui ad divi Antonii templum ha-

(1) Brasav. de Medic. cathart. quæ unicuiq. humori &c. p. 96. litt. C.

(2) Borsetti Hist. Stud. Ferrar. P. II. p. 86.

(3) Baruffaldi Coment. Stor. . . . all' inscrizione eretta nell'Almo Studio di Ferrara in memoria del famoso Antonio Musa Brasavoli p. 34 & 148.

(4) Brasav. Exam. simpl. Med. §. de lign. p. 427. Edit. Valgris. 1545.

(5) Id. de Med. Cathart. quæ &c. p. 96. litt. C.

(6) Id. Exam. Simpl. Med. p. 428.

Habitabant (1), natus Antonius Musa est decimo septimo Calendas Februarias, hora noctis sexta cum dimidio ante divi Antonii festum, anno a Christi ortu MD (2), Hercule hujus nominis primo Ferrariæ Duce II. Franciscus Comes genitor Antonium Musam appellari eum voluit, non ex diei festi, tem- plive divi Antonii proximitate, non ex ejus Proavi memoria, ut clarissimus Baruffaldus (3) opinatur, sed ut præstantissimum Augu- sti Medicum nomine non solum, verum eti- am scientia, & celebritate (4) referre co- naretur. Nec Patrem fefellerit spes; Antonius enim Musa adeo unus omnium maxime flo- ruit, ut æternam ingenio suo famam condi- derit: Imo Joanni Argenterio Hastensi Me- dico clarissimo (5) videtur id præstítisse Anto- nius Musa Medicus Ferrariensis doctissimus, tanta profecto felicitate, ut non minori admira- tione a nobis legi possit, quam olim a Galeno,

A 2

rei-

(1) Id. Exam. Electuar. p. 16.

(2) Id. Exam. Simpl. Med. §. de lign. p. 428.

(3) Coment. cit. §. 2. p. 63.

(4) Brasav. Comment. in Aph. Hipp. & Gal. lib. 2. Aph. 52. p. 346. Item Exam. Simpl. Med. §. de Gumm. p. 471.

(5) Epist. nuncup. præmiss. Exam. Simpl. Med. Brasav. Lugdun. edit. 1538.

reliquisque Græcis Medicis celebratus fuit antiquissimus ille Medicus Antonius Musa, ut certissima conjectura ob studiorum, animorumque similitudinem, bunc ab illo emanasse existimandum sit. Ab ineunte ætate cæteros ingenio prævertens pueros ad nullum literarum genus ineptus accesserat, fulgebatque in eo mira virtutis indoles, ut adhuc puer, primis Grammaticæ rudimentis a Francisco Bovio (1) Ferrariensi Viro doctrina insigni, feliciter haustis, humioribus literis vacans clam noctu e lectulo exurgeret, animumque studio, amicis noctis silentiis invitantibus, sedulo intenderet. Dux ei tunc erat in hisce literis Cælius Calcagninus (2) Ferrariensis doctissimus. Comite Francisco Patre jam vita functo, qui nobilem puerum ad bonas literas hortaretur, atque excitaret, existebat nemo; quin Margarita Mater, quæ, uti Parentum mos est, nimio filiorum amore tenebatur, quum noctu a somno surgere comperiisset, ut studiis operam daret suis, de ejus valetudine in primis timens, in dies magis conquerebatur, eumque acriter (3) objurgabat. Verum quod post mille

com-

(1) Brasav. de Med. Cathar. quæ unicuiq. humor &c. p. 96. litt. D.

(2) Id. Exam. Simpl. Med. §. de fruct. p. 306.

(3) Id. Exam. Catap. p. 14.

comminationes studium vix delibant pueri, id nostro Antonio Musæ ita arridebat, ut nec morbi timore, nec precibus, aut minis de suscepto in scientias amore demoveri sustineret, diurnisque, nocturnisque horis distributis, neque a negotiis, neque a studiis feratus esse deinceps ad extremum usque vitæ suæ cursum unquam (1) voluerit.

§. I I.

Eius studia, & Praeceptores.

HUnc maxime in modum pueritia acta Clericus constitutus ad matutinas horas singulis diebus conveniebat. Musicis quoque institutionibus vacabat, ut ad omnia, quæ Clericum decent, munera exequenda se paratiorem redderet. Sed cum sibi minime demandatas Sacerdotii partes intelligeret, eo primum studia omnia convertit, ut immenso Juris civilis, & canonici mari se committeret. Mox quum ad nostram Medicam Artem magis magisque illustrandam, augendamque Deus eum delegisset, hinc a Juris studio divulsus ad liberalium, ut ajunt,

A 5

Ar-

(1) Id. Ibid. p. 16.

Artium cognitionem, anno ætatis suæ quinto decimo exacto, magna animi contentione se contulit, in iisque immoratus est. Audiebat tunc Brasavolus celeberrimum Virum Nicolaum Leonicenum Ferrariæ publicum Professorem, de quo ipse ait: *memini excellentissimum Virum Nicolaum Leonicenum mibi a primis Philosophiae rudimentis præceptorem* (1). Doctissimum etiam Ferrariensem Joannem Manardum præceptorem habuit, ut colligere ex verbis ejusdem Brasavoli licet; sic enim de Manardo tradidit: *sed pace dixerim tanti Viri, ac mei præceptoris* (2); & alibi: *Manardo nonnunquam præceptore usus sum* (3).

§. III.

Publicus Dialecticæ Lector efficitur, & Doctoris laurea insignitur.

QUÆ igitur a tantis Præceptoribus Ferrariæ tradebantur, celeriter arripiebat. Qua ex re trium annorum spatio ita proficit,

(1) Id. Exam. Cerat. p. m. 432. Item Exam. Simp. Med. p. 49., & 142. Edit. Valgris. 1545.

(2) Id. Exam. Simpl. Med. p. 25. Edit. Lugdun.

1537.

(3) Ibid. p. 321. Ed. Valgris.

cit, ut (1) diebus festis ad Dialecticam interpretandam, cum adhuc puer ætate esset, & scholasticus, vocaretur. Attamen in docendis tractandisque scientiis senilisquædam in Brasavolo maturitas apparuit, quæ tantam illi comparavit famam, ut vix octavo decimo ætatis suæ anno expleto in patrio Archilyceo publicus fuerit Dialecticæ Lector designatus (2). Subsequenti anno Artium, & Medicinæ insignia adeptus est (3). Quotempore vicesimus primus secundi libri aphorismus Hippocratis Λιμὸν Θώρηξις λύει illi obtingit exponendus (4); & ita dicendi vi maiorem in modum ingenii sui laudem comprobavit, ut universa Academia tantam in

A 4 uno

(1) Id. Exam. Catap. p. 14.

(2) Probatur ex ipso Brasavolo, qui Comm. in Aph. Hipp. &c Præf. p. 1. ait: nam octo annis in hoc almo Ferrarensi gymnaſio Dialecticæ gyros interpretati sumus. Deinde Philosophiam novem annis. Hæc scribebat Author statim a Romæ & Neapolis reditu, idest initio anni MDXXXVI, ut clare (XVII) patebit. Ergo novem annis, & octo in cathedra ascendenda jam ad totum Annum MDXXXV impendisse fatetur. Detractis ergo ab hoc anno MDXXXV novem & octo Magisterii remanent decem & octo ætatis Brasavoli.

(3) Bras. Exam. Catap. p. 14.

(4) Id. Comment. in Aph. Hipp. & Gal. &c. lib. 2. Aph. 21. p. m. 225.

uno homine doctrinam , tantumque mentis acumen satis admirari non posset . Elapso anno , idest MDXX Medicam exercere Artem cœpit (1) tali profecto fortuna , tanta que scientiæ fama , ut magna cum omnium admiratione ad maximos honoris gradus , qui post multa in patriam collata beneficia Senioribus tantum demandantur , eretus fuerit .

§. IV.

Conclusiones , quas Ferrariæ , Patavii , Bononiæ defendit , exponuntur .

Centenas conclusiones pridie Nonas Maii anno MDXX in patria Universitate vix annos viginti natus publice defendendas per triduum suscepit publicus jam Logicæ Professor , qui turpe quidem esse affirmabat Doctori publice Logicam profitenti , si de omnibus ex insperato quoquo modo respondere nesciat ; ideo hanç universalem sub numero octogesimo secundo statuit in Dialectica de quolibet . Septimo Calendas Junii ejusdem anni in Patavino Archigymnasio , & XV Ca-

len-

(1) Id. Exam. Simpl. Med. §. de Metall. p. 525.
Valgris.

Iendas Julii Bononiæ easdem ingenti omnium comprobatione propugnavit. Eas hic, licet a clarissimo Baruffaldo (1) relatas, rescribendas arbitramur. Non illud tantum Lectoribus nostris gratum facturi, ut, quantum in ea ineunda disceptatione insudarit, intelligant, sed & illud magis, ut, quantum præsens ab antiquo philosophandi more distet, cognoscant.

**ANTONIUS BRASAVOLUS
FERRARIENSIS DOCTOR.**

*Has conclusiones in tribus gymnasii Ferrarie,
Patavii, & Bononiæ disputabit: Die 6.*

26. Maii, & 15. Junii 1520.

C. IN THEOLOGIA.

- 1 *Utrum intellectui nostro Dei simplicitas, infinitasque repugnet.*
- 2 *Utrum Viatori in hoc statu altera (demptis physicis disciplinis) necessaria sit doctrina.*
- 3 *Etsi Dei potentia sit infinita: ipsum posse contra-*

(1) Coment. cit. p. 121. e seg.

10 *Antonii M. Brasavoli Vita.*

tradictoria: Divo Thomæ inhærentes: Negamus: Oppositum etiam probabiliter sustentantes.

4 *Utrum in divinis species sint.*

5 *Utrum Angeli sint compositi.*

IN METAPHYSICA.

6 *Utrum Deus idem Metaphysice subiectum sit, quod a Græcis scopu dicitur. Ens vero in quantum, ens ipocimenon, vel utrorumque partes obtineat.*

7 *Utrum de ente reali solum in Metaphy. percurrerit Aristoteles.*

8 *Utrum Metaphysica omnes alias sibi Doctrinas subalternet.*

9 *Utrum Forma composito sit præstantior.*

10 *Utrum Materia quædam formam nobilitate præcedat.*

IN NATURALI PHILOSOPHIA,

11 *Utrum ratio formalis subiecti Philosophiae naturalis sit mobilitas.*

12 *Utrum Divi Thomæ, & Scoti opiniones de primo cognito sustentari possint.*

13 *Utrum Finiti corporis moles: ad terminum non*

non numquam devenerit. Si finitas ab eodem particulas detrahamus.

14 Utrum Antiquorum opiniones ab Aristotele primo Phy. positæ defendi possint.

15 Utrum Artificialia in naturalibus latitent.

16 Utrum Anima secundum Arist. mentem immortalis sit.

17 Utrum in Alchimistarum sensu species transmutari invicem possint: quæ si mutantur dubitamus.

18 Utrum ex stercore aurum fieri possit.

IN PLATONIS DOGMATE.

19 Infernum atque Paradisum Plato esse fatetur.

20 Purgatorium quoque secundum ipsum est.

21 In quo loco infernus: ibi Purgatorium secundum ipsum.

22 Animam quoque unam fatetur eodem modo fere quo Averroys.

23 Animæ de corpore in corpus secundum Platonem non migrant.

24 Et si ad hanc usque diem interpretes dixerint Pla. nostrum addiscere, reminisci esse voluisse, nobis tamen videtur ejus sententiam esse de novo scientias accipere.

25 Decipiuntur qui Platonem de Trinitate loquutum esse opinantur.

IN ARITHMETICA.

- 26 Utrum divisio qua numerus par : in pariter parem : impariter parem, & pariter imparem dividitur: Sit generis in species.
- 27 Utrum Pariter par numerus ab Unitate procreetur.
- 28 Pariter paris proprium est si per sectiones ad unitatem usque proportionales dividatur: Et uno describatur in loco: Si unum ad ei medium: id per se se multiplicatum reddit totum: si vero media duo sint: & ipsa invicem collata reddit totum.

IN MUSICÆ THEORIA.

- 29 Utrum unica: pluresque: Unico pulsu corda voces emittantur.
- 30 Utrum consonantia vocum sit dissimilium in unum redacta concordia: vel ex similibus fieri contigit.
- 31 Ea quæ ex malleis: a Boetio est confecta Musica: Et si ratione consistat: nunquam re ac sensu fieri posse deprehenditur, & siquidem concordia efficiatur illud Mallei pondus: aberrant.
- 32 Utrum Perfectam Semitonium Consonantiam cum

um intercalari sequenti, & altero tono profecerit.

IN PRACTICA MUSICÆ.

- 33 Utrum exquisitam reddiderint Consonantiam per octo sonorum gradus distantes voces tercia interveniente ab altera per diapente & reliquis per diatessaron declinans.
- 34 Utrum canentibus in Choro Præsbyteris in emilia proportione versiculos: quos tamquam nulla fiat sex qualitera tempora metiri possit proportionalia.
- 35 Qui Cantus quinque: sex: pluribusque cadunt vocibus: in alteris quatuor incident: vel ut quartam non excesserint: vel imperfecta sit consonantia, vel absque artificio sit cantus, vel ab humana voce promi non possunt: ex his tamen vituperandi non sunt.
- 36 Utrum Musica nostri temporis media: & antiqua sit facilior.

IN GEOMETRIA.

- 37 Utrum definitio puncti ab Euclide enarrata conveniat.
- 38 Utrum linea recta posita: triangulum equilaterum collocare demonstrative contingat: & si

- si affirmativam partem asseruerit Euclides.
 39 Utrum circuli quadratura intellecta fuerit.
 40 Nec punctum ut punctum est (ni per Analogiam) intelligi posse dubitamus.
 41 Utrum Cubica figura absque aequalitate partium esse possit.

I N P R O S P E C T I V A.

- 42 Eadem per quam res videmus: pyramis non nunquam angulum habet acutum: nonnunquam obtusum, nonnunquam rectum.
 43 Radius acutus rem a* quantitate magis distantem reddit secundum* rectus: tertium obtusus.
 44 Utrum Pyramis eas dimensiones habeat terminatas vel interminatas.
 45 Dubium quomodo figuræ in Euclidis Tetragono naturaliter causentur.

I N C O S M O G R A P H I A.

- 46 Terræ mensores vanum accipiunt fundatum: metiri volentes perspecto polo: quum montium non possint canonem habere.

47

* verba a vetustate consumta.

- 47 Posito trepidationis motu in Cœlis: ea perit Cosmographia.
- 48 Varia quum sint: Centrum magnitudinis, ac gravitatis: Stante etiam polo: deficere non dubitamus.
- 49 Nec si in duas, & viginti partes terræ peripheriam dividamus, a quibus una auferatur, tertia pars relictarum terræ diametri quantitas erit.
- 50 Utrum eadem mensura utantur.

IN ASTRONOMIA DE MOTIBUS.

- 51 Utrum sub Equinoctiali sit habitatio.
- 52 Utrum in secundo, quartove Cœlo Sol elucescat, & si in quarto.

C O R O L L A R I U M.

- 53 Utrum a Mercurio, vel Venere eclypsari contingat, seu magis lucide coalescat.
- 54 Utrum Cœli octo sint, vel plures.
- 55 Alphrag. Ro. de Cœli rotunditate: quam Joannes adduxit vana est.
- 56 Argumentum Joannis, quo per guttas aquam probat Orbicularem, nihil concludit.

IN

IN JUDICIARIA ASTRONOMIA.

- 57 Utrum Planetæ bæc inferiora necessitent.
- 58 Utrum Errones magis: videlicet ipsorum aspectus vigorem infundant, & si aspectus non nunquam Saturno in Scorpione, vel opposito in Horoscopo ascendentे: bona de illo Crisis comprehendi poterit.
- 59 Utrum nonus Orbis figuris (ut ajunt) quibusdam sit inspersus.
- 60 Utrum eadem bæc inferiora compescant.

IN MEDICINÆ THEORICA.

- 61 Utrum inter sanitatem, & ægritudinem detur medium etiam secundum Galeni sententiam.
- 62 Utrum Medicinæ evacuent e tota specie.
- 63 Utrum per similitudinem evacuent.
- 64 Utrum per proprietatem.
- 65 Utrum Prassinea colera ex Vitellina per adustionem generetur, vel etiam ex humiditate fiat, quod nec Avicennæ repugnat.
- 66 Utrum sint alii præter sanguinem humores.
- 67 Subjectum Medicinæ est ægritudo.

IN SIMPLICIUM MEDICINA.

- 68 *Quam in præsenti Brancam Ursinam dicunt: antiqui Achantum appellare.*
- 69 *Reibarbarum apud Græcos, & priscos latinos, inter solutivas Medicinas non nominantur.*
- 70 *Paliurus est ea apud antiquos herba: quam nunc vulgo dicunt Calcatrepula.*
- 71 *Turbit nostri temporis haud verum est Turbit.*

IN PRACTICA MEDICINA.

- 72 *Utrum ab eodem latere, vel diverso pblebotomia fieri debeat.*
- 73 *Utrum in colerica febre, & Melancholica Pblebotomia conveniat.*
- 74 *Utrum ex simili quis ad sanitatem reducatur.*
- 75 *Et si antiqui Medici ex opposito dixerint, non utiliter loquuntur.*
- 76 *Utrum Iteritia sit ægritudo, vel accidens.*
- 77 *Utrum ex pulsu febris cognosci possit.*

IN CHIRURGIA.

- 78 *Utrum in vulnere labia consuere melius sit, vel altera (dempto acu) via colligare.*

- 79 *Utrum Medicamen vulneris nervorum siccum
esse debeat, ut quarto quarti Avicennæ pla-
cet, vel humidum nonnunquam esse possit.*
- 80 *Utrum Os quandoque dislocari opus sit, ut al-
terum collocetur.*
- 81 *Os fractum restitui impossibile est.*

I N D I A L E C T I C A.

- 82 *Turpe quidem est Doctori publice Logicam
profitenti si de omnibus ex insperato quoquo
modo respondere nesciat: ideo hanc univer-
salem conclusionem adduxero.*

D E Q U O L I B E T I N A R T E S O P H I S T I C A.

- 83 *Utrum omnia Sophistica argumenta ad Ari-
stotelis fallacias, vel barbarem Grammati-
cam deduci possint.*
- 84 *Utrum peccata in materia Dialectico conve-
niant.*
- 85 *Si tu es ubique, tu non es ubique, igitur non
es hic: nec has Conclusiones legis: consequen-
tiæ quidem optimæ.*
- 86 *Socrates potest desinere esse sortes nihil deper-
dendo.*

IN

IN RHETORICA.

- 87 *Nec Entimema, neque exemplum: ut talia ad Rhetorem spectant.*
- 88 *Nullus est locus, qui Rheticus dici possit: Et si Marcus Cicero, Boetius, Themistocles ita appellarint: ni materialiter intellexerint: aberrarunt.*
- 89 *Tota Rheticæ vis in coloribus: bisque consistit: quum in Dialectica, ac Grammatica fundamenta sumperferit.*
- 90 *Sola pronunciatio est Rheticæ peculiare.*
- 91 *Argumenta fundata in loco a nota plerumque decipiunt.*

IN POETICA ARTE.

- 92 *Utrum Poeta aliqua specie Argumentationis utatur.*
- 93 *Utrum Syllabarum tempus in ipsis naturaliter sit.*
- 94 *Utrum magis congruum sit, & longam, & brevem syllabam uno tempore insigniri docere.*
- 95 *Utrum dictio, quæ plures habet pedes plura habeat tempora, vel unum.*

IN GRAMMATICA.

- 96 *Utrum Nomenclatura ad Grammaticos, vel
potius Philosophos spectet.*
- 97 *Omne Idioma, Arabicum, Caldeum, He-
breum, Græcum, Latinum, maternum, si-
ve non, Grammatica est.*
- 98 *Utrum Grammatica ante Logicam disci de-
beat.*
- 99 *Utrum postposita præpositio, præpositio sit.*
- 100 *Utrum magis deceat septimum dari casum,
quam oppositum.*

§. V.

Ejusdem lucubrationes, postquam Lector evasit.

PRIMOS sui studii & adolescentiæ labores Deo Optimo Maximo devovere consti-
tuit. Vitam Jesu Christi Servatoris italicō sermone conscripsit, in qua paraphraſtæ mo-
re quatuor divini verbi Evangelicos Scripto-
res interpretatus est. In hoc doctissimo, nec
tam brevi Dialogo, quem una cum Hercu-
lis II Ducis IV Ferrariensium Sorore Eleo-
nora, ac Venerabilis Monasterii Corporis Do-
mini Abbatissa texuit, ejus in sacra Theolo-
gia

gia ad Angelici Doctoris mentem emicat doctrina, ut in originali Ferrariæ in Bibliotheca penes Fratres ex præclarissima Dominicana familia videre est. Hoc vero argumentum (1) ea lingua tractare instituit, ut familia ejus universa æqualem ex heri, & patris scriptis utilitatem perciperet, bene ac fideliter christianam religionem indueret. Conscripsit quoque, non ad Annam Estensem, ut Comes Mazzuchelius opinatus est, sed ad Eleonoram Alphonsi Ferrarensium Principis filiam Dialogum illum, cuius inscriptio est: *Quod mors nemini placeat*. Hunc typis mandavit, cum certo sciret (2) eum, qui mortem contemneret, aliisque mortem contemnendam suaderet, baud vulgarem ex philosophia fructum percepisse, maximaque laude dignum esse. Erat enim Eleonora hujus philosophicæ sententiae, ut mortem quæ terribilium omnium ultimum est, fortiter contemnere se profiteretur. Editus fuit hic Dialogus, notante clariss. Comite Mazzuchelio (3), Lugduni per Sebastianum Gryphium MDXLIII in 8. Nectitur etiam *Examini Em-*

B 3 pla-

(1) Jacob. Ant. Bonus in Præf. apposita Indici in Galen. Brasav.

(2) Id. Ibid.

(3) Scrittor. d' Ital. Vol. 2. Part. 4. p. 2026.

plastrorum. Deinde ut stylum exercebat (ita ut fit) Muricis encomium , quasi ludum lusit , ne quod otii a negotiis suffurabatur , inutiliter contereret (1), quod Unguentorum Examini præmissum legitur . Scripsit etiam de Cœna & Prandio tractatulum , qui Examen Trochiscorum præbit ; quod argumentum , ut ait Jacobus Antonius Bonus publicus Ferrariensis Lector (2), in instituenda vietus ratione , tum ad morbum depellendum non mediocriter conductit . Item cum Illustrissimæ Victoriæ Piscariæ Marchionissæ (3) medicinam ficeret , Marinus Vir doctissimus Ferrariensem aerem , & natale Cœlum reprehendebat , eamque , ut alio salubriorem hauriret aerem , Ferraria descendere hortabatur . Quam ob rem patrii Cœli temperie accurate observata *De Ferrariensi aere libellum* feliciter , ut Marino satisfaceret , literis consignavit , quasi alter Hippocrates (ut idem Bonus tradidit) , qui cum anni tempora , ac Cœli status apud Thasios exegisset , non modo Thasiis profuit , sed Illyricos a gravissima peste liberavit . Observatio sane ad prædictiones utilissima .

VI.

(1) Bonus loc. cit.

(2) loc. cit.

(3) Bras. Exam. Looch p. 5.

§. VI.

Octo Annis Dialecticam legit, Edit scripta.

Ocتو annis Dialecticam publice edocuit
(1), atque ad eam magis magisque il-
lustrandam eo tempore totum se contulit.
Itaque Orationem exaravit.

De Laudibus Dialecticæ, ubi de ejus præ-
stantia, utilitate, ac necessitate differuit (2).

De ordine librorum Logicæ.

De suppositionibus secundum Antiquos.

Commentaria in Paulum Venetum.

Commentaria in Porphyrium Phœnicem.

Porphyrii Panoplia, in qua defenditur Auctor
ab iis, qui ex professo illum reprobendunt.

*Commentaria in Predicamenta Aristotelis Sta-
gyritæ.*

in librum de Interpretatione.

in Posteriora Analytica.

Quoniam vero has omnes (3) lucubratio-
nes demortuus Auctor anecdotas reliquit,
ita

B 4

(1) Id, Præf. ad Comment. Aph, Hipp, & Gal.
&c. p. 1.

(2) Id. Exam. Looch &c, de Insuf. p. 113.

(3) Bonus loc. cit.

ita hæc cum ab una in alias devenissent manus magno literariæ Reipublicæ detrimento forsitan deperiere. Ad Posteros tamen per venerunt *in Anitii Manlii Severini Boetii de divisionibus Opusculum Commentaria, Hieronymo Morosino Nobili Veneto dicata*: prodierunt enim per Magistrum Jacobum Pontium de Lencho VII Idus Aprilis anni MDXXIV in 8. Præter hæc a Bono relata, alia extant opera a Baruffaldo recensita (1) facile a Bono prætermissa. Hæc sunt

Universalia, & liber de re Philosophica differens in fol.

Interpretationes in Porphyrii Isagogas, vel quinque voces.

Prior, me fugit, an fuerit typis evulgatus. Alter, Scholaftico quodam curante, editus fuit. At quum nil tale cogitans Auctor tum Impressoris, tum pravi exemplaris vitio (2) plura legisset errata, quam verba, mendsam correxit editionem, purgavit, rursusque Ferrariæ apud Franciscum de Rubeis de Valentia MDXXX in fol. evulgavit.

§. VII.

(1) *Comment. Istor.* cit. p. 137.

(2) *Brasav. Exam. Simpl. Med.* p. 327.

§. VII.

Herculis Estensis Archiater, & Philosophiae Lector designatur. Varia scribit Philosophica. Reformato Universitatis deligitur. Cum Hercule Galliam petit. Ibi acta.

IN dies ergo ingenii, atque doctrinæ suæ fama apud omnes celebrabatur. Quo factum est, ut anno a Virgineo partu MDXXV, ætatis quoque suæ XXV, in Archiatrum Herculis II Estensis, Alphonsi I Ferrariæ Ducis III primogeniti fuerit designatus. In sequenti anno jam exacto, quo implebatur octavus in Dialecticæ gyrorum publica interpretatione ab eo impensus, ad Philosophiæ naturalis exponendæ munus delectus est, eamque novem annos (1) exposuit. Hoc ipso tempore scriptis consignavit in libellum Averois *de Substantia Orbis inscriptum Juveniles Exercitationes*, quas Illustriss. & Excellentiss. Friderico Gonzagæ Mantuae Duci nuncupatas, typisque mandatas denunciat Baruffaldus (2).

Ve-

(1) Id. Comment. in Aph. Hipp. & Gal. &c.
Præf. p. 1.

(2) Comment. Istor. cit. p. 139.

Verum clarissimus Joannes Andreas Barotti, optimarum literarum cultor eximius, nunquam fuisse hoc opus prælo commissum, me pro sua singulari humanitate admonuit. Apud eruditissimum hunc Virum harum Excerptiarum exemplar Illustriss. & Excellents. Francisco Gonzagæ Mantuæ Duci, Friderici filio dicatum servatur, ipseque literis ad me datis significavit, in exemplaris (quod paginis quingentis circiter in fol. continetur) nuncupatoria Brasavolum fateri, se ex juvenilibus lucubrationibus suis hæc Commentaria Patri ejus Friderico nuncupanda excerptisse; at cum impia fata (Brasavoli verba) illum nobis furto surripuerint, & tam prope ranter, ut vix expirare potuerit, tibi, o puer Illustrissime, maëste virtute totius ditionis bæredi, loco invictissimi patris hunc nostrum laborem dicamus, atque devovemus, ut una sis bæres ditionis, & patris schematum. Patet ergo nunquam Friderico Commentaria fuisse oblata, neque ante hujus obitum, qui vicesima octava Junii millesimi quingentesimi quadragesimi (1) contigit, evulgata. Extincto dein Friderico an hæc in lucem prodierint assiduam doctissimi

(1) Possevinus: Gonzaga lib. 7. p. 736.

Simi Barotti (quem semper honoris caussa nomino) in investigando diligentiam fugit. Item *Commentaria in libros Physicorum Aristotelis*, & *Commentaria in libros de Anima* literis tradidit. Verum, cum hæc a me nullibi inveniri potuerint , valde dubito , an typis unquam mandata fuerint . Quod ad *Commentaria in libros de Anima* spectat , Lectori præstare tantum possumus , eadem , ac si juris fuissent publici , Brasavolum hisce verbis citasse: *Sed hæc a nobis longius in nostris libri de Anima commentariis pertractata sunt* (1). Ob tot assiduos cum in docendo tum in scribendo labores , ut ad illustrem Reformatoris Ferrarensis Archigymnasii dignitatem eveneretur , meritus est . Ex publicis anni census libris in isto fuisse dignitatis gradu collocatum anno MDXXVII compertum habuit Baruffaldus (2) ; ibi enim dignitatis caussa tributo annuo solutus declaratur . At cum Hercules , ut Renatam Regis Ludovici duodecimi filiam (quæ Francisci primi Galliarum Regis glos erat (3) , non nepos , uti

Ba-

(1) Bras. Comment. in Aph. Hipp. & Gal. &c. lib. 2. aph. 6. p. 146.

(2) Comment. Istor. cit. p. 97.

(3) Muratori Annal. T. X. p. 214. & 226. Item Vinc. Bellini Delle Monete di Ferrar. p. 187.

Baruffaldus (1) refert) conjugio sibi jungere Anno MDXXVIII vel Nonis vel postridie Nonas Aprilis Galliam petiisset , Brasavolus pariter ad tuendam ejus valetudinem magno cum Nobilium cœtu eum (2) comitatus est . Parisiis exceptus a fortuna sibi oblatam sui nominis amplificandi occasionem noluit præterlabi . Ibi literis multorum est memoriæ traditum , relatis (IV) centum conclusionibus hanc quoque contra præstantissimorum illius Academiæ Virorum objecta *Quidquid dixit Galenus bene dixit* adjecisse , sciteque omnibus admirantibus per triduum in celeberrima illa Academia propugnasse . Quo factum est , ut Rex Franciscus primus , Scientiarum protector maximus , atque Literatorum Mæcenas liberalissimus , tum publice tum privatim disputantem Brasavolum admiratus , ejusque miram in Medicina exercenda , cum ipse ægrotaret , peritiam , singularis suæ erga ipsum benevolentia , atque existimationis signo , præter alia pretiosa munera , ut tribus aureis liliis gentilitium ejus symbolum distingueret , donarit liberaliter .

Ad

(1) Comment. Istor. cit. p. 49.

(2) Brasav. Exam. Catap. p. 14. Item Exam. Sim. pl. Med. §. de gummi. p. 511.

Ad hæc tempora idem Christianissimus Rex, eximia tanti Viri doctrina, familiæque nobilitate perspecta, illum Sancti Michaelis in Galliis Equitem creavit: hinc pictas ejus imagines aureo Divi Michaelis, ut ajunt, ordine decoratas conspicimus. Ipsos quoque Sorbonici Athenæi Doctores, ut suam de clarissimi Ferrarensis doctrina opinionem palam facerent, in suorum Sodalium numero recenseri justissime Auctor Inscriptionis in Ferrariensi Archigymnasio memoriae Brasavoli affixæ, & Baruffaldus perhibent; quin imo postremus hic Scriptor associationis diem assignat, ut ex Actis, & ex authenticis, ait, satis patet memoriis. Verum aliquem hanc in rem obrepisse errorem, dicendum est; sub illa enim descripti anni die relatum mihi est, frustra in Sorbonicis actis Brasavoli nomen conquisitum esse: curavi autem, ut Academiæ illius acta diligenter investigarentur. Extra tamen dubitationis aleam est, eo tempore doctoribus Parisiensibus ejus doctrina devictis in primis carum fuisse. Inter eos magnæ famæ Virum Ruellium notat ipse Antonius Musa (1). Cum hoc tantam ille inivit amicitiam, ut plerumque prandio excipe-

(1) Id. Exam. simpl. Med. p. 10.

ciperetur, qui nonnunquam Ruellium invitabat vicissim. Quorum multos de Brasavolo verba facientes frequenter inveni, & Inscrip^tio memorata aperte asserit, Antonium Musam, *Musæ* nomine, quasi in eo, uti ait Libanorius, omnis Musarum adesset chorus, a Francisco Galliarum Rege donatum fuisse. Quod quam verum censendum sit, licet maximam Gallorum erga eum benevolentiam comprobare possit, modo non dicam. Ad operis hujus calcem rem melius explanabo.

§. VIII.

E *Gallia redit, nubit, Alphonso Duci medicinam cœpit facere. Cum eo familiariter agit, & Venetias proficiscitur.*

Tantis honoribus, tantisque auctus muneribus eodem anno pridie Cal. Decembris Herculem secutus e Gallia in Patriam Noster Ferrariensis demigravit. Protinus nupsit (1) Cassandræ (2) Ferrariensi (3), præstantissimi Hieronymi de Rober-

tis

(1) Id. Exam. Catap. p. 14.

(2) Id. Exam. Syrup. p. 15.

(3) Id. ibid. p. 10.

tis (1) filiæ. Ex hac nono elapso mense
 (2) filium, & deinceps alios quinque pro-
 creavit masculos, fœminas octo. Hos omnes
 proprio nomine ipse recenset (3), scilicet
 Renatum, Herculem, Hieronymum, Fran-
 ciscum, Joannem Franciscum, & Hyppoli-
 tum, puellas Margaretam, Eleonoram, Lu-
 cretiā, Bernardinam, Lauram, Eleono-
 ram alteram, & alteram Lauram, atque
 Violantem; imo ex his undecim vitam e-
 gisse anno MDXLV eodem loco testatur;
 atque ob tot liberorum copiam *sum*, subdit
 ipse, *immunis*, & *amplo privilegio me decora-*
vit Illusterrimus & Excellentissimus Hercules
Dux Ferrariæ quartus. Ferrariam ergo re-
 stituto summa cum expectatione, & fama
 Antonio Musa, per Urbem de scientissime
 ab eo in Gallia actis unus erat omnibus
 sermo. Itaque peculiaris sapientiæ beneficio
 omnes sibi ita devinxit Cives, ut omnium
 in eum oculi converterentur, neque ei a-
 lius in Civitate compararetur. Quo factum
 est, ut Alphonso Duci, non Herculii tan-
 tum, cœperit, me judice, medicinam fa-

ce-

(1) Id Exam. simpl. Med. §. de lign. p. 428.
 Valgris.

(2) Id. Exam. Syrup. p. 14.

(3) Id. Exam. simpl. Med. §. de lign. p. 428.

cere. Nos testimonio suo Brasavolus facit certiores, Alphonsum nempe Ducem, lateralí morbo ex¹ pituita correptum, pristinæ sanitati donasse (1), quem dein sub ejus cura obiisse indubium quoque est; hæc enim profert (2): *Nos Illusterrimum Alphonsum Ferrarie Ducem in cura habuimus, in cuius ventriculo tuberculum disruptum est.... & secunda die a disruptione mortem.* Quam vero familiariter Brasavolus cum Alphonso age-ret, non ut subditus cum Domino solet, sed intrinseci alicujus more, Venetiis ma-xime patuit. Cum illuc, nescio quo anno, profecti essent una cum divino Ludovico Areosto, cymbamque cum Magnifico Ca-tharino Zeno conscendissent, jussit Dux remiges Castellorum portu exire, atque in al-tum provehi. Dux & Zenus in puppi se-debant, Areostus & Brasavolus tenebant proram. Vix duorum milliariorum spatio a littore aberant, cum conqueri cœperunt nautæ, aerem nimis refrigerescere (3), pro-

xi-

(1) Id. Comment. in Aph. &c. lib. 6. aph. 330
p. 977.

(2) Id. ibid. lib. 7. aph. 8. p. 1043.

(3) Nauticam vocem Venetorum vernaculo ser-mone ita exhibet Brasavolus *el se refresca massa.* De Med. purgant. p. 9., quo loco hæc omnia ab eodem narrantur.

ximæ tempestatis signum. Ad portum regredi exclamat Dux; at invalescente vento undæ interim intumescere, agitari, in cymbam fluctus jacere cœperunt. Nautæ per transversum undas prora secant, quæ carinam percutientes in altum elevabant, dumque frangerentur, partim navim ingrediebantur, partim in Brasavoli faciem impingebant; nullus enim dabatur locus, in quem progre- di posset. Jamque se minime naufragium fugere posse arbitrabatur, cogitabatque, si navis submergeretur, se supra Ducis dorsum jactare, illique tenaciter inhærere, ut cum eo salvus evaderet, vel suffocaretur. Hoc autem consilii capere statuerat, sciens Alphonsum Ducem facillime, uti piscem, enatare. Jamque pedem unum ex una transtrorum parte, alterum ex alia posuerat, ut illum posset liberius aggredi. Sed Deo dante Mu- ranum, ubi tunc Dux habitabat, pervene- runt. Tum Dux Brasavolum marina aqua fluentem irridere aggressus est, qui & ex il- la non parce biberat. Nam cum fractæ un- dæ faciem attingebant, inspirabat vehemen- ter, easque invitus exsorbebat. Quum se vero jactaret Dux, si navicula obrueretur, ad litus libere enataturum; id fecissets qui- dem, respondit Brasavolus, si permisitsem.

Cur non facerem , ille interrogat . Quia , responderet , cum in una tua natandi dexteri- tate , & facilitate mortis evitandæ spem con- jecissem , te procul dubio per collum appre- hendens , dorsoque tuo insiliens fortunam tecum tuam experiri decreveram . Tum o- stenso pugione , quem lateri Dux suspensum tenebat , manus tibi , inquit , incidiisse , & enatassem . At cum te cruribus meis com- plexus essem , subdit Brasavolus , pugionis evaginandi commodum eripuisse , atque ita in risum controversia soluta est . Vide fami- liarem Viri licentiam , summamque in eum Ducis benignitatem . Pugionem illum postea dono accepit ab Hercule Duce IV , cum eum Romam comitaretur anno MDL . At Brasavolus , ea aquarum illuvie , in ventricu- li perturbationem incidit , alvique profluvium per octo dierum spatium ita passus est , ut vix aliquid edere posset . Nec modo tanta apud eum florebat gratia , sed & auctorita- te valebat pluriū , atque adeo , ut Dux ipse filium suum parvulum Alphonsum in extremum vitæ adductus discrimin non se- mel ei commendaverit (1) . Promissa item , quæ ,

(1) Id. Epist. vuncup. ad Alphons. Estens. præ- miss. Exam. Catap. p. 3.

quæ, dum ultimo Dux Alphonsus tenebatur morbo, Brasavolo, utpote Botanicæ cultori solertissimo, fecerat, summam Ducis in eum benevolentiam confirmant: *Mi Antoni, si a præsenti ægritudine evadam, ingens viridarium tibi decrevi, & nuntios, quorsum jusserris, mittam, ut herbae, quæ apud nos non sunt, afferrantur.* (1).

§. IX.

In Archiatrum confirmatur ab Hercule. Universitatis Reformator creatur. Herculis Ducis in illum amor, & liberalitas.

MOrte interim deleto pridie Cal. Novembris hora sexta noctis, sexta decima horæ parte dempta (2) anno MDXXXIV Alphonso Duce, Hercules, cui summa imperii delata est, magna Civium exultatione, & plausu die omnium Sanctorum festo ejusdem anni Dux salutatus (3) Antonium Musam peculiari Diplomate in Archiatrum suum confirmavit; hinc perpetuum in almo Archi-

C 2 gym.

(1) Id. Exam. simpl. Med. p. 59.

(2) Id. ibid. 594.

(3) Id. ibid. p. 595.

gymnasio Reformatoris obivit munus: *Principi enim medendi provincia eam quoque dignitatem secum dicit, quæ te Ferrariensis Academæ ex altera parte Principem, ac Moderatorem efficit, ut in uno munere decernendo duas dignitates sis adeptus*, scribebat Renato Brasavolo Bartholomæus Riccius (1). Hac ille in dignitate constitutus re ipsa in *memoriali* proximi insurgentis anni MDXXXV legitur a Ferrante Borsetti (2); eamque illi merito, cessisse Jacobus Antonius Bonus anno circiter MDL gratulabatur: *In Ferrariensi Academia cui multos abbinc annos merito prefectus est* (3). Anno quoque MDLV, cum de doctissima Jesu Societate in Galliarum Regno primo admittenda, stabiliendaque ageretur, Academiæ nostræ duo supra triginta Magistri in Divi Romani templo coacti solemne in Societatis comprobationem testimoniū sanxerunt, quod, Hercule Duce curante, Sorbonæ Theologis redditum apud illos tantum valuit, ut in Gallias fuerunt Religiosissimi Patres acciti. Brasavolo Reformatori onus ab Duce impositum fuit, ut Uni-

(1) Epistol. lib. v. epist. 31.

(2) Hist. Alm. stud. Ferr. P. I. Lib. II. p. 185.

(3) Praef. ad Indic. Galen. cit.

Universitatis Lectores, quod sui juris erat, convocaret, ut affirmat P. Daniel Bartoli ejusdem Societatis Scriptor eximius (1). Archiatrum adeo, tamque diligenter Hercules coluit, ut pluries (2) secum prandendi ei copiam fecerit, eumque summa sibi familiaritate devinxerit: quare jure & merito affirmare Brasavolus poterat: *Ego testis sum optimus, qui intimam habui cum Illusterrimo Alphonso consuetudinem, & quam nunc habeam cum Illusterrimo Hercule patrone meo nullus ignorat* (3): Ea autem hujusmodi erat, ut tamquam Pater ab Hercule habebatur. Quod adeo cuique apertum fuit, ut quum Hieronymus Antonii Musæ filius *Examen omnium Sief, idest Colleriorum a Patre conscriptum eidem Duci dedit caret, impulit vero, ait, tua in Patrem meum benevolentia, nam (ut audivi) illum non ut trivialem quempiam amas, sed diligis, colis, ac uti Patrem observas.* Tandem præter alia amplio prædio, quod *Novi* dicebatur, in Carpeni agro anno circiter MDXXXV eum donavit, de quo ita sibi plaudebat, ut *deinceps nec succidia, nec panis (ut Ciceronis parœmia utar)*

C 3 deesse

(1) Italia lib. 3. cap. II.

(2) Brasav. De Ord. ac modo Jur. dicend. in princip. Item p. m. 700.

(3) Id. Exam. Electuar. p. 34.

deesse possit (1). Ejusdem prædii fructus per Mantuanam ditionem ab omni vectigalis onere immunes Ferrariam asportari poterant ex privilegio Friderici II Mantuæ Ducis Antonio Musæ Idibus Julii anno MDXXXIX dato, quod anno MDXLIII ab Vincentio confirmatum in Mantuano Tabulario legitur. In quo tot ipsius prædii proventus adnumerantur, ut Brasavolo obsonia etiam & vestes abunde possent suppeditare.

§. X.

*De aceto scribit, de vino, de arborum medicina,
& de citris epistolam.*

QUAMVIS Philosophiæ naturalis Lector (VII) discipulos quotidianis lectionibus instrueret suos, & tot ægrorum curis implicaretur, ut illi *singulis annis quingenti supra mille ægrotantes*, Amato Lusitano teste (2), subjicerentur, non his (V ad VII) tamen laboribus contentus fuit. Libellum scripsit

(1) Id. Exam. Simpl. Med. §. de liquid. succ. p. 430.

(2) Comment. in Diſcor. lib. 3. Enarr. 12. p. 293.

psit de *Aceto illustri Julio Tassoni Duci strenuissimo* datum. In eo varia aceti genera, ejusque qualitates explicat, quibus fiat modis exponit, & quomodo brevi acerrimum evadat, explanat (1). Tractatum quoque de *Vino Illustrissimo Alphonso Duci Ferrariæ* dicatum scriptis mandavit (2). Hic docet, quæ sapidiora apud antiquos vina haberentur, quæque eorum diversæ essent species, quibus ætatibus iis utendum, quomodo & quando degenerant, & de optimis sui temporis vinis, deque medicatis differit, pharmacopolasque instituit, quæ ex illis in officina sint asservanda. Librum etiam de *Arborum medicina* exaravisse ex ipso constat; nam de Citris ad Serenissimos Principes Herculem Esteensem, & Renatam Gallam Ferrariæ Duces cum verba faceret, hæc habuit: *Denique hujus arboris morbos, & remedia hic opus esset afferre, nisi sat superque in nostro de arborum medicina libro illa tractavissimus* (3). At quoniam de Citris mentio incidit, ea hic est commemoranda epistola, quam adhuc adolescens ad Illustris.

A 4

si.

(1) Brasav. Exam. simpl. M. §. de liquid. succ.
p. 430.

(2) Id. ibid. p. 429. & seq.

(3) Epist. nuncup. præmiss. Exam. simpl. Med.

simum Hippolitum Estensem, Mediolani Archiepiscopum, ac dein S. R. E. Cardinalem *de Citris* dederat, quamque excusam ex eo putamus, quod Antonius Musa de his fructibus agens exoptat, eamdem *pro hac re legere ne pigeat* (1). Etsi autem, ut superiora opuscula mihi compararem, ac legerem, frustra vias omnes sim persecutus, ex nuncupationibus tamen, quas gestant, prælo credo subiecta.

§. XI.

Opus, cui inscriptio est Examen simplicium Medicamentorum, exarat; quod Romam & Neapolim quum pergeret, secum Romæ imprimendum defert.

ERAT Medicorum pene omnium suæ tempestatis sententia, eaque humano generi perniciosissima, insigni Medico indecorum esse, simplicia medicamenta de facie nosse, illa sæpe tractare, a falsis vera, ab adulteratis legitima discernere. Quo fiebat, ut in Seplaysios, Pharmacopolasque, homines literatum

(1) Exam. Simpl. Med. p. 325. De hac epistola etiam loquitur in nuncup.

rum ignaros, hoc rejiceretur munus. Eadem de re Leonardus Fuchsius conquerebatur (1). Hoc autem onus & honorificum & Medico pernecessarium cum non ignoraret Ferrariensis noster, atque non nisi exacta medicamentorum simplicium notitia medicinas compонere, & compositis recte uti quemquam posse, sciret, tantum mortalium detrimentum ferre nequivit, & arrepto calamo anno circiter MDXXXIV (2) literis mandavit *Examen omnium simplicium medicamentorum, quorum in officinis usus est*. Hoc in tractatu omnia simplicia medicamenta, quorum apud Ferrarienses publicus erat usus, solertissime perpenduntur, ne ægroti aut decipi, aut lædi possent; in eo enim, Jacobo Antonio Bono (3) affirmante, multos errores emendavit primus, multa ab aliis intacta primus edocuit. Insequenti anno, quum Herculem Ducem Romanum ad Paulum tertium Pontificem Maximum & Neapolim ad Carolum quintum Imperatorem comitaretur (4) proficiscentem,

ut

(1) Paradox. Med. lib. 1. Proem.

(2) Brasav. Exam. simpl. Med. p. 428. ubi hæc habet: *Nunc trigesimum quartum annum implevi*.

(3) In Præf. apposita Indic. in Gal. libr. Brasav.

(4) Brasav. Comment. in Aph. Hipp. &c. Præf. p. I.

ut dicemus, ad Typographum opus detulit
 (1) imprimendum, atque Herculi Estensi,
 & Renatae Gallæ Ferrariæ Ducibus dicatum
 in fol. dedit Romæ impensis, & laboribus
 Antonii Bladi de Asula anno a Christi nati-
 vitate MDXXXVI Mense Mayo.

§. XII.

*Hoc opus Lugdunum delatum recuditur.
 Argenterii de eo judicium.*

UNICUM hujus præstantissimi operis ex-
 emplar mense ultimo ejusdem anni
 fuit Lugdunum (2) ab Urbe delatum. Quum
 Joannes Argenterius (1) doctissimus Vir uti-
 lissimum, quod ab omnibus legeretur, judi-
 caret, minime passus est, ut alii eo diu ca-
 rerent, ac statim recudendum curavit, ut,
 (3), in universam nostram Galliam, Germa-
 niā, aliasque omnes gentes, quæ ab bujuscemo-
 di literarum studiis non abhorrent, prodiret. Lug-
 duni igitur apud Joannem, & Franciscum
 Frel-

(1) Bladus typographus in nuncup. R. P. D. Christophoro Jacobat. Episcop præmiss. edit. Rom.

(2) Epist. nuncup. præmiss. Exam. simpl. Med. Brasav. Lugdun. edit. 1537.

(3) In Epist. nuncup. cit.

Frellæos fratres MDXXXVII in 8. fuit recusum. Huic addita fuerunt *Aristotelis Problematæ, quæ ad stirpium genus, & oleracea pertinent*. Joannes Maria Comes Mazzucheli vir clarissimus in amplissimo Scriptorum Italicorum (1) opere Lugdunensem editionem ad annum refert errore, ut puto, typographico MDXXXVI, quo Romæ primum prodiit. At nuncupatoria tertio Idus Januarii MDXXXVII data est, in eaque scribit Argenterius editor (quod in operis calce ipsi Frellæi impressores fatentur) mense tantum Decembri ab Urbe delatum opus fuisse, quomodo ergo anteriori anno Lugduni eorumdem Impressorum opera fuit prælo commissum, aut excudi potuit? Si anno MDXXXVI Frellæus impressisset, non quidem exemplari romano Benedicti Curtii Symphoriani indigisset. In hujus tractatus adprobationem sequentia præstantissimi Editoris (2) verba apposite subnectam: *Nam si hujus Viri (B拉斯ولي), & aliorum, qui in eodem argumento versati sunt, monumenta comparare inter se libeat, illos pauca sparsim, nulloque saepe ordine: bunc plurima, eaque certo, antiquo, & jucunde scri-*

(1) Gli Scrittori d'Italia Vol. 2. Part. IV. p. 2025.

(2) In epist. nuncup. cit.

scribendi genere tradidisse comperiemus: ut si propter utilitatem alios legimus, amamusque, bunc jam venerari, & in sinu gestari oporteat. Et mehercule multis aliis nominibus laudandus est. Et enim alii non omnes ex aequo, sed Germani Germanos, Galli Gallos, ac tandem unusquisque suos potissimum juvare studuit: hic omnibus prodesse voluit, ad omnesque nationes sua transferre laboravit, ut ita ab omnibus vehementer amari debeat. Alii præterea ita docte scripsérunt, ut a solis doctis legantur: alii inepte, ut nulla voluptate lectores alliciant. Hic etsi rem cum idiotis tractaret, tamen orationem ita temperavit, ut ab eruditis, quoniam eruditus, & a paulo rudioribus, propterea quod a populari facilioreque stylo omnino non recedit, cum utilitate, & jucunditate legi queat: ut postbac neminem esse putem tam male in antiquos auctores animatum, qui hujus viri lectione oblectatus, tandem non rescipiscat, cupiatque in bonis studiis versari: neminem tam doctum, qui illius conatus vehementer non approbet, fateaturque se multum cum eo profecisse.

§. XIII.

*Aloysius Mundella Brasavolum
carpere conatur.*

CONTRA Argenterii, ac cæterorum doctiſimorum expeſtationem, tertio Kal. Januarias anno ſalutis MDXXXVIII infurrexit Aloysius Mundella Brixianus, nonnullas in Antonii Muſæ ſimplicium medicamento-rum exameп criticas ſubjiciens annotatio-nes, quas inter epiftolas medicinales Mun-dellæ Basileæ MDXXXVIII in 8, ibidemque apud Michaelem Iſingrinium MDXLIII in 4 apud Lud. König in 8, & Lugduni apud hæredes Jacobi Juntæ MDLVII in fol. una cum epiftolis aliorum Auctorum p. 383 edi-tas, facile reperiet curiosus Lector. Oblatum tamen certamen nullo pacto fuſcepit, ac nullo peculiari libello ſuæ fretus doctrinæ veritate ei responſum fecit. Sed cum Val-grifium typographum Venetum *Examen* ſuum edere velle intelligeret, ſtatim in operis re-cudendi initio (1) cum Sene ita Dialogum iſtituit: *Non me latet*, ait Senex, *multos in*

te

(1) p. 3.

te scripturos esse, & Brasavolus respondet: **Nos** oppositum sentimus, quis enim bac in re o-
nus absque honore subire voluerit? nempe viri pro-
bi aliud quid habent quod agant, quam in uno
alicuius authoris libro decem, aut duodecim non
quidem errata, sed ambigua invenire: ignavi
vero, & qui bonas literas summis solum labris
degustarunt, & si prava eorum natura in bonos
viros invehatur, & inani quadam gloriola ducti
eos vellicare tentent, posthabendi sunt, & tra-
ctandi veluti aselli, qui dum per viam transimus
pedita emittunt, & veluti trochlearum strepitus
negligendi, illisque dicendum, scribe tu si sapi,
& justum volumen, & non viginti, aut triginta
versus in ordinem congere. Quantum in me est,
scribat quicumque in nostras nugas, nunquam
Apologia conficiam, ne vulgi fabulam evadam,
& per totam urbem digito commonstrer, sed cum
in re aliqua vellicabor, de ea agam cum obiter
incidet, nulla etiam illius, qui me carpere ten-
tabit, mentione facta, illa scribens, quæ veri-
tati nobis convenire videbuntur, ne & ego videar
virum illum (si vir sit) vice versa, & maligna
quadam mente reprobendere velle, & veluti de
illius **injuria** vindictam sumere. Revera a Se-
ne interlocutore Mundellæ objecta suis pro-
priis locis prolata sine iracundia diluit Bra-
savolus, ac suppresso Mundellæ nomine, uti
virum christianum, uniusque veritatis aman-
tem

tem decet, comiter, & jucunde refellit. Autem ita tractatum in 8. typis Valgrisius Venetiis commisit anno MDXLV.

§. XIV.

Amatus Lusitanus Mundellæ refellit objecta.

*Andreae Cœsalpini de Brasavolo
judicium.*

NON me latet quoque, Amatum Lusitanum in suis in Dioscoridem Commentariis (1) loquentem induxisse Brasavolum, qui quum Sorbum immaturum validam vim habere astrictoriam, maturum vero parvam, aut nullam ab Amato pronuntiare audivisset, hæc statim verba profert: *quum olim in Examine simplicium medicamentorum in similia verba prorupisset, non defuit postea quidam male feriatus vir, qui, tanquam falsus, ea obliterate rare conabatur.* Cui verbum tali pacto Amatus reddidit: *Sinamus istos sycophantas maledicentes, qui nihil praeter obtrectationes, calumniasque discunt, nescientes bonum a malo discernere, & vitium a virtute.* Plura alia ibi dicuntur.

(1) lib. 1. Enarr. 155. p. 150.

cuntur, quæ, ne fatigentur Lectores, omit-
timus. Non tamen silentio prætereunda Pe-
tri Andreæ Matthioli maledicta sunt, con-
viciaque in Amatum, quod is *impudentissime*,
ut ait (1), *Mundellam ipsum virum citra om-
nem controversiam clarissimum sycophantam ap-
pellavit*. Sed dum Amatum impudentia no-
tare nititur, ipse in majorem labitur. *Præ-
stantissimos viros optimè de literis meritos non sy-
cophantas, sed modestius nominandos exclamans*, non ne, Amatum alloquens ait, *stoli-
dum, vecordem, insanum te judicabunt?* Vir
ergo, qui plurima evulgavit scripta, Romam-
que aliquoties accitus fuit, ut *Julio III Pon-
tifici Maximo ægrotanti opem ferret* (2), quem-
que dum in Ferrarensi Academia publice
(3) profitebatur, *Rex Poloniæ* (Petro Castel-
lani (4) referente) *ingenti præmio invitavit*,
sed ire recusavit, vecors ne & insanus haben-
dus? Cur non potius rationibus, quam jur-
giis Mundellæ sententiam vindicat? Neque
sum nescius de Polemonio (5) tractantem

hæc

(1) Censur. in Amat. Lusit. Enarrat. ubi de Po-
lemon.

(2) Amatus in Epist. nuncup. Centur. III. præ-
fixa.

(3) Id. in nuncup. ad Comment. in Dioscor.

(4) Vit. Illustr. Med. ubi de Amato.

(5) Amat. lib. 4. Enarr. 9. p. 377.

hæc Amatum protulisse: Nec est, quod Mundella Brixiensis vir mea sententia doctus, sed in praxi parum instructus, Brasavolum in bac revellacet, quum ex variis simplicibus eandem vim habentibus, unum medicamentum componere, apud Medicos novum non sit. Item de Mercurio verba faciens (1) hæc scripsit: *Hoc vero sciens doctissimus Brasavolus, examine suorum simplicium dixit, nos argentum vivum infantibus in vermium semimortuis exhibuimus, & illici sanati sunt: nec Mundellæ Brixensi, qui contra illum invebitur, fides ulla habenda est, quum absque ratione, & experimento loquatur;* acriter enim argento vivo deleteriam inesse vim, ideoque minime deglutiendum Mundella contra Brasavolum propugnabat. Verum mirari non debemus, uti Petrus Andreas Matthiolus (2) Stephano Laureo Medico Cæsareo scripsit, si Brasavolus tam clarus & aetate nostra Medicus, ad necandos interaneorum vermes, dari pueris argentum vivum nullo in commodo scriptum reliquit, cum de Mercurii innocentia omnes ad hanc diem sint Medicis testes, ejusque singularem anthelminticam vim universus prædicet terrarum orbis;

D unde

(1) Ibid. lib. 5. Enarr. 70. p. 490.

(2) Epist. Med. lib. 4. p. m. 276.

unde optime ajebat Cicero, veritatem id in se habere, ut per se se sola a maledicis tueatur. Sed licet contra *simplicium examen tam* vehementer Mundella scripserit, nihilo tamen minus Venetiis sub signo Putei MDXXXIX in 8, ibidemque apud Antonium Vincentium MDLVI in 16, & antea MDLV Tiguri recusum fuit, & Lugduni tandem apud Joannem Frellonium MDLVI typis Michaelis Sylvii in 16, uti summa, qua pollet, humanitate me docere dignatus est clarissimus Vir, ac Sereniss. Mutinæ Ducis Bibliothecæ Præfectus P. Franciscus Antonius Zaccaria Societatis Jesu. Ex quo periclitantis Botanicæ restaurator nominari cœptus est. Ita Andreas Cæsalpinus Aretinus, summiq[ue] Pontificis Clementis VIII Archiater, qui octo supra quadraginta ab Antonii Musæ obitu annis e vivis excessit (1): Cæterum stirpium cognitio, quæ & a Græcis authoribus, & a Latinis, Arabibusque tradita est, ob barbarorum injuriam periclitabatur, ne deleretur omnino: nisi nuper eandem suscitassent Ruellius, Hermolaus, Brasavolus, aliquique exteri. Hinc maxime demiror, doctissimum, ac magni nominis in Republica medica Virum Albertum

(1) De Plant. Epist. nuncup.

tum Haller de botanico nostri Auctoris ope-
re non adeo utiliter sensisse (1). Consentit
enim ipse sapientissimus Vir, incultum mi-
serumque fuisse Botanicæ statum eo tempo-
re (2), quo vivebat Brasavolus, tuncque
hortos medicos condi publicos in usus tan-
tum cœpisse. In humili ergo, quasi dicam,
Botanices initio expectanda ne erant ab hu-
jus Scientiæ cultoribus opera maxime per-
polita, omnibusque numeris absoluta? Quæ
scientia in institutionis suæ vestibulo perfe-
cta fuit? Non ne ideo ejus Inventores, Cul-
tores, Instauratores maximo in pretio ha-
bendi? Horum opera hodiernis comparata,
quia imparia, sunt contemnenda?

§. X V.

Peculiaris in Botanicam Antonii Musæ amor.

TAnto in Botanices culturam amore di-
ligens rei medicæ Instaurator fereba-
tur, ut omnia simplicia, Amato Lusitano re-
ferente (1), variis scriniolis disposita apud se
D 2 re-

(1) Method. Stud. Med. Boerh. locuplet. T. I.
p. 213.

(2) Ibid. p. 212.

(3) Comment. in Dioscor. lib. 5. Enarr. 44. p. 479.

reservata haberet, & ea omnibus magna animi liberalitate videnda exhiberet. Viridarium quoque multis simplicibus refertum posuerat, & tanta ipsi erat in iis ab hiemis inclemencia defendendis accuratio, ut ea singulis annis milii nigri culminibus tegi, &, vere adveniente, detegi (1) juberet. Quo ex more illud incommodi fortuito contigit, ut dum aliqua ex iis culminibus ancilla ejus, multo vino obruta, combusisset, cineremque, in quo nonnullæ adhuc scintillæ latebant, in aviarium, & apud paleare transportasset, vehementi adspirante vento, eodem die incendium proximæ tegeti (de qua infra uberius) intulerint.

§. XVI.

Typis committit tractatum de Aequali hominum natura, Examen Syruporum, dein Examen Catapotiorum.

EO ipso tempore, quo simplicium (XI) examen instituit, tractatum quoque, si non antea, *de aequali hominum natura*, & quare alter alterum excellat exaravisse suspicamur; anno

(1) Brasav. Exam. omn. oleor. p. m. 217.

anno enim proximo post Examinis Simpli-
cium editionem, idest MDXXXVII Vene-
tiis in officina S. Bernardini in 8 prodiit.
Item opus inscriptum *Examen Syruporum*,
quorum publicus usus est, evulgavit sub auspi-
ciis Eleonoræ Estensis Alphonsi Ferrariæ Du-
cis III filiæ. Dum septimus a suis nuptiis
agebatur annus (1), idest MDXXXV in hu-
jus scriptione examinis laborabat; quod ta-
men an ante annum MDXXXVIII, quo
Venetiis in officina Divi Bernardini fuit ex-
cusum per Bernardinum Stagninum, prodiis-
set, satis non teneo. Ibidem quoque apud
Cominum de Tridino Montisferrati anno
MDXLV, & antea, idest MDXL Lugduni
(2) & iterum MDLVI apud Joannem Fre-
lionum typis Michaelis Sylvii, uti me per-
humaniter instruit celeberrimus P. Zaccaria
memoratus, fuit eadem forma recusum.
Huic libello *Examen omnium Catapotorum*,
vel pilularum, quarum apud *Pharmacopolas u-*
sus est Alphonso Estensi, Alphonsi Ducis Fer-
rariæ filio inscriptum successit (3). Editum

D 3 Ba.

(1) Id. Exam. Syrup. p. 10.

(2) Frisius Biblioth. & A. Haller Stud. Med. &c.
T. I. p. m. 184.

(3) Brasav. Exam. Catap. Epist. nuncup. ad Al-
phons. p. 4.

Basileæ fuisse apud Frobenium anno MDXLIII
in 4; Lugduni apud Joannem Pullonum
MDXLIII, quæ editio a Cl. Andrea Barotti
demonstrata mihi est, & apud Frellæos fra-
tres MDXLVI in 16; Venetiis apud Vincen-
tium Valgrisium MDXLIX in 8; Iterum
Lugduni apud Antonium Vincentium MDLVI
in 16 certo scimus. Quæ & ultramontanæ
potissimum editiones, quanto apud Medico-
rum Rempublicam hoc opus in pretio fue-
rit, satis loquuntur. Atque hoc omnibus
probatorum Auctorum scriptis commune est,
ut propria se laude tueantur.

§. XVII.

*Roma, & Neapoli in Patriam reversus Aphorif-
mos Hippocratis interpretatur.*

Anno MDXXXV (1) publicas lectiones
per quatuor mensium curriculum inter-
mittere ab Duce Hercule coactus est, ut il-
lum Romam ad Paulum tertium Pontificem
Maximum, & Neapolim ad Carolum quin-
tum Imperatorem proficiscentem (XI) co-
mi-

(1) Id. Comment. in Aphor. Hipp. &c. Præf.
p. I.

mitaretur (1). In suo Commentario historico Hieronymus Baruffaldus (2) tempus hujusce itineris expresse adnotans ad sextum decimum Augusti diem Brasavoli profectiōnem, redditumque ad sextum decimum Januarii insequentis refert. At a die Augusti sexto decimo ad Januarii decimum sextum, non quatuor, sed quinque mensium spatium interfluere nemo ignorat; Brasavolum vero quatuor tantum mensibus, ipso (3) fatente, abfuisse certo certius est. Quamobrem veritati consonum magis, die undevicesima Septembris discessisse, & vigesima quinta Januarii die subsequentis anni Ferrariam rediisse, uti de Hercule verba faciens in eruditissimo *de nummis Ferrariensibus* opere notat Amicus noster Vincentius Bellini doctif. simus, ac in nostra Ferrariensi Universitate

D 4 *B. vistini* de

(1) Id. ibid. Item Exam. oleor. p. m. 397. Item de medic. purgant. &c. p. m. 43.

(2) p. 94 , & 107 .

(3) Superioribus mensibus illustrissimus, & excellen-
tissimus Dux noster Hercules coegit nos publicas lectiones
intermittere, ut illum Roman ad Paulum tertium Ponti-
ficem maximum, & Neapolim ad Carolum quintum im-
peratorem comitaremur. . . . & si nunquam in hoc qua-
tuor mensium spatic otiosus fuerim &c. Comment. in
Aph. Hipp & Gal. &c. Praef. p. 1.

de antiquis monumentis famigeratissimus Le-
ctor (1); spatium enim a Bellini signatum
quatuor implet menses, & dies sex. Sed
hæc levissima sunt, quæ tamen, ut suus ve-
ritati locus daretur, minime prætereunda e-
rant. Quocumque tendebat Brasavolus sum-
mis excipiebatur honoribus. Neque eum li-
terati tantum Viri, sed & Urbium primo.
res, ac moderatores, & summus ipse Impe-
rator Carolus in primis coluit. Ejus sæpe col-
loquia exquisivit, eum publicis laudibus cu-
mulavit, eique argenteam Austriæ fasciam
gentilitio Brasavolorum stemmati inferendam
permisit, & magnifico Aulæ Cæsareæ, &
Imperialis Concistorii Comitis nomine, ut
ex Imperiali Diplomate dato Neapoli pridie
Idus Decembris eodem anno MDXXXV a-
bunde patet, decoratum voluit. Expleto jam
hoc itinere, & in Patriam redux publice
Hippocratis aphorismos, Galenique Commen-
taria interpretanda suscepit (2). Hæc ma-
gni facta pluriesque recusa fuisse scripsit in-
ter alios Morerius (3), mihi tamen accidit
nunquam, ut præter Frobenianam Basileæ
in

(1) Delle Monete di Ferrara p. 201.

(2) Brasav. Comment. in Aph. &c. loc. cit.

(3) Dictionnaire &c. in verbo Brasav.

in fol. an. MDXLI ad Serenissimum atque invictissimum Henricum Britaniæ Regem dicatam, alias invenire potuerim editiones, quamvis Gesnerum, & Frisium in suis Bibliothecis secutus Clar. Comes Mazzucheli (1) alteram ab eodem Impressore anno subsequenti excusam denunciet. Non equidem ignoro de recudendis hisce Commentariis secum toto animo Auctorem cogitasse; Ferrariæ enim quamplurimis immutatis locis, ac scholiis ab eodem additis ea adservabat olim primarius in Patria Universitate Professor doctissimus, de Republica Medica benemeritus Franciscus Nigrisolius (2); eaque, Jacobo Antonio Bono (3) teste, *ad incudem revocavit*. At morte forsitan præventus, quod animo intendebat, absolvere, ut suspicor, non potuit. Eadem publici juris facta non mediocrem Scriptori suo commendationem, & *Viri eruditissimi* nomen a præstantissimo Commentatore Joanne Zecchii Bononiensi (4), pepererunt. Imo Hieronymus Mercurialis, Vir apud Medicos cele-

(1) Scrittori d' Italia Vol. 2. Part. IV.

(2) Baruffald. loc. cit. p. 139.

(3) Præfat. præmiss. Indici Brasav. in Gal. libr.

(4) Comment. in Aph. Hipp. Sect. 8. p. 77.

lebris, horum Commentariorum concinnitatem maxime probans cum Hollerio sapientissimo Viro illum comparat (1) : *Antonius Brasavola, atque Hollerius, Viri tempestate nostra in medicina facienda, atque docenda eminentissimi.*

§. XVIII.

Eius in literis græcis peritia.

QUÆ cum sine maxima Græcæ linguæ peritia aggredi non potuerint, græce enim suos conscripsit Hippocrates aphorismos, quantum in ea lingua excelleret Brasavolus dicendum est. *Institutiones linguæ græcæ*, de quibus infra, conscripsit, & in latinum sermonem primus eos vertit aphorismos, quos interpretandos Galenus prætermiserat, quoniam ab Hippocrate minime editos, neque in ordinem redactos putaverat. At Brasavolo utile visum fuit, aphorismos hosce intactos ab aliis in unum congereare, e græco, ut diximus, transferre, & commentariis illustrare, ne deinceps temporum in-

(1) Prælect. in Aph. Hipp. lib. 8. p. m. 811.

injuria, aut paterni sermonis difficultate in-
culti delitescerent, nec aliquid, quod ad ab-
solutum opus spectare posset, desideraretur.
Itaque septem aliis liber octavus ab eo pri-
mum adjectus est. Græcos pariter Philothei,
sive Theophili Commentarios in Aphorismos
Hippocratis, in quibusdam codicibus Stepha-
no Atheniensi Theophili discipulo adscri-
ptos, latine vertit (1), quem Philotheum,
in suis Commentariis, ait (2) Brasavolus,
adducere non pigebit.

§. XIX.

*Lucam adit. Pauli III Pontificis Archiater
efficitur.*

UT autem illuc, unde divertimus, re-
deamus, hoc ipso anno MDXLI,
quo doctissima in aphorismos Commentaria
edidit, Lucam, ubi Pontifex Maximus Pau-
lus III aderat, & Carolus V Imperator,
profectus est. Clarissimus Baruffaldus pluri-
bus in locis asserit, Antonium Musam cum
eo-

(1) J. A. Fabritius Biblioth. Græc. Vol. XIII.
lib. vi. cap. ix. p. 369.
(2) lib. i. aph. 1. p. 1.

codem Pontifice iter suscepisse , utpote qui apud eum Archiatri officio fungens moratur . At res aliter (sit verbo venia) se habet; nam Herculem Ducem Patronum suum (qui ipso Baruffaldo (1) probante Lucam venit) secutus, Ferraria excedens Lucam eo tempore se contulit , neque apud Pontificem ullo unquam tempore , ut infra ostendetur , commoratus est . Pontificem officii caussa sexdecim comitabantur S. R. E. Cardinales , magnusque Prælatorum numerus ; Imperatorem vero Comites , Marchiones , Duces ad quadraginta , & amplius (Ferrariæ , Florentiæ , ac Camerini Ducibus , vel Legatis exceptis) aliquique diversis honoris titulis illustres præter magnum inferioris notæ gregem . In tanta Ducum , Magnatumque frequentia , opportunitate doctrinæ suæ demonstrandæ sponte sibi oblata , Medicum alterum , doctum cæteroquin hominem , qui disceptando in opposita erat sententiæ , in suam deduxit , omnibus Brasavoli opinioni faventibus . Non mibi tempero (ipsius verba recensere juverit), quin Medici cuiusdam temeritatem adducam , qui Lucæ prandente Pon-

tifice 1541 in mense septembris , totis viribus
de-

(1) loc. cit. p. 104.

defendere conabatur, neminem ante Hippocra-
tem de re medica quicquam scriptis mandasse,
nos autem præter alia presentem sententiam ad-
duximus, qui Cnidias vocatas sententias scrip-
runt, ostendentes Cnidios medicos ante Hippocra-
tem scripsisse, & in publicum libros evulgasse, &
Galenus in 18 hujus libri sectione antiquiores
Hippocrate refert (1). Quam ob rem Paulus
III mira Brasavoli captus doctrina sui Me-
dici titulum eo ipso, ut opinamur, tempo-
re illi dedit.

§. XX.

Ferrariam venit, libros de ratione victus in
morbis acutis Hippocratis exponit, & de Ver-
mium curatione. Jussu Ducis libello de mo-
do Juris dicendi exarato, scribit Examen
omnium Electuariorum, pulverum, & conse-
ctionum catharticarum.

Absoluto Lucæ congressu una cum Her-
cule Duce Ferrariam rediit Brasavo-
lus. Insequenti anno MDXLII (2) ut in
li,

(1) De rat. vict. in morb. acut, Comment. &c.
p. 3. col. 1.

(2) Ibid. p. 2. col. 2.

libros de ratione victus in morbis acutis Hippocratis, & Galeni Commentaria Ferrariensi juventuti exponerentur, Hercules Dux designavit Brasavolum. Ad hanc igitur partem Artis enucleandam pro virili se applicuit, annotationesque addidit, quas Venetiis apud Hieronymum Scotum MDXLVI in fol. excudi curavit, atque Christianissimo, & invictissimo Francisco I Gallorum Regi Patrono (VII) suo nuncupavit. Omnia in Hippocratem, & Galenum Commentaria, & annotationes maximi dilaudaverunt in Arte Viri. Doctor Bibliothecarius, ac Sorbonicus Professor l'Abbé Ladvocat in suo Historico &c. dictionario (1) Brasavolum memorans de eo ait: *dont on a des Comments estimés sur les aphorismes d'Hippocrate, et d'autres œuvres.* Alexander Massaria in doctissimo Patavino Gymnasio primo loco edocens, perlectis diligenter Brasavoli Commentariis, inter paucos Hippocraticæ periclitantis doctrinæ Patronos eum jure optimo recenset (2): *Alter est (inquit) Antonius Musa Brasavolus Ferrarensis, quem Virum nobilissimum multis illustribus laudibus dignissimum, ex eo potissimum soleo*

(1) In verbo *Brasavolus*.

(2) De Purgat. princip. morb. p. 217.

soleo magni facere, ac suspicere, quod jure eum possimus inter paucos numerare, qui tristissimo hoc tempore, quo catervæ veniunt contradicentium, Hippocratis & Galeni dogmata constanter tueri, & sustinere conatur. Merito ergo, & apposite cecinit Franciscus Bovius Ferrariensis (1)

Hactenus Hippocrates latuit, pariterque Galenus,

Nec fuerant nobis notus uterque satis.

Sed cum cuncta vices habeant, post nubila Phœbus

Succedit, maneat sors quoque nulla diu.

*En tibi mirando nunc MUSA ANTONIUS
ausu*

Abdita quæque prius lucida sensa facit.

& paulo post

Hinc præclara tibi sumes documenta, fidelis

Quæ tibi dat medicus, dat tibi quæque sophos.

Interea quamvis esset ad auditorum animos ex cathedra imbuendos occupatus, plura tamen alia, ut Reipublicæ Medicæ, omnibusque universim prodesset, scriptis consignare non destitit. Tractatum de vermium curatio-
ne

(1) Carmen Encom. præmiss. Comment. de Rati. vict. in morb. acut. Hipp. &c. Brasav.

ne literis mandavit. Quo ex loco, quave ex officina prodierit nos quidem fugit; prælo tamen excusum fuisse Lectori testamur, quoniam hæc habet (1) Antonius Musa: illum (ad lumbricos pulverem) vero in scriptis mandavi in vermium curatione, quam EDIDI, Similiter libello de ordine ac modo Juris dicendi (qui legitur Examini omnium Collyriorum præmissus) jussu Herculis Ducis anno MDXLVI confecto, Examen omnium Electuariorum, pulverum, & confectionum catharticarum, quarum usus est in officinis edidit Venetiis apud Vincentium Valgrisium MDXLIII & MDXLVIII in 8, & Lugduni MDLVI in 16.

§. XXI.

Epidemicos Hippocratis libros publice interpretatur, scribitque Commentaria in Prognostica.

Epidemicos Hippocratis libros anno MDL publice interpretari aggressus est (2), atque illustrare Commentariis. An hæc fuis- sent typis evulgata animo fluctuavimus jam- dudum incerti, a Sene tamen rogatus Bra- sa-

(1) Exam Suffuf. idest pulver. p. 177.

(2) Id. Exam. Oleor. p. 213.

savolus in Dialogo de Oleis (1), ut verum Ligni Indici decoctionem instituendi modum sibi aperiret, cum hoc dedisset responsum: *Tu locum illum legere poteris in nostris supra secundum Epidemiorum Hippocratis librum Commentariis &c.* nos hæc Commentaria in manibus fuisse omnium concludebamus. Nunc vero omnem pene nobis adimit hæsitationem Zacutus Lusitanus hæc scribens (2): *Libros Epidemion subtilissime exposuere Vallesius & Musa Brasavolus.* Quo ex prælo tandem evulgata, quoniam ea nunquam vidimus, nos latere fatemur. Scripsisse quoque *Commentaria in Prognostica* Jacobus Antonius Bonus (3) testatur, & Zacutus Lusitanus (4). Verum quo loco excusa fuerint, ignoramus pariter.

E

§.XXII.

(1) p. 419.

(2) De Medicor. Princip. Hist. Præf. tot. oper.

(3) Præf. præmiss. Indici in Gal. libr. Brasav.

(4) loc. cit.

§. XXI.

*Romam petit. Infortunia quæ ei obvenerunt,
& terribilia insomnia.*

DUm his distineretur literariis curis Romanam sequi Herculem Ducem post Februarii mensem (1) Julium III Pontificem Maximum visitaturum (2) adactus est. Sed eum ipse equum conscenderat, qui aliis fortasse defatigatus laboribus vix iter ingressus tam vehementer in lapidem pedibus impedit, ut ferme corruerit (3). Ferraria egredens, & ad locum in medio itineris situm Ferrariam inter & Bononiam, qui nunc sub Bononiensi ditione Sanctus Petrus in Casali nuncupatur, ubi pransurus erat, pervenit, atque equo descendens, cum dextra sanguis sui pars sub ephippio in itinere effugiisset,

(1) Brasav. Exam. oleor. p. 213. Narrat hoc loco suæ tegetis (de qua postea) incendium, quod contigisse fatetur iv. Kal. Martiias *antequam Romam profectus esset* (ibid. p. 216.). Ergo post Februarium petiit Romam.

(2) Id. De medic. tam simpl. quam compos. cathart. &c. p. 9. litt. D

(3) Id. Exam. Oleor. p. 210.

set, totam diffregit. Paullo post diaphoretico cœpit sudore profluere, ac in syncope incidit. Venter dein illi commotus est, & febris, licet remissior, excitata. Verum Patronum suum, qui vitam propriam in ejus sponte manibus commiserat, nullique melius fidebat (1), tanta observantia colebat, ut recta eodem die Bononiam se conferre decreverit. Noctu somno non caruit, & quamvis novo mane minime vacaret febri, tamen equo insidit, ac denique sospes, licet dexter cruris dolore aliquantulum gravaretur, Romam venit, ac in monte Jordano apud Cardinalem Estensem (2), eo imperante, sibi domicilium posuit. Hæc illi incommoda, antequam Ferraria discederet, in somnis, ut vulgo creditur, ex parte prædicta sunt. Somniavit per summa juga equitasse, equum in præceps ruisse, & in acutum lapidem caput suum impégisse. Visus est aliquando a latronibus trucidari, aliquando ab ingentis anguis (qui quatuor equi, quo vehebatur, cruribus cauda sua complexis primum in terram dejecerat) dentibus lacerari. Ei quoque in somnis Parentes,

(1) Id. ibid. p. 203.

(2) Id. ibid. p. 211.

Fratres , Sorores , Filii , Patrui , Consobrini
 jam e vivis abrepti , viſi fuerunt , qui eum
 ad Divi Andreæ templum , in quo Brasavo-
 lorū sepulcrum conditum est , adsporta-
 runt , eumque comprehensum Genitores jam
 primum humo sternere aggrediebantur , cum
 a repento strepitu in suo cubiculo excita-
 to experrectus est . Hæc præter morem ter-
 rifica insomnia , & visa (1) , quæ Ferrariæ
 passus , Romam quoque habuit , ideo com-
 memoravimus , non ut ipsius incommoda ,
 quibus obnoxius fuit , prædixisse credantur ,
 sed ut quæ de ipsius vita collegimus , licet
 non adeo seria , minime prætermitteremus .
 Silentio quoque prætereundum non est , cum
 Roma post sanctissima Ressurectionis festa
 rediret Ferrariam , prope Volsinium anulum
 triginta aureis emptum cyaneo lapide di-
 stinctum amisisse . Hoc anulo , quem in fini-
 stræ manus auriculari gerebat digito , Anto-
 nium Musam donavit *nobilissimus Philippus*
Strozza Mantuanus (ex qua præclarissima
 Familia florent ætate nostra Domini Mar-
 chiones Fratres Strozza , inter quos Marchio
 primogenitus Philippus virtutum antiqui Phi-
 lippi insignis emulator , & Eques omni lau-
 de

(1) Id. ibid. in princip.

de dignissimus) cuius clarissimi viri mnemo-
suno carere Brasavolum tædebat maxime (1).
Incolumis tamen (2) Ferrariam regressus est.

§. XXIII.

Plura opera evulgat.

HOc ipso anno MDL, cum quinquage-
narius (3) esset, scriptis consignabat
*Examen Trochiscorum, Unguentorum, Cerato-
rum, Emplastrorum, Cataplasmatum, & Col-
lyriorum, quorum frequens usus est apud Ferrar-
ienses Pharmacopolas.* Hæc examina variis
ex Atestinorum Principibus divisim inscri-
psit Hieronymus filius, quamvis nunc in uno
sint collecta volumine, quod Venetiis apud
Juntas MDLI in 8 prodiit primo, dein Lug-
duni apud Sebastianum Honoratum MDLV
in 16. Item scripsit *Examen omnium Looch*
*idest Linctuum, Infusionum, suffuf idest Pul-
verum, Aquarum, Decoctionum, Oleorum, quo-
rum apud Ferrarienses Pharmacopolas usus est.*
His accessit *de morbo gallico lepidissimus ejusdem*

E 3

Au-

(1) Id. ibid. p. 212.

(2) Id. ibid. p. 217.

(3) Id. Exam. Trochisc. p. 196.

Auctoris tractatus. Fuit ab Auctore Balduino de Balduinis Episcopo Marianensi inscriptum, & Venetiis evulgatum apud Juntas MDLIII in 8, & notante Comite Mazzuchellio (1) iterum MDLV eadem forma. Lugduni quoque apud Sebastianum Barptolomæi Honorati MDLIV in 16, uti ab eruditissimo P. Zaccaria accepi, & apud Jo: Temporalem MDLV in 16, iterumque, eodem Mazzuchellio scribente, MDLVII. Ibidem apud Sebastianum Honoratum MDLXI in 16. De morbo gallico Tractatus extat etiam in Operibus *de morbo gallico* ab Aloysio Luisino collectis, editisque Venetiis tomo primo p. 564, & Lugduni Batavorum MDCCXXXI in fol., quem laudat celeberrimus Parisiensis Johannes Astruc hisce verbis: *De morbo gallico multa differit egregie.* (2): Et antea Paschalis Gallus (3) scripserat: *de lue venerea etiam diligentissime copioseque tractatur.* Ita Vir summi ingenii, atque emunctæ naris Albertus Haller universæ Medicorum Reipublicæ ob egregios suos tractatus valde carus nostri Auctoris opusculum commendat hæc dicens (4):
opti-

(1) Scrittori d' Ital. Vol. II. Part. IV. p. 2026.

(2) De Morb. Vener. T. II. p. 175.

(3) Biblioth. Med. p. 30.

(4) Method. Stud. Med. Boerh. locuplet. T. II. p. 334.

optime de lue gallica scripsit. Quo illi major accedit laus, quod inter eos, qui de vene- reis morbis scripserunt, gonorrhœam viru- lentam, quæ impuræ veneris pedissequa est, primus omnium descripsit (1). Dum hæc Auctor in publicis haberet scholis anno MDLI, Alexander Fontana Mutinensis Antonii Musæ lectiones frequentans quindecim de Ligno Indico quæsita in medium propo- suit, ut a Brasavolo solverentur. Quæ in cal- ce ejusdem de morbo gallico opusculi repe- riuntur. Conscriptus quoque ab eo *De medi- camentis tam simplicibus, quam compositis ca- tharticis, quæ unicuique humori sunt propriæ tractatus insignis*, & editus fuit Lugduni apud Sebastianum Honoratum MDLV in 16; Ti- guri apud Gesneros Fratres eodem anno in 8. *De Radicis Chinæ usu tractatum evulga-* vit, in quo radicis decocto utendi modum docet, quemque Venetiis MDLXVI in fol. edidere, & in Veneta de morbo gallico collectione extat eodem tomo p. 615. Ex universis Galeni operibus amplissimum in sui tantum, filiorum, ac amicorum commodum, ut ipse (2) testatur, indicem collegerat. At

E 4 cum

(1) Astruc loc. cit. T. I. p. 93.

(2) In epist. nuncup. ad Indic. ipsum.

cum Thomas Junta Venetus impressor anno MDL omnia Galeni opera aucta, castigata, pulchrisque characteribus ornata in lucem edere studeret, ne quid perfectius in hac secunda editione desiderari posset, Gabrielem Falloppium ad Brasavolum mittere decrevit, ut in Galenum indicem, si posset, ab eo reportaret. Reluctabat sane Brasavolus, cum haud esset ignarus, ut ipse scribit, quantum hoc colligendi authorum sententias munus secum afferat calumniæ, & difficultatis: calumniæ inquam, quia inglorius labor videtur Indices parare, difficultatis vero, quoniam difficile admodum est authorum sententias exquisite, absoluteque colligere. Falloppius tamen (cujus tanta erat commendatio orationis, ut nemo ei dicendo posset resistere) tantum apud Antonium Musam præceptorem potuit, valuitque eloquentia, ut Indicem, ipso Hercule Duce suadente, illico typis committi non denegaverit. Prodiit eidem Duci dicatus sub titulo *Indicis refertissimi in omnes Galeni libros* in fol., quem octies cum Galeno Junta recudit, & denuo Venetiis MDCXXV. Opus indefessæ elucubrationis, & utilitatis inexplicabilis vocat Petrus a Castro (1), cuius ope om-

omnes Galeni locos, ut scripsit Amatus Lusitanus (1), quisquis bodie vel pinguioris Minervæ medicus querere poterit, Brasavoli præsertim ex Galeno collectum indicem si ante oculos habuerit, quem Dii vellent, in lucem Vir doctissimus nunquam misisset, ac non jam bodie vel veterinarii, & muliones de medicina garrire cœpissent.

Quas hactenus retulimus nostri clarissimi Viri lucubrationes, non omnes exactissimo eo ordine chronologico, quo ipse eas exaravit, enuntiavimus. Ea enim præsertim examina, quæ nunc in unum volumen digesta habemus, diversis primo temporibus fuerunt literis consignata. Volumen quippe, cui inscribitur *Examen Trochiscorum, Unguentorum, Ceratorum, Emplastrorum, Cataplasmatum, & Collyriorum* non eodem anno, aut eodem continenter ordine monumentis trahebat Auctor; *Collyriorum* enim examen, quod postremum in volumine occupat locum, scribebat (2) Antonius Musa anno MDXLVI. Contra *Trochiscorum examen*, quod voluminis caput est, anno MDL (3) fuit

con-

(1) Curat. Med. Centur. III. Cur. 45.

(2) Brasav. Exam. Collyr. p. m. 700.

(3) Id. Exam. Trochisc. p. m. 196.

confectum, ideoque, ne tractatus in uno volumine congestos perturbaremus, qualia nunc extant examina recensere opportunum duximus. Item in epidemicos Hippocratis libros Commentaria, quamvis ea multo ante confecisset (XXI), ad annum tamen MDL non alio retulimus consilio, nisi quia ea tunc publica ex cathedra exposuit. Ex eodem quoque Antonio Musa (1) habemus, copiosissimum in Galenum indicem ante annum MDXLI parare cœpisse, nihilo tamen secius, quia anno tantum MDL in lucem prodiit, ad hoc tempus renuntiavimus. Similibus aliisve inixi rationibus idem in aliis operibus nobis licere arbitrati sumus.


Ipsi quoque operum posthumorum Cælii Calcagnini Viri ætate sua celeberrimi editionem Eruditorum debet Respublica. Cum enim ea anno MDXLI, quo XIV Calendas Maii die secunda Paschatis Ressurectionis Cælius terris raptus fuit (uti humanissimis literis Vincentius Bellini rerum Ferrarensium eruditissimus mihi significavit, quidquid alii scribant) ad Brasavoli manus (2) per-

(1) Epist. nuncup. ad Cæl. Calcagn. quæ prolu-
dit Indici in Hipp. Aph. & Gal. Comment.

(2) Ex testamento Cælii unus ex tribus Curato-
ribus designatus fuit.

pervenissent , una cum aliis jam editis con-
gessit , ac Herculi II Ferrariensium Duci de-
vota Basileæ anno MDXLIV in unum vo-
lumen in fol. evulgavit . Sed ea , quæ Cæ-
lius carminibus cecinit Joanni Baptista Pi-
gna voluit commendata , quæ postea una
cum suis , & Areosti versibus collegit , &
Alphonso II inscripsit (1) .

(1) In eorumd. Carmin. nuncup.



ଶ୍ରୀ ଶନିଦେବ... ଶ୍ରୀ କର୍ମଦେବ... ଶ୍ରୀ ହିନ୍ଦୁଦେବ... ଶ୍ରୀ ପ୍ରତ୍ଯେନିଦେବ... ଶ୍ରୀ

D E V I T A

ANTONII MUSÆ BRASAVOLI

LIBER ALTER.

61 I.

Antonii Musæ ingenuitas in scriptis.



Hactenus Brasavoli nostri literario vitae cursu proposito, nunc quædam de moribus, de corporis structura, atque indole, deque ejus obitu exequemur. A summo integrissimi animi candore, & puro veritatis studio exordimur. Non erubuit quandoque fateri Vir sapientissimus: *nunc mibi non constat* (1): *Ego nondum babeo quid certi dicam* (2): *Ingenue fateor usque ad hoc tempus a me hos frutices ignorari* (3), & similia. Cum rei veritas ab eo clare non perspiceretur, suam pertinaciter tueri sen-

(1) Exam. Simpl. Med. p. 100.

(2) Id. Ibid. p. 183.

(3) Ibid. §. de fructib. p. 310.

tentiam minime conabatur, sed ab ea sine iracundia recessum pollicebatur, ut ajebat, si meliora invenisset, vel ubi meliora *ab aliis inventa esse constabit* (1). Reipsa, veritate rei poscente, opinionem sponte mutavit, & fassus est: *ego alias id sentiebam* (2): *alias autem deceptus sum* (3). In sua ergo sententia nimis perstitisse, ut scribit (4) Barruffaldus, a veritate abhorret; quin imo vestigium in eo pertinaciæ cerneret nullum, quam adeo insectabatur, ut in pervicaces iracundiæ commotus stimulis hæc scripserit: *O pessimum genus, ignorant, & id noscunt, tamen sua ignorantia obstinati discere contemnunt, & potius meris nugis consenescunt, quam ab aliis discere velint, aut saltem ex se ipsis veritatem noscere conentur* (5). Non est levitas, ut inquit (6) Seneca, a cognito, & damnato errore discedere, & ingenuo fatendum est: *aliud putavi, deceptus sum* Non est turpe cum re mutare consilium; quin potius magnorum Virorum est. Ingenua Antesignani nostri Hippocratis

sui

(1) Ibid. p. 3.

(2) Ibid. p. 98.

(3) Ibid. p. 127.

(4) Coment. Istor. &c. cit. p. 146.

(5) Ex simp. Med. p. 179.

(6) De Benef. lib. IV. cap. 38.

sui erroris confessio magnum A. Cornelii Celsi
meruit elogium; nam levia ingenia, quia nihil
habent, nihil sibi detrabunt. Magno ingenio
multaque nihilominus habituro, convenit etiam
simplex erroris confessio, præcipueque in eo mini-
sterio, quod utilitatis caussa posteris traditur (1).
Ita veritas eadem de caussa, ut suas obtine-
ret sedes, Aristotelis instar, adversus Leoninum,
& Manardum præceptores multo-
ties, honestissime tamen, disputavit; quam-
vis enim Præceptoribus multa deberet, ni-
hilo secius debeo, ajebat (2), plura veritati,
quam semper incorruptam servare studemus, &
alibi apertius (3): *Imo cum nulla in re men-
tiendum sit, in illa autem potissimum a menda-
tio abstinendum est, in qua de humana vita agi-
tur, ac salute.* Nulla ergo Scriptorum apud
eum valebat auctoritas, ut eorum, quamvis
graviorum, sententiæ inconsultus subserviret;
institutum ei erat *omnia*, ut dicere solebat,
*quæ possumus experiri, nulli sumptui, nec labori
parcentes, in his præsertim, quæ supra huma-
nam*

(1) De Re Med. lib. 8. cap. 4.

(2) Exam. Simpl. Med. §. De succ. prædens. p.
443.

(3) De Medic. purg. quæ unicuiq. hum. &c. p.
55. litt. D.

nam rationem ab antiquioribus scribuntur (1).
Optime hinc D. Garzia ab Horto, Proregis
Indiae Medicus (2), Brasavolum in nullius
Magistri verba jurasse, sancte affirmavit. Qua
in re ingenuitas non solum, verum & An-
tonii Musæ sapientia in primis effulget; et.
enim cum morali Philosopho Seneca dicam
(3): *scire est & sua facere quæque, nec ab
exemplari pendere, & toties ad Magistrum res-
picere.*

§. II.

Eiusdem ad Artem amplificandam sedulitas.

QUAMQUAM autem Auctorum scripta ita
soleret, ne falsa in salutarem Artem
magno Mortalium detrimento irrepe-
rent, severè distingere, tamen eorum op-
nioni, ratione & experientia poscentibus,
libenti animo obsequebatur. Immo novis in-
ventis alia passim adjungi (4) mirifice dele-
cta-

(1) Exam. Simpl. M. §. de ol. ex flor. & herba.
p. 624.

(2) Aromat. apud Ind. Histor. cap. 2. in fine.

(3) Epist. 33.

(4) Exam. Simp. Med. p. 105.

Et abatur. Non eum fugiebat, Artem medicam, sicuti & cæteras Artes, ut Plinius testabatur, & ante ipsum Plato edocuerat, majora in dies incrementa capere; ideoque totis viribus, nullisque parcendo laboribus, ut perfectior evaderet, eam amplificare majorem in modum conabatur. Nostra tamen ætate adsunt homines, Medici nomine prorsus indigni, qui clarissimorum Virorum in Arte peritorum nuper inventa irridentes, Medicinam potius in cunis perpetuo jacere exoptant, quam obsoletam, & sæpe inutilem, ne dicam noxiā, praxim deserant. Expertus loquor, qui a privatis non modo Auctōribus, verum ab Academiis omni exceptione majoribus, Edimburgensi scilicet, Lipsiensi, & Parisina summopere laudatum Vitrum Antimonium ceratum in dysenterico affectu athletico ægro proponens, nuper a male feriato Medico (qui se publici Ferrariensis Professoris simulato nomine obtexit) scriptis lacesitus, ac vulneratus sum, non aliam, quod sciām, ob caussam, nisi quod hoc non antiquum remedium, illique incognitum exhibendum jubebam. O pessimum genus, hic repetenda essent recitata Brasavoli verba, O pessimum genus, ignorant, & id noscunt, tamen sua ignorantia obstinati discere contemnunt,

& po-

& potius meritis nugis consenescunt, quam ab aliis
discere velint, aut saltem ex se ipsis veritatem
noscere conentur. Ego tamen jam me minime
hominum clamores extimescere oblatranti
Medico ostendi, perlectisque responsionibus
meis jam editis siluit ipse tandem, ac, si
vita ei adhuc suppetat, nunquam, dummo-
do oblatam sibi veritatis lucem intueri ve-
lit, labia aperiet. Quod si ab uno male ex-
ceptus sum, summopere me recreat, meæ
in hoc literario certamine sententiæ princi-
pes Medicinæ Professores accessisse. Liceat
hic mihi particulam ex epistola quadam af-
ferre, qua me summæ in Republica Medi-
ca auctoritatis Vir L. B. Gerardus Van-svieten
Cæsareus Archiater humanissime donavit: *An-*
timonium ceratum scio esse tutum, & efficax re-
medium in dysenteria, & in diarrhœa diutur-
na. Propria manu paratum dedi frequenter om-
ni ætati & sexui, & a plurimis egregiis Medicis
idem factum novi, & absque ullo periculo. Nu-
bem testium babes. In hac ipsa Mantuana ur-
be de Antimonii cerati innocentia ac virtu-
te testis in primis est egregius Urbis &
ditionis Prothophysicus Felix Asti, Vir non
scientia solum, & summa experientia, sed
comitate atque singulari humanitate insignis,
omnibusque acceptissimus. Cum is superiore

anno Aloysium Domini Cæsaris Giussani filium, annorum duodecim puerum, gravi laborantem dyssentheria sub D. Leonardi Curia invisiſſet, & Rhabarbarum, & Aquam Tetutianam, & iteratos clysteres, & Ipecacuanam, aliaque hujus generis prædicata remedia illi obtulisset, omnem ſe tandem operam perdiſſe, & puerum jam ad mortem ruentem non ſine admiratione ultro fatebatur. Non tamen animo deſpondere viſus eſt Vir ſummuſ, & Vitrum Antimonium ceratum ſine ulla hæſitatione exhibuit. Res omnino fuit miraculo ſimilis. Vis morbi ſtatim deferbuit, ac repetito iterum remedio, juvenem e mortis periculo liberavit. Sed vix impedita jam vel primo ſanguinis fluentis excretionē, & intestinorum tortura remiſſa, e remedio tantisper ceſſatum eſt, morbus ſtatim recrudescere viſus eſt, & Antimonium iterum reposcere, quo jam prorsus deſperata ſanitas puero reſtituta eſt. Atque ita factum eſt, ut clarissimi Viri experimento omnia obtrectatoris mei deliramenta ſubvertantur. Sed ut ad Brasavolum revertar, is Artem noſtram per incrementum fieri Galenum tradiſſe ſciens, ut magis magisque Medicinæ expanderentur fines, omnes bonos Auctores ſibi ad imitandum proposuit,

ſta.

statuitque novis inventis, quæ ratione, & experimento esse optima constarent, semper assentiri, gloriabaturque, minime velle eos imitari, qui remediis uti despiciunt, quæ ab Antiquis prætermittuntur (1). Immo cum miserrimi ingenii esse (2) affirmaret, veteribus uti semper inventis, idcirco novis inveniendis remediis animum intendit. Quod ut tutius aggredi posset, nec periculum illum alicui crearet, in flagitiosis hominibus capite damnatis, petita ab Ferrariensium Duce venia, saepius tentavit. Ita in libro de Medicamentis purgantibus (3) in Dialogo cum Renato filio ipse testatur: *quoniam de humana vita temere ludendum non est, etiam si miserrimi sit hominis vita, immo si nonnunquam de re ignota sum experimentum facturus, illud inscelerato homine exerceo ad præsentancam a Prætore mortem condemnato.* Cui Renatus respondebat: *Sciote in capite multe tandis multa fecisse experimenta.* Subdit vero ipse: *& talia, ut quandoque illos a capitali pœna liberaverim.* Ad quæ reponit tandem Renatus: *Ita faciendum esse arbitror, tentare, inquam, an misero illi suc-*

F 2

cur-

(1) Ex. Simpl. Med. p. 103.

(2) Ibid. p. 106.

(3) p. 123. lit. C,

curri possit omnium aliorum vitas adjuvando; nam si intereat nihil dispendii est, quia & eodem die cum magno pudore & dedecore in spectaculo detruncandus erat, si supervivat, ut plerunque nonnulli fecere, emendatus mala amplius non perpetrabit, & per aliquod tempus adhuc supervivit, & experimentum sumptum est, quod omnibus hominibus prodesse poterit, & quod probis viris vitam nonnunquam servaturum ac prorogatum erit. In hisce autem aliisque experimentis instituendis adeo exercebatur, ut Renato filio affirmare potuerit (1): *Nunquam sum adeo occupatus, quin pro experimento aliquo sumendo horam non servaverim, quam expendere possim.* Primus itaque Ferrariæ ligni indici decoctum in aqua anno MDXXVI, derisus ignororum posthabito, propinavit, ut ipse testatur (2): *Cum omnibus aliis Medicis novum, ac inusitatum videretur (ut vere fatear) medicamentum; multique id ipsum deridebant, quo usque videre illustrem Virum sanitati restitutum esse. Ego etiam primus Ferrariæ MDXXXV decoctum in vino adbibui; idque tum contigit cum*

(1) Ibid. p. 65. lit. C.

(2) Quæsit. Alex. Fontanæ in calce Tractat. De Morb. gallic. Bras. Quæsit. I.

cum Roma Ferrariam (1) venit, multaque invento alieno addidit, ut commodius, quam antea anno MDLI ægrotantibus exhibetur (2). Similiter nigrum elleborum *in desuetudinem*, ait ipse, venerat, ut nemo illud præbere auderet, ego primus (*absit jactantia*) *nigrum elleborum præbere cœpi & solum & cum aliis roborantibus mixtum a scrupulo incœpi, & ad drachmam usque perveni, absque molestia atram bilem semper educere pœcepī* (3). Hydrargyrus ab antiquis inter venena recensebatur. Ipsi vim penitus noxiā tribuit Diocorides, cuius testimonio innixus Galenus illum inter erodentia collocavit. Solus Avicenna plurimos Hydrargyrum absque ullo incommodo ebibisse, eumdemque nihil mutatum redidisse observavit; a quamplurimis tamen Medicis ut venenum adhuc habebatur, ut videre est apud Actuarium, qui illum inter medicamenta exitialia enumerat, & Mesuem, qui illo tantum ad cutis affectiones sanandas usus est. At Brasavolus solertissimus rerum scrutator ante annum MDXXXIV ne dum Mercurium a veneno-

F 3 rum

(1) Brasav. de Morb. gallic. p. m. 597.

(2) Ibid. p. m. 578.

(3) De Med. purg. p. 66. litt. B.

rum classe sevocavit, quin immo elegantissimum in eo pharmacum agnovit, & latenter vim anthelminticam, qua adeo ætas nostra gloriatur, detexit primus, idemque si propinetur, infantes vi lumbricorum semi-mortuos ad vitam & sanitatem revocare primus prædicavit (1). Hujus remedii usus interni epocha, quam assignamus, in dubium minime revocanda est. Jam vidimus (XI. I.) ad annum circiter MDXXXIV Brasavolum conscripsisse *Examen simplicium medicamento- rum*, quo vim Mercurii anthelminticam anno MDXXXVI typis Romæ postea evulgarvit. Brasavolo repugnasse Aloysium Mundellam tertio Kal. Januarii MDXXXVIII quoque (XIII. I.) adnotavimus; unde aperte erumpit clarissimi Joseph Mariæ Xaverii Bertini Florentini error (2), qui primum Mercurii usum in verminosis affectionibus anno MDXLV tantum statuit. A veritate multo magis aberravit doctissimus Joannes Baptista Burserius (3), qui ad annum MDLI hanc epocham transtulit. Sed quisnam rationem
un-

(1) *Exam. simpl. Med. §. de Metall.* p 524.

(2) *Discorso dell' uso esterno, ed interno del Mercurio.*

(3) *De Anthelmint. Argen. viv. facultat. Epist.*

unquam divinaverit, cur enunciato anno MDXLV Brasavolum & Sennertum, tamquam primos de anthelmintica Mercurii virtute promulgatores, Bertinus simul enumaret? Sennertus in Silesia anno MDLXXII natus est (1), nimirum post Brasavoli obitum. Quomodo ergo illo assignato anno una cum Brasavolo hydrargyrum, ut anthelminticum, evulgare potuit? Ita celeberrimus Parisiensis Stephanus Franciscus Geoffroy (cujus verba transcripsit Robertus James (2), eumque secutus est) Brasavolum una cum Carolo Musitano conjungit (3), quasi hydrargyri innocentiam, & ad vermes necandos præstantiam simul promulgavissent. At Musitanus ortus est anno MDCXXXV (4), octoginta scilicet annos a Brasavoli interitu. Auctor quoque fuit confectionis, quæ ab Inventore *Brasaulica* dicebatur, podagricis, ac chiragricis maxime accommodatæ (5). Ita & illorum Trochisorum inventor, qui tum in sanandis cum in præservandis Cibis Ferrariensibus, anno MDXLIX pestilen-

F 7 tia

(1) Astruc de Morb. Ven. T. 2. p. 346.

(2) Dizion. Univ. in verbo Mercurius p. 272.

(3) De Mater. Med. T. I. P. I. Art. IV. p. 139.

(4) Ex. Præf. Oper. præfix.

(5) Exam. Electuar. p. 68.

tia vexatis , summam opem tulere , quibusque fecit *de bolo armene* nomen (1) . Celeberrimus Auctoris nostri auditor Gabriel Falloppius Syrupum Brasavoli ab Inventore nuncupatum prædicat : *Excellentissimus* , inquit , *Brasavolus præceptor meus solebat evacuare* , & tentare solutionem morbi cum quadam sua potionē suaviori , quam sit illa Montani , quæ etiam potio præceptoris evacuat omnes humores ; sed præcipue melancholicos ; & ego sum ipsa aliquando usus felici cum successu , & in aliquibus locis est in frequenti usu , & vidi multos fuisse sanatos ab incipienti morbo ex usu talis potionis , & hoc præcipue vidi Ferrarie (2) , syrumpaque hoc loco describit . Pulverum pariter contra vermes compositionem (3) ex cogitaverat , & præterea cordialem frigidam pro epithematibus cordialibus simplicem , capitalem , frigidam , temperatam , calidam (4) , & ceratum ad hernias (5) invenit . Neque his & similibus inveniendis medicamentis operam suam tantum ætate jam proxectus

(1) Exam. Trochisc. p. 193.

(2) Oper. T. 2. De morb. gallic. cap. 39. p. 144.

(3) Exam. de Suffuf. idest Pulv. p. m. 177.

(4) Ibid.

(5) Exam. Cerat.

vectus contulit, sed a primis usque, quod pene incredibile est, pueritiæ suæ annis. Ipsum de se loquentem audire licet. Verum, inquit, *a quinto meæ ætatis anno usque ad quadragesimum, fui magnus in his rebus ardelio, omnia etenim simplicia experiri tentavi, ut an simplicia suis effectibus, vel his qui illis attribuantur correspondent invenirem, multaque inveni, probe dicta, & non pauca aliter, quam ab auctoribus scriptum sit (1).* Hæc tamen inventa permagni sua erant tempestate, posterique Medicinæ Professores tanti fecerunt, ut suo in Antidotario (2) hæc ipsa describere proximo superiori sæculo excellentissimum Bergomi Collegium operæ pretium putaverit. Quæ omnia, ut in Artis medicæ Inventorum numero nostrum Ferrariensem constitueret, merito impulerunt Medicum Academiæ Avenonensis in Gallia egregium Franciscum Valleriola, qui ita scripsit (3): *Italia una certe terrarum omnium alumna, eadem & parens (ut ait Plinius) numineque Deum electa, quæ cœlum clarius faceret, multos tulit sum-*

(1) De Med. purg. p. 42. lit. B

(2) Edit. Brix. apud Francisc. Tebaldinum 1628.
p. 114. 117. 209.

(3) Loc. commun. lib. 1. cap. 1. de Medic. Inventor. &c. p. 8.

summi ingenii, nobilitatæ eruditionis, famæque Viros, Leonicenum melioris medicinæ in Italia parentem, Hermolaum, Picum, Manardum, Brasavolam quorum scriptis & illustriorem effectam medicinam & longe suis finibus egressam in confessu est. Ad extremum hic ad-dam, Chirurgiæ practicæ jejunum minime fuisse, imo in ea amplificanda operam suam aliquando impendisse. Celebre illud est, quod de se ipse narrat (1). Qum enim crudelissima quidam æger laboraret angina, neque amplius spiritum ducere posset, auctor ipse fuit, ut poscente morbo præsens remedium laryngotomia tentaretur. Non erat autem ea paratus arte adiustens Chirurgus ad difficillimam incisionem, quæ animo imperterito, atque dexterima indiget manu, arripiendam; quare ut desperatæ saluti jam morientis quam citissime consuleret Brasavolus, ipse suis manibus opus feliciter absolvit, atque a periculo, & deinceps a morbo ægrum liberavit. Quod sane præclarum tentamen & aliis in ægrotis feliciter repetitum in Chirurgia exercenda non mediocriter ex-cultum prædicat.

§. III.

(1) Comment. in Hipp. de Rat. vii. acut. lib. 4,
p. 114 col. 2. v. 20.

§. III.

Ejusdem ab otio fuga.

Neque dum itineribus suis distineretur vel Romam, vel Neapolim, sive in Galliam, ut vidimus, aliasque ad Urbes cum Alphonso, aut Hercule patronis iter faceret, totus se unquam otii jucunditati tradidit, quin immo semper in discendo fuit ubicumque impiger, & Græcorum more, qui in Ægyptum ad Scientiarum, ut ajebant, mercaturam proficiscebantur, dum in Civitatibus exteris degeret *inter publicas bibliothecas, atque privatas, inter bonorum virorum confessus atque dissertationes, inter res novas inquirendas* (1) *continuo versabatur*. Si cum Alphonso Duce in Illyrio erat, quasi novus Democritus in agris, ut commodius eo in silentio Naturæ operationes legesque discere posset, ille in sylvas decedens, Irim illyricam investigare, invenire, plures ejus adnotare colores, ut ab aliis distingueretur (2).

In

(1) Brasav. Annot. in Aph. Hipp. & Gal. &c.
Præf. p. 1.

(2) Exam. Simpl. M. §. de Rad. p. 343.

In Istria ad Mare cum esset (1) Androfascem, ut ejus adhuc ignotum a cuncta discrimen aperte nosceret, ad examen revocabat. Ad Apenini alpes per Caferonianam transiens (2) Thapsiam scrutabatur, ne cum illa, qua utebantur Pharmacopolæ, veram Thapsiam deinceps confunderent. In locis maritimis, ubi Caput Gauri, vulgo *Codigoro*, protenditur, cum Castor ibi a Venatoribus captus Alphonso Duci oblatus esset, magna affectus lætitia est, eam sibi offerri occasionem, ut membratim dissecaret. Quo facto fiber legitimus fuit pro usu medico tutissime (3) determinatus. Nunquam ergo animum recreandi gratia iter aggressus est, neque, quum in via esset, mentis erudiendæ opportunitatem, licet obequitaret, dimisit. De Agarico pariter sermonem habens, inquit (4): *in Gallia frequenter per sylvas equitantes circa quercuum radices vidimus*. Quod antea prope Comaclum in sylva alias observaverat (5). In horum omnium, aliorumque,

ne

(1) Ibid. p. 99.

(2) Ibid. p. 356.

(3) Ibid. §. de Pulm. & Testic. p. 607.

(4) Ibid. p. 383.

(5) Ibid. loc. cit.

ne nimis sim longus , vel indaganda natu-
ra , vel effectibus notandis suas impendere
curas , cogitationesque , cum Bibliothecæ ,
doctissimorumque Virorum colloquia illi ab-
riperentur , & in Patriam non nisi multis
cognitionibus auctus remeare , assueverat .

§. IV.

Ejus mira in scribendo facilitas.

FErrariam regressus velut alter Historiæ
naturalis Pater Plinius , qui in itinere
adnotata domum reversus in commentaria
referebat , incredibili diligentia suam *copiosissi-*
mam Bibliothecam , ac omnium librorum refer-
tissimam (1) ingressus cum Auctoribus pro-
pria comparando observata , & mira sagaci-
tate , vera a falsis , certa a dubiis , optima a
bonis secernendo , ea scriptis tradere , ac in
publicum commodum posteritati mandare .
Is erat disertus , laboriosus , atque latinæ lin-
guæ peritus ; quare , quod mente concepe-
rat , admirabili facilitate exarabat . Reipsa
de eo Jacobus Antonius Bonus mirabatur ,
quod tot *volumina* , tamque diversi generis utilia

con-

(1) *Lil. Giraldi Var. Crit. Dialog. V.*

conscriptis, atque edidit, ut mirum sit quo pa-
sto Vir ille diligentissimus, qui ægrotis curandis
assiduus est, tantumque temporis in assiduis le-
ctionibus publicis consumit, tot tantaque excogi-
tare, ne dum scribere potuerit (1). Merito au-
tem admirabatur; vix enim credibile est,
quomodo tot negotiis pene obrutus in Com-
mentariis ad Hippocratis libros *De ratione vi-
etas in morbis acutis* conscribendis (quæ pa-
ginas 585 in fol. implet) trium , aut pau-
lo plus annorum spatium tantum impende-
rit! Duxi trium annorum spatium, ex ea scili-
cet ratione, quod anno MDXLII eos inter-
pretandos (XX. I.) suscepit , annoque
MDXLVI Venetiis commentariis illustratos
edidit . Accedit præterea, quod præ mani-
bus hoc eodem tempore *Examen simplicium
medicamentorum* resumpsit , & sapientissimas
passim adjiciens notas, & Mundellæ (XIII. I.)
objectiones refellens auxit , atque anno
MDXLV Venetiis recudit non solum , ve-
rum etiam literis *de modo juris dicendi* libel-
lum tradidit, & *Examen Collyriorum* (2). Item
a Romæ, & Neapolis reditu, initio scilicet
MDXXXVI (XVII. I.) Hippocratis Aphoris-
mo.

(1) Præf. ad Ind. Galen. Bras. cit.

(2) Exam. Collyr. p. 700.

morum interpretationem aggressus est , & quamvis , exceptis copiosissimo Indice , & Præfationibus , ad paginas 1145 in fol. excrevissent Commentaria , tamen ea quintum ante annum explevit ; Nicolaus enim Episcopius Basileensis Chalcographus , ac eorum , quæ in Commentariis & Annotationibus Brasavoli tractantur , Indicis conditor sua ad Lectorem epistola , quæ preit Indici , ingens hoc opus Idibus Martii anni MDXLI jam typis excusum fuisse prædicat . Quibus in rebus , quid in eo natura efficere posset , videtur experta .

§. V.

Singularis in discipulos amor.

QUOD sibi a Deo tam facile ad quælibet conscribenda datum erat ingenium , in Auditorum suorum quoque institutionem ipse conferebat ; in tertium enim Aphorismorum librum interpretationem (quæ ad paginas usque 183 in fol. extenditur) si- cuti tribus tantum mensibus (1) absolvit , ita & quatuor supra triginta lectionibus di- sci-

(1) Bras. Comment. in Aph. Hipp. &c. lib. 3. p. 535.

scipulorum commodo ex cathedra explana-
vit ; immo tanto Auditorum , ut ad Scien-
tiarum fastigia celerius pervenirent , amore
tenebatur , ut , cum lectionibus suis vacare
justa de caussa deberet , animo vehementer
angeretur . Roma & Neapoli (XI. I.) in
Patriam regressus , cathedralisque denuo af-
fendens primam ita prolationem exorditus
est (1) : *Quoties intermissionarum lectionum me-
moria subibat , mentis oculi a lacrymis tempera-
ri non poterant , & si nunquam in hoc quatuor
mensium spatio otiosus fueram : nempe inter pu-
blicas bibliotecas atque privatas , inter bonorum
virorum confessus , atque dissertationes inter res
novas inquireendas continuo versatus sum . At ni-
bil unquam visum est conducibilius , quam publicis
lectionibus insudare , & in publicam dissertandi
arenam descendere , & eo præsertim si auditores
probi sint , atque seduli , quales vos esse jam no-
vimus Nos interim tarditatem lectionum
sedulitate compensabimus . Quanam id ratio-
ne præstiterit refert Baruffaldus afferens
quinquies eum docuisse quotidie , cuius &
hunc adduxit textum : *quinque lectionibus
incumbere , publice docere , rem medicam exer-
cere**

(1) Ibid. Præf. p. 1.

eere (1); sed in mea, quæ Valgrisii est MDXLIX, editione (2) verbum *quinque* de-
sideratur. Neque tantam temporis copiam
videtur, tam gravi occupationum pondere
oppressus, habuisse, ut innumeris ægris in-
visendis, tot lucubrationibus edendis, nego-
tiis familiaribus, & illis quidem multiplicibus
(3) providendis, & *quinquies* discipulis quoti-
die erudiendis sufficeret. Illud mirum in di-
scipulos suos studium aperuit, quod narrare
aggredior. Desertis antiquis Brasavolorum
ædibus prope D. Antonii templum (I. I.)
anno MDL apud Sanctum Spiritum (4) ho-
spitium posuerat, cum IV Calendas Martias
hora prima & vicesima in Epidemicorum
Hippocratis explanationem animum inten-
deret, ex suis famulis quidam adstitit, qui
domum flammis ardere, totamque comburi
denuntiat. Jam percussi campanis aeris fo-

G nus,

(1) Comment. cit. p. 95. Ex eo id forte Baruf-
faldus affirmavit, quod in editione Lugdunensi a-
pud Joan. Pullonum sub anno MDXLIII legerat *v.
lectionibus incumbere*. At Clariss. Jo. Andreas Barot-
tus legendum censet *videlicet*, non *quinque*: quod sa-
ne ab editione, qua ego utor, probatur optime; ea
enim habet, *scilicet lectionibus incumbere*.

(2) Exam. Catap. vel Pilul. p. 15.

(3) Id. ibid.

(4) Exam. omn. oleor. p. m. 213.

nus, qui populum ad ignem extinguendum
vocabat, suas strepebat ad aures, cumque
omnes ab incœpta eum destitutum lectione
crederent, sapientem illum inter septem
Biantem (1) imitatus, qui fortunæ ludibria,
quæ nos bona appellamus, pronuntiabat,
flammis potius deserendam domum, quam
inchoatam lectionem refecundam putavit.
Omnia enim vera bona in sola esse virtute
pro certo habebat Vir clarissimus ita cum
Sene alloquens in Dialogo de Pilulis (2):
Dic autem, ait, quid est verum bonum nisi vir-
tus? nam divitiæ labiles sunt, & caducæ, pul-
critudo fluida est, & tamquam flos brevi evane-
scit, robur diuturno tempore languescit: Unde
non ab re a Stellato Poeta dictum est

Præter virtutem non est durabile quicquam
Divitiæ pereunt, species quoque, robur, honores,
Cuncta cadunt, virtus æterna in tempora durat
Quam fortuna nequit, nec tollere longa vetustas.
Neque domum tantum, omnibus admiranti-
bus, revisere recusavit, sed ego, ita de se
loquitur (3), contemplationis viribus in me ipso
collectis illi responsum dedi comburatur; nam
binc

(1) Cicero ad M. Brutum Paradox. I.

(2) p. 10

(3) Exam. omn. clcor. p. 214.

*binc discessurus non sum , priusquam integrum
lectionem non perficerim . Quæ cum audivisset
famulus , ut eum a proposito revocaret , non
domum vere comburi , quæ tota concame-
rata , ac lateritiis fornicibus compacta minus
ignem verebatur , sed tegetem inflamatam
esse declaravit , quam ad centum & amplius
fœni currus continendos capacem , & ad pa-
leas & ligna asservanda superiori anno ædi-
ficari jussit . Sed licet majus sibi ex eo in-
cendio imminere damnum adverteret , pro-
positum tamen tenuit , & ferio respondens
Ito tu , inquit , & cum aliis ignem extinguis-
(1) . At Scholastici novarum rerum cupidi ,
ut ipse ait (dissimulans eos Præceptoris pe-
riculo , & observantia excitari) , audito cam-
panarum sonitu , ac manibus pedibusque su-
pra tabulas ingeminato strepitu pulsantes ,
finem lectioni tandem facere invitum coe-
gerunt . Domum itaque cum discipulis re-
versus ignem quidem extinctum , sed tege-
tem jam crematam invenit . Qua incendii
occasione cum in tanto hominum concursu ,
ac rerum perturbatione multus latrociniis
pateat aditus , multa Brasavolo direpta fue-
runt ; quod tamen serena fronte dissimula-*

G 2 bat.

(1) Ibid. loc. cit.

bat. Sapientis enim est omnibus fortunæ tenuis, ac casibus invictum se præbere, animique magnitudine omnia vitæ incommoda superare. Qua de re sapientiam fortunæ vicitricem dicit Juvenalis, eosque, qui ex Sapientiæ, & Philosophiæ præceptis vivunt, casus fortunæ adversos non pertimescere, imo fortunæ ludibria aspernari; ideoque bene beateque vitam agere (1)

*Magna quidem, sacris quæ dat præcepta libellis
Vix fortunæ Sapientia, dicimus autem
Hos quoque felices, qui ferre incommoda vitæ,
Nec jactare jugum vita didicere magistra.*

VI.

E tota Europa Auditores trahit.

Nihil ergo mirum si e tota Europa, ut ab eo instituerentur, & ad honestarum disciplinarum fastigia (uti Jacobus Antonius Bonus (2) vivens tunc testis) facilius promoverentur, frequentissimi Auditores confluenterent. Eorum elenchus, quem ipse recen-

(1) Juvenal. Satyr. XIII.

(2) Praef. præmiss. Indici in Gal. libr. Bras.

censet Brasavolus (1), hoc idem probat . In eo tamen emicat Joannes Baptista Cananus nobilis Ferrarensis, *Vir uti sine controversia inter antesignanos suæ tempestatis anatomicos collocandus*, ita omni genere doctrinæ, & morum probitate, comitateque nemini secundus, ut doctissimi Gabrielis Falloppii (2) verbis utar, qui inventi musculi palmaris brevis gloriam ingenue illi tribuit ; Cananus , inquam, ab Amato Lusitano (3) vocatus *Vir qui in dissecandis corporibus humanis alter Vesalius habetur*; & alibi (4) *Vir hac etate cum ipso Vesalio facile conferendus*; quique Julii III P. M. Archiater , ac in Patriam ab Alphunso II Ferrariæ Duce revocatus totius Ferrarensis ditionis Protomedicus declaratus fuit . Idem nobilissimus Anatomicus Gabriel Falloppius (5) Mutinensis fatetur Brasavolum audivisse . Cæsar & Pius Æneas Caprilli , & Marcus Antonius Florio quoque Ferrarenses ; Gaspar de Gabriellis nobilis Patavinus *Vir singulari doctrina præditus, & herbarum, ac sim-*
G 3 pli-

(1) Comment. in Aph. Hipp. &c. Præf. ad Gal. Gonzag.

(2) Oper. T. I. Observ. Anat. p. m. 74.

(3) Curat. Med. Cent. I. Cur. 31.

(4) In Dioscor. lib. 2. Enarr. 59. p. 202.

(5) De Morb. Gall. cap. 13. 14. 36. 39.

plicium maximus indagator (1), qui, Amato Lusitano (2) affirmante, publice in celebri Ferrarensi Archilyceo rem herbariam edocuit, & mox *naturalem Philosophiam ex Graeca Academia publice professus est* (3), auditores Antonii Musæ fuerunt. Joannem quoque Baptistam Susium Mirandulanum (4), non Mantuanum, ut scripsit Vander Linden (5), Philosophum, Medicum, ac Equitem, Joannem Bacchanellum Regensem, Joannem Sinapium Germanum, *virum varia eruditione præditum* (6), & *utraq[ue] literatura gravissimum* (7), & Medicæ Artis professorem acerrimum discipulos habuit. Hi omnes, quos

(1) Lusitanus in Dioscor. lib. 4. Enarr. 153. 154.
p. m. 448.

(2) Ibid. lib. 1. p. 9.

(3) Brasav. Comment. in Aph. &c. Præf. ad Gal. Gonzag.

(4) Ex Epitaphio Mirandulanum fuisse liquido patet. Mantuae enim Medicinam fecit, ac obiit XII. Cal. Aprilis MDLXXXIII, & humatus in Venerabilis Cœnobii aditu Fratrum S. Francisci, cui Hippolita Uxor, Cleantes, & Sergius filii epitaphium posuerunt.

(5) De Script. Medic.

(6) Amat. Lusitan. in Dioscor. lib. 1. Enarr. 70.
p. 68.

(7) Bras. Comm. in Aph. &c. Præf. ad Gal. Gonzag.

quos per Europam reddidit bonos, & doctos
Viros, ne plures enumerando nostros fati-
gemus Lectores, suis lucubrationibus jam
celebres de peculiari Præceptoris in docen-
do assiduitate, eximiaque scientia cumulate
loquuntur, illique meritas rependunt vices.

VII.

*In medicis quæstionibus dirimendis Judex eligi-
tur. Ejus in re medica auctoritas.*

AD tantum Præceptorem, cui jure optimo
fides est habenda, ut scripsit Vincentius
Madius Brixianus, *Philosophus sua tempestate
celeberrimus, ac interpres naturæ disertissimus*
(1), quum Ludovico Panizzæ (2) literas
daret, tamquam ad Judicem omni exceptio-
ne majorem, ut abstrusiores dirimeret quæ-
stiones, confugiebant Artis Medicæ periti.
Eidem undequaque doctissimo (3) ex tribus
clarissimis Medicis a Madio propositis, cele-
brem illius tempestatis controversiam, ut sen-
tentiam proferret suam, detulit Ludovicus

G 4 Pan-

(1) Macchiavelli *Orat. de Laud. Ferrar.* p. 19.

(2) Apud Panizzam *De Ven. Sect. &c.* p. 101.

(3) Panizza *ibid.* p. 68.

Panizza Mantuanorum Ducis Archiater doctissimus. Item Sebastiani Montui Medici Galli Rivorientis litteraria dissidia cum Leonardo Fuchsio se succidisse Brasavolus ipse refert; hæc enim ipse narrat (1): *alias banc rem diffusissime tractaturi sumus, præsertim cum inciderimus magna circa banc rem doctissimum virorum dissidia, scilicet doctissimi viri Sebastiani Montui, & celeberrimi Leonardi Fuchsii Marchionum Brandenburgensium Archiatri.* Sed quum Fuchsii rationes minus fortasse approbasset, vehementer ille indignatus præsertim in suis supra Hippocratis Aphorismos Commentariis *ubi potuit*, ut verbis utar Cardani (2) solitus est carpare Brasavolum, in quem crebris verborum contumeliis, & indignationem, & suam contradicendi libidinem in rebus plerumque nullius momenti declaravit. At quamvis *sæpiissime Brasavolam refutet, rarius tamen, immortali Hallero scribente* (3), *uti notum, experimentis suis utilis.* Sed si Fuchsius prolatæ contra se sententiæ non stetit, quæ tamen sentiebat Brasavolus

(1) Comm. in Aph. &c. lib. 7. Aph. 30. p. 1072.

(2) Comm. in Aph. Hipp. Sect. 3. Aph. XIV. p. 254. col. 2.

(3) Method. Stud. Med. Boerh. loc upl. T. 2. p. 127

volus, & alii sentire gloriabantur. Antonium Musam magnæ per Italiam auctoritatis virum appellavit Bernardus Dessenius Cronenburgius Medicus Coloniensis (1). Et Amato Lusitano non vulgaris eruditionis viro in eadem, qua Brasavolus, esse mente, ne medicis in rebus falleretur, carum in primis erat, inquit enim : *gaudeo equidem cum tanto viro sentire, quem tanti feci semper* (2). Cum vero suæ opinioni Brasavolum aliqua in re accedere audiebat, ita gestiebat animo, ac si rem cum adversariis suis confecisset: *Huic nostræ sententiaæ adstipulatur, ajebat, Antonius Musa Brasavolus, cuius judicium in arte medica multis antefero* (3). Eadem clarissimus Hippocratis interpres Hieronymus Cardanus, suique temporis Medicus doctissimus sentiebat. Itaque de eo magnifice alloquens, illius, scripsit, eruditionem, labores, ac judicium omnibus, qui nostra ætate scripserunt, mea sententia præferam (4). Quare quod olim scribebat Cicero, errare scilicet mehercule malo cum Platone, quam cum cæteris
vera

(1) De Compos. Medicam. lib. IX. p. m. 818.

(2) Comm. in Dioscor. lib. I. p. 14.

(3) Ibid. p. 32.

(4) Comm. in Aph. Hipp. Sect. IV. Aph. V.

vera sentire (1) de Brasavolo nostro merito usurpabatur. Hinc summam cum eo inire consuetudinem cœperunt magni Viri. Inter hos præstantissimus Rondeletius regius in Monspeliensi Academia Professor; Laurentius enim Joubertus ejus discipulus in ipsius vita, quam & posteritati tradidit (2), hæc habet: perlustratis primum Academias Italæ præcipuis, Pisana, Bononiensi, & Ferrarensi. Postremo Patavii fuit. Quibus in locis doctissimorum virorum commercio perfrui illi datum est, Joannis Argenterii, Lucæ Ghini, Cæsaris Odonis, Antonii Musæ Brasavoli, Joannis Baptiste Montani. Immo nonnulli longissima suscepérunt itinera, ut & eum viserent, & ejus doctrina proficerent. Joannes Langius Leobergiæ Silesiorum natus, Principum Palatinorum Medicus, ut exotica medicamenta cognosceret, Ferrariam decrevit proficiisci, sciscitabor, inquiens, an illa erudita Leoniceni Medicorum progenies, Manardus, & Brasavolus aliquid novi medicamentorum acceperint (3). Qui vero aliis curis distenti ab itineribus ineundis prohibebantur, ipsius tamen iudi-

(1) Tuscul. Quæst. lib. 1.

(2) Oper. Omn. T. 2. p. 187.

(3) Epist. Med. 64.

diciūm per nuncios expetebant. Jamque Amatus Lusitanus radices veræ montanæ narrādus Ferrariam misit, ut *doctissimus Brasavola* (ita ipse loquitur) discerneret, quantum hæc ab *Spica Indica* differret (1). Quare de Ferrariensibus loquens jure affirmare potuit (2): *Ferraria, ad quam quicunque de re herbaria, veluti de bona medicina exactam notitiam habere desiderat, accedat consulo: Sunt enim Ferrarienses cœlesti quodam influxu favente Medici doctissimi, ac rerum naturalium cognoscendarum diligentissimi, qua de caussa, apud eos, per sex annos nunquam pœnitendos commorati sumus.* Tanta is ergo auctoritate florebat, tantaque eruditī Viri existimatione gaudebat, ut Cælius Calcagninus Ferrariensis eidem olim (I.I.) discipulo suo varia devoverit opuscula. Hæc sunt. I Paraphrasis in primum librum Ethicorum Aristotelis. II In Politica Aristotelis Paraphrasis. III In Aristotelis Commentationem de Sensu, & Sensili Paraphrasis. IV Quod Stoici dicunt magis fabulosa, quam Poetæ: ad imitationem Plutarchi. V De Cistro, Cedro, & Citro Commentatio.

§. VIII.

(1) Comm. in Dioscor. lib. 1. p. 20.

(2) Ibid. lib. 4. p. 374.

§. VIII.

Multi Europæ Principes eum consulunt.

AD hoc Sapientiæ lumen non remotiores tantum Medici accedebant, verum & multi e primis Europæ Principibus, qui de sua salute omnium studiosissimi, eum, tamquam melioris famæ oraculum, interrogabant. Si ex divini Senis testimonio, qui recte prænoscere, ac prædicere sciverit, Τις Θεραπείων ἀριστα ποιεότο, idest curationem optimè fecerit, θαυμάζοιτο δικαιώς, καὶ ἵντρος αὐθός εἰν, scilicet merito admirationi fuerit & medicus bonus extiterit (1), nullus majori admiratione dignus extitit, quam Brasavolus; solidæ enim praxis, multipliciumque observationum fundamento innixus, Deo optimo favente in excellentissimorum virorum collegiis, & publicis ac privatis colloquiis semper felicissime (2) vaticinabatur; ideoque curabat, sanabat, ab inferis propemodum revocabat (3).

Ita

(1) Hipp. Prænot. lib. in princip.

(2) Bras. Comm. in Aph. Hipp. &c. lib. 2. Aph. 19. p. 212.

(3) Bonus Præf. ad Indic. in Galen. cit.

Ita & celeber Ferrariensis Joannes Baptista Pigna, qui eodem tempore floruit, in Antonii Musæ laudem cecinit (1)

Cujus feruntur optimos ad exitus

A sorte vota prospera.

Non semel summorum Pontificum Pauli III, & Julii III incolumentati consilio adfuisse, Romamque saepius ad eos curandos fuisse accersitum, teste Macchiavellio (2) exploratum habemus. Hoc & satis docent egregia munera, quæ in Herculis Brasavoli, Antonii Musæ filii, commentariolo a Baruffaldo (3) pervoluto illi donata recensentur. Magnum argenti pondus a Paulo III accepit tres supra centum unciarum. Magnum item aureorum numerum, intra quos elegans monile nummo quoque aureo decoratum unciarum duodecim cum dimidio (4) ab Julio III reportavit. Item Carolo V Cæsari, Francisco I Galliæ, & Henrico VIII Britanniae Regibus a consiliis medicis stetisse, ex consultationibus Brasavoli manuscriptis a Baruffaldo lectis abunde patet. Neque alia

de

(1) Carmin. lib. 2. p. 48.

(2) Orat. de Laud. Ferrar. p. 19.

(3) Coment. cit. p. 105,

(4) Ibid. p. 106.

de caussa cum Aragonensibus, Farnesiis, ac Gonzagis familiaritatem est consecutus, eorum quippe valetudini frequenter consuluisse ex ejus scriptis eruimus (1). Quo ad Gonzagas autem spectat exploratum est tanta floruisse gratia, ut Fridericus II Mantuanorum Dux, præter privilegium (IX.I.) quod & Vincentius firmavit, illum & progeniem sponte ac liberaliter honorifico diplomate affecerit. In nuncupatoria ad Franciscum Gonzagam, quæ in Commentariis *in libellum Averrois de Substantia Orbis* (VII.I.) præit, hæc habet Auctor: *Fridericus*, ait, *qui Antonium Musam virum a quo nil unquam commodi acceperit, vel accepturum speraret, effitio affecerit, & tali, ut ex proprio proventu posteros etiam ornarit, & perpetuo diplomate muniverit*. Quibus vero honoribus aut privilegiis fuit auctus dicere non audeo, nulla enim satis valuit vel acuratior diligentia, ut e latebris diploma illud eruere potuerim.

§. IX.

(1) Exam. Simpl. Med. p. 409. 410. 432. De Med. tam simpl. quam cathart. quæ &c. p. 1. p. 201. litt. C.

§. IX.

Provinciæ ab eo petunt Medicum.

NEQUE de iis Provinciis mentio est prætermittenda, quæ cum Duci Herculi adstricatum nullis promissis, aut præmiis ab eo divelli posse cognoscerent, ab eo saltem (tantam sibi ubicumque comparaverat auctoritatem) enixe petebant, ut Medicum ad Civium suorum regendam valetudinem arbitratu suo deligeret. Clarissima fuit Rhacusinæ Republicæ deputatio, cuius jussu Sebastianus Menseus, Mediolanum iter faciens, Orator Ferrariam venit Antonium Musam consulturus, quemnam ex Medicis apprime doctis a Republica conducendum ille judicaret. Amatum Lusitanum delegit Brasavolus, literas Senatui dedit Rhacuso, eumdemque aliis aptiorem sibi visum significavit (1).

§. X.

(1) Amat. Lusitan. In Dioscor. Epist. nuncup.

§. X.

Rerum domesticarum curam Conjugi relinquit.

Tot inter occupationes rerum domesticarum exigua, aut nulla ei erat cura, immo Cassandræ Conjugi, post nonum a conjugio mensem filio suscepto, universa bona, tamque obtulit pecuniam (1): Cassandra soror (ita tunc eam alloquutus est) hæc tua sunt, & natorum tuorum, si placet expendas, atque profundas, tibi enim filiisque profundes. Si parca eris tibi filiisque parces, nunc enim peperisti, & iterum plena es, quantum in me est, vel parca sis vel prodiga, nihil refert: mibi enim vel hic vel alibi nihil defuturum est: sed tibi, filiisque tuis deesse posset, si immatura morte prevenirer. Quum ab eo Renatus nummum aureum, ut de hoc medicum sumeret experimentum, exquisisset, an ne scis, respondit (2), & me neque nummulum habere, nisi ab illa (nempe Conjuge) petierim? Ut vero filio moriger esset, ab ea petitum aurum impetraturum promisit. Quod con-

(1) Exam. Syrup. p. 15.

(2) De Medic. purgant. quæ unicuiq. &c. p. 123.
litt. B

consilii non ex aliqua animi socordia , aut nimium ardenti in Conjugem benevolentia , sed maturo prudentiæ sensu captum est . Quam enim diligenter rem omnem domesticam curatura Conjur virago (1) esset , explorata satis ejus indole , emunctæ naris Vir jam tenebat (2) . Ipsi quoque mensæ Cassandra preerat (3) , ut quid pransurus , aut cœnaturus esset , ignoraret penitus . Sic literarum studio , omni perturbatione remota , pacifice operam potuit toto pectore accommodare , atque innatam confirmata inque tot annorum spatio discendi , scribendique cupiditatem explere .

§. XI.

Ejus in Deum pietas .

A Primis usque vitæ suæ temporibus sum-
mam erga Deum pietatem enixe ex-
colendam sibi statuit . Si non erat futurus
probus , jure jurando firmavit saltem operam
probis imitandis daturum . Sed ut probus tu-

H tius

(1) Exam. omn. oleor. p. 218.

(2) Exam. Syrup. p. 15

(3) Exam. Trochisc. p. 9.

tius evaderet , multum psallere , multas interdiu preces recitare , multis quotidie Sacris interesse , Virginis officium , imo etiam magnum , ut dicitur , legere , & sancta Penitentiæ & Eucharistiaæ frequentare Sacra-menta ab adolescentia instituit . Sed quum se nimium Religiosis hisce occupationibus præpediri animadverteret , quominus status sui munere exacte fungeretur , ab incœpto ex parte destitit , ut discipulorum institutio-ni & ægrorum necessitatibus & familiaribus curis se melius daret . *Hoc non minus benefacere , ajebat , quam psalmos cantillare* (1) . Ea-dem animi contentione , ut naturæ suæ vi-tia expoliaret , virtutesque Christiano viro dignas indueret , sicuti inferius patebit , sem-per curavit . Vitam Christi Domini italice scripsit (V.I.) in qua rectis Christianæ vitæ agendæ regulis se inniti , difficiliores qua-sdam sectari virtutes , nil amplius quam Deo frui , quam secum perpetuo esse , in votis habere testatur . Quare *vir & morum sancti-tate & eruditione non vulgari insigne* (2) ab Amato Lusitano merito appellatus est , & a Joanne Baptista Pigna (3) .

Vir-

(1) Exam. Pilul. p. 15.

(2) Comm. in Dioscor. lib. 1. p. 7.

(3) Carm. lib. 2. p. 48.

*Virtute cuncta metiendo moribus
Nil inquinatis integer*

§. XII.

*Ejusdem solicitude in liberorum animos tum
moribus, tum literis imbuendos.*

QUAMQUAM rerum domesticarum in Cas-
sandram conjugem onus rejecisset, ta-
men ad liberorum animos tum mori-
bus, tum literis optimis (1) instituendos fuit
& miræ solertiæ & industriæ, & ut ipsi eru-
ditiores in literis fierent, nullis constituit
expensis parcere: *Ego intra me decrevi* (ita
ex ejus (2) scriptis) *natos meos bonis literis*
primum instituere, deinde per diversas Mundi
partes relegare, ut per varia regna, & provin-
cias evagati sapientiores revertantur. Quo sa-
ne optimo consilio ad maximam filii evehun-
tur sapientiam, & ad summos dignitatis, ac
honorum gradus iis aditus patet. Piæ Patris
industriæ maximum filiorum studiis incremen-
tum attulerunt. Renati filii natu maximi,
ut is a puro humanas literas hauriret fon-

H 2 te,

(1) Bonus Præf. ad Ind. Gal. cit.

(2) Exam. simpl. Med. §. De Terr. p. 582.

te, voluit Genitor contubernalem esse excellentissimum ac probissimum Virum Mar-
cum, non Cretam ut Baruffaldus (1) evul-
gavit, sed *Marcum Catarozum* ex insula Cre-
tæ. Huic dum Doctoratus insignia præberet
Antonius Musa, agnomen addidit, Parthe-
nium scilicet, ut *deinceps vocatus sit Marcus*
Catarozus Parthenius (2). Instructus Rena-
tus, & Philosophiæ ac Medicinæ laurea in-
signitus in Patria Universitate, annos licet
viginti tantum natus, ingenio tamen & do-
ctrina præstans publicus Lector evasit. Vix
quinto ætatis suæ lustro attacto Henrici II
Franciæ Regis Archiater constitutus est, ut
ex Regio Diplomate Nonis Maii Anno MDLIV
dato liquet. Demortuo Antonio Musa Pa-
tre Hercules II Dux IV, & dein Alphun-
sus II Dux V ex multis doctissimis Medicis,
quorum semper plurimos aluit Scientiarum
nutrix Ferraria, Renatum filium, ut eorum
vitæ incolmitati famularetur, delegerunt,
& perhonorifco studiorum Moderatoris mu-
neri, loco Patris, suffecerunt. Maximiliano
II Imperatori, ut de aliis fileamus Principi-
bus, carus maxime fuit propter eximias præ-
stan.

(1) Coment. cit. §. 37. p. 151.

(2) Bras. De Medic. purgant. &c. p. 58. litt. B

Plautissimasque animi dotes, moderatos temperatosque mores, atque imprimis Medicinæ optimarumque Artium absolutam cognitionem &c., ut Imperiale declarat Diploma (1) Vindobonæ datum V Calendas Septemb. Anno MDLXV. In eo Comitis Palatini titulus Sacri Lateranensis Palatii, Aulæque Cæsareæ Renato datum legitur. Sicut paternæ sapientiæ, ita & summæ in rebus medicis auctoritatis hæres evasisse visus est. Præstantissimi Medicinæ cultores ab eo dubiis in casibus arduisque consilium exquirebant. Variæ adhuc extant consultationes ab Urbini Ducis, & Rodulphi II Imperatoris primario Medico Christophoro Guarinono (2) cum Renato habitæ. In hisce *Vir doctissimus* appellatur; & cum ad Serenissimum Ferrariæ Ducem de Sorore ejus ægrotante verba faceret Guarinonus, hæc habet: *Ipsa excellentissimum Brasavolum vehementer cupit*. Hippolitus Boscus Philosophus, Medicus, Anatomicus & Chirurgus Ferrariensis, ac in patrio Archilyceo publicus Lector *excellentissimum Virum* (3) vocavit Renatum, cuius in bibliotheca Cæsa-

H 3 rea

(1) Baruffald. Coment. cit. p. 152.

(2) Consil. Med. 267. 284. 334. 413. 414. 415. 416.

(3) De Facult. Anatom. Lect. 1. p. 43.

rea Vindobonæ, notante clariss. Joanne Maria Comite Mazzuchelli (1), asservatur consilium pro Ferdinando Archiduce Austriæ renum calculo laborante. Calendis Octobris hora sexta noctis Anno MDLXXVI eo extinto annorum septem supra quadraginta, Hieronymus Frater Alphunsi II Ducis V Medicus delectus est primarius. Singularis Vir fuit doctrinæ & inter summos Auctores, qui *medica facultate suis & laboribus & voluminibus amplificata, magnam sibi apud nos, posterosque nostros nominis celebritatem compararunt* a Pio Ænea Caprilli Ferrariensi (5) collocatus. Medicinam in patrio Archigymnasio docuit, & quum literarum græcarum scientia disertissimus esset, has quoque ibidem professus est (3). Multis tandem muneribus ac honoribus dives III Idus Octobris MDXCIV anno octavo ætatis suæ & quinquagesimo, Mense octavo & die unde-

vi-

(1) Gli Scrittori d' Italia Vol. 2. Part. IV. p. 2031., & seq.

(2) De Febris. Præf. ad Lect.

(3) Hoc ex veteri picta tabula ejus imaginem referente nos didicimus. Ea penes D. Octaviam Ugojini Mantuæ asservatur, in qua hæc lego : *Hieronymus Brasavolus Musæ filius Philosophiae & Medicinae Doctor, Medicus Ducalis, Lector Medicinæ ordinarius, & linguae Græcae extraordinarius.*

vigesimo vita decepsit. Posteris reliquit *De officiis medicis libellum*, typis Benedicti Mamarelli Ferrariæ impressum Anno MDXC, recusumque, notante Morerio, MDXCIX in 4, & in primum *Aphorismum Hippocratis expositionem* in 4. Plurimorum hic duo patent Scriptorum errores. Unus scilicet cum hanc Hieronymi filii expositionem tribuant Antonio Musæ Patri. Alter dum opus, quod nunquam composuerat, tradunt Hieronymum edidisse. Antonio Musæ patri post Vander Linden (1), Mercklinum (2), Johannes Jacobus Mangettus (3), Borsettus (4), aliquique hanc in primum *Aphorismum expositionem* assignant. At omnes hallucinantur; in operis enim fronte cubitalibus literis legitur: *Hieronymi Brasavolæ Musæ filii, Medici Ducalis ac Philosophi Ferrariensis in Aphorismum I Hippocratis Expositio ad Serenissimam Principem Margaritam Estensem Ferrariæ Ducissam &c. Ferrariæ apud Benedictum Mamarellum Typographum Episcopalem MDXCIV: In opusculi vero calce legitur MDXCIII.*

H 4

Al.

(1) De script. Med. in verbo Ant. Mus. Brasav.

(2) Linden. Renov. p. 77.

(3) Biblioth. Script. Med. &c. T. I. P. I. p. 462.

(4) Hist. Stud. Ferrar. P. II. Lib. II. p. 133.

Alterum in errorem una cum prædictis Scriptoribus (præter Borsettum, qui tamen & ipse (1) expositionem primi Aphorismi primæ particulæ Hieronymum exarasse falso tradit) lapsi sunt Libanori (2), Baruffaldus (3), Morerius (4), Petrus Bayle (5), & F. Vincentius Coronelli (6). Typis ejusdem Mamarelli anno MDXCV Hieronymum commisisse in *I Aphorismorum librum expositionem* in 4 falso scribunt: Numquam enim tale scriptis consignavit opus Hieronymus, & multo minus eo assignato anno, quo jam fato cesserat, prælo subjicit. Primum tantum Aphorismum, ut vidimus, non primum Aphorismorum librum, neque primi Aphorismi primam particulam, ut ait Borsettus, explanavit. Scriptorum Italicorum collector Comes Mazzuchellius Patri æque ac Filio idem tribuit commentitium opus, expositionem scilicet in *I Aphorismorum Hippocratis librum* annis MDXCIV, & XCV, ut ait, excusam, licet, quum de Antonio Musa loqua-

(1) Ibid. p. 176.

(2) Ferrara d' oro P. 30 p. 160.

(3) Coment. Istor. cit. p. 154.

(4) Le Grand Diction. T. 2. in verb. Brasav.

(5) Diction. Historique, & Critiq. T. I. p. 665.

(6) Bibl. Univers. &c. T. 6. p. 1096.

quatur, dicat Petrum Bayle opinari hoc commentarium non Patris, sed Filii opus esse; sed Scriptoris venia nullam mihi excitat dubitationem Bayle de expositione *in I Aphorismorum librum*, quam Hieronymo palam tribuit, licet falso, ut vidimus. Scribit tandem Mercklinum in Lindennio renovato assignasse Patri *in I Aphorismum commentarium*, quod suo judicio & juxta Indicem Bibliothecæ Oxonii labor est Filii. Hoc liquidu patet legentibus Bayle, cuius hæc sunt verba (1) *Jerôme Brasavolus son fils publia quelque chose. Une exposition du I Livre des Aphorismes d'Hippocrate* (quod repeto falsum est) *imprimée à Ferrare l'an 1595 in 4.... Je trouve dans Lindennius renovatus un Commentaire sur le premier Aphorisme d'Hippocrate, imprimée à Ferrare l'an 1594, & attribuée à Antoine Musa Brasavolus*. J'aime mieux croire que c'est un Traité de Jerôme Brasavolus, comme on le marque dans le Catalogue de la Bibliothèque d'Oxford. Item scripsit Hieronymus *Tabulae Logicae* in fol. opus, quod apud Flavium Querengum Patavii M. S. adservabatur, quodque Comes Mazzuchelli (2) ab

illo

(1) Diction. cit. loc. eit.

(2) loc. cit. p. 2029.

illo minime diversum existimat, quod apud
Ægidium a Fabra olim in Patria Ferrarien-
fi Universitate Primarium Medicinæ Profes-
sorem doctissimum vidit sub hoc titulo *Ar-*
bōr totius Logicæ Facultatis Ferrantes Borset-
ti. Lectionum Atestinarum libri duo ad Illustriſſ.
ac Reverendiss. Sororem Eleonoram Eſtensem in
fol. ab eo italica lingua pariter conscripti
sunt. Joannes Franciscus quoque, & Hippo-
politus Antonii Musæ filii, licet aliis in ar-
tibus, non mediocriter tamen floruerunt.
Prior Rheticis & Poeticis institutionibus
operam dedit, & quamquam tricesimo æta-
tis suæ anno immatura morte sublatus fue-
rit, inter præstantissimos sui ævi Rethores
recensebatur. Extant etiam de illo poeticæ
nonnullæ scriptiones, quarum aliquod nobis
specimen dedit clarissimus Baruffaldus (1).
Alter in Philosophia, Medicina, atque in
utroque Jure laurea donatus utrarumque Fa-
cultatum fuit in Patria Lector (2). Quare,
licet

(1) Coment. cit. p. 185.

(2) Ibid. p. 186. Ferrantes Borsettus duos recen-
ſet Hippolitos Brasavolos primum (Hist. Gymnas.
Ferr. T. II. p. 186.) scilicet Philosophiæ & Medici-
næ Doctorem, ac in Rotulo Anni 1562 Lectorem;
alterum (ibid. p. 197) Juris utriusque Doctorem,
& publicum extraordinarium Lectorem anno 1573,
& hunc Antonii Musæ filium fuisse autumat. At
in

licet in diversa sententia, illud a Crasso dictum merito possumus usurpare: Sapientiam & industriam Patris filiorum quoque doctrina comprobavit.

§. XIII.

Naturam biliosam immutat.

Egregias animi dotes natura in primis ardens, & iracunda, quam fortitus erat, non nihil deturpabat. Nequibat quicquam vel minimum pati, subitis iræ stimulis acuebatur, exardebat ex iracundia vultus, emicabant oculi, ac vindictam spirare videbatur (1). Vix se tanto animi æstu commoveri sensit, ægre tulit, atque omni ope contendit, ut se deinceps contineret. Pueritiæ adhuc ver agebat, nec satis animi cupiditates, & illecebras internoscere poterat, jamque compescere studebat. Divinam suppliciter opem enixe implorabat, ut ad fru-

gem

in tota gentilitia Brasavorum Arbore, quam ipse Baruffaldus perhibet, nullum alium Hippolitum præter unicum Antonii Musæ filium deprehendimus; hinc cum Baruffaldo utrosque Hippolitos in unum copulamus.

(1) Bras. Exam. Pilul. p. 13.

gem se bonam tandem reciperet, suisque posset motibus imperare. Vim sibi continuam intulit, pueriles contumelias dissimulabat, & quas sibi injurias fieri senserat beneficiis rependebat. Brevi naturam immutavit suam, ut nihil illi contingere, quod veluti ex voto (1) non perageretur. Quanam animi moderatione se gesserit, cum domum suam repentino conflagrare incendio audivit, jam vidimus. Nemo alienam comburi pacatiore animo tulisset, ac Brasavolus suam. Ut autem omnibus, in arte aliqua præstantibus, commune est, ut in invidiam obtrectatorum suorum, qui plurimi virtuti adversantur, incident; ita & Brasavolus multorum odia & similitates non fugit. At alter in eo Plato apparebat, cui cum multa ab Xenocrate in eum jaci maledicta renunciaretur (2) ea, reponebat, Xenocrates fide ac gravitate pollet; ut nisi sic expedire judicasset, dicturus ea numquam fuisset. Ita & de suis detractoribus sentiebat Brasavolus (3) de iis afferens: *Hi forte, qui de me obloquuntur, magis me cognoscunt, quam vos faciatis.* Ex his in-

(1) Exam. Pilul. p. 14.

(2) Marsil. Ficin. in vita Platon. Oper. T. 2. p. 767.

(3) Exam. Pilul. p. 17.

insurrexit quidam, qui & in publicis scho-
lis de Brasavolo stulta prædicabat, quamvis
paullo ante non mediocribus ab eo exce-
ptus fuerit officiis. Alii ex publicorum Pro-
fessorum albo ab Principe expuncti, Anto-
nium Musam incusantes, facta conspiratio-
ne, huic dictis factisque continua inure-
bant convicia, cui, si patuisset aditus, fæ-
viore in dies intumescente rabie, damnum
etiam inferre voluissent. Brasavolus contra
insolitis eos celebrare laudibus, multos ex
ipsis afficere beneficiis non modicis, fusisque
ad Deum precibus exoptare, ut radius iis
aliquis divinus affulgeret, cuius beneficio
diabolica discussa caligine ab errore tandem
suo rescipiscerent (1). Itaque effectum est,
ut pessimi oblocutores ex Brasavoli benedi-
&ctis & benefactis insignes per totam Urbem
digito monstrarentur infames (2). Sic unius
mansuetudo multorum devicit obtrectatio-
ne: *Nullum enim sapientem nec injuriam ac-
cipere, nec contumeliam posse a morali Philo-
sopho Seneca (3) probi omnes norunt. In-
jurias quippe obliuisci intelligebat Antonius*

Musa

(1) Ibid. p. 16.

(2) Ibid. p. 7. 8.

(3) De Tranquill. anim. cap. 2.

Musa magni animi esse, pravamque ultionis cupiditatem non nisi in pusillorum pectore residere. Ita Juvenalis scripsit (1).

• • • • • • • • • quippe minuti

Semper & infirmi est animi exiguique voluptas Ultio.

Et illud sibi in mentem penitus defixerat, quod & scriptis mandavit (2) ad hoc, scilicet, nati sumus, ut totis viribus aliis omnibus obsecundare conemur, & nemini unquam injuriam inferre. Quamobrem maledicentium voices, licet infensissimas, penitus despicer, omnemque Deo injuriarum suarum curam remittere, uti Virum Christianum decet, a prima (3) usque ætate assuevit. Hæc tamen cum primum Brasavolus exercenda suscepit, non mediocria reluctantis naturæ certamina expertus est, pugnis tamen, cum res exigeret, repetitis, victoriisque, Deo favente, familiaris facilius Rationis imperio (4) obsequi jussit rebelles sensus. Ita brevi eo pervenit, ut vix in adversis doleret, vix etaretur in prosperis, breveque, dum hæc mo-

(1) Satyr. XIII.

(2) De Med. Cathart. quæ unicuiq. &c. p. 62. lit. C

(3) Exam. simpl. Med. §. De Fructib. p. 327.

(4) Exam. Pilul. p. 17.

numentis tradebat, se ab his effectibus non amplius commotum iri (1) in spem adducebatur. Præfervida hunc in modum debellata natura una cum Cassandra Uxore, etsi & ipsa fervidissimum nacta esset ingenium, vitam adeo tranquillam duxit, ut nullus vel Religiosarum cœtus, ipso scribente (2), pacatior deprehenderetur. Eadem hac animi, qua Brasavolus, fortitudine præcinctum Cæsarem Deo æquiparabat Romanus Orator (3): *Verum animum vincere, iracundiam exhibere hæc qui facit, non ego eum cum summis Viris comparo, sed simillimum Deo judio.*

§. XIV.

Brasavoli modestia, & humanitas.

AB insolentia gloriæ, quæ viros in literis illustres non raro titillat, absuit semper; nam etsi magnorum Principum tutela frueretur, ut plurimum tamen, Hieronymo filio (4) teste, *in suis lucubrationibus ali-*

(1) Ibid. p. 19.

(2) Exam. Syrup. p. 10.

(3) Orat. pro Marcello.

(4) Exam. Troch. Epist. nuncup. p. 5.

alicui Principi inscribendis negligens erat, & sinebat absque tute in publicum emitti: quamvis enim egregium aliquod opus alicui Principi, aut nobilissimo Viro (uti mos est) nuncupare res profecto a nemine, qui mentis compos sit, detrectanda, tamen ajebat (1) ipse, illud nos ab incepto repellit, ne videamur partus nostros egregios putare: quos potius abortivos, & prociduos arbitramur. Eadem modestiae caussa nunquam Archiatrum, neque publicum Professorem, aut Equitem, se dixit, sed suas, omnibus suppressis titulis, in lucem emisit lucubrations, nihilque ultra, quam Medicum Ferrariensem se appellavit. Parvi laudes suas pendebat (2). Nihil in incessu arduum, nihil in sermone elatum, nihil in honoribus appetendis studiosum inventum in eo fuit. Amatus Lusitanus, qui per septen-nium, quum apud Ferrarienses versaretur, eo usus est familiarissime, ejus humanitate mirifice delectabatur (3). Qua erga omnes eum uti solitum absque personarum distinctio-*ne* refert Jacobus Antonius Bonus (4), quo cum

(1) Exam. Syrup. Epist. nuncup. ad Eleon. Estens. p. 3.

(2) Exam. Pilul. p. 19.

(3) Comm. in Dioscor. lib. I. p. 14.

(4) Praef. ad Ind. Gal. cit.

cum vixit libentissime. Ægris præcipue, quicumque ii essent quos conveniret, in primis comis, & facilis exhibebatur. Sciebat nil magis Medicum commendare, quam humanitatem, qua & omnium sibi devinxit animos & benevolentiam, adeoque *institui*, ipse (1) scribit, *ab initio & prodeesse ægris & placere*. Quanam igitur de caufa de eo scripserit Baruffaldus, ardenti laudis humanæ studio abruptum fuisse (2) sane non video. Scio equidem famæ suæ studiosum, tum in *instituenda* vitæ ratione, tum in operibus suis concinnandis maxime enixum esse, ut *pessimis* (ut ipse (3) ajebat), ac *conspurcatis linguis ansam maledicendi auferret*. At hoc idem cæteri Viri probi student, nec ideo ac si humanas captare laudes quærerent, sunt criminandi. Quaino petenti, an publicæ dignitatis gradum aliquem exoptasset, respondit (4): *Deus est testis, quantum ab ambitione absim, neque opus est hæc me ambire, ut qui (absit jactantia) ex me ipso gloriosus sim, & per totam Europam notus, ut alias præteream or-*

I

bis

(1) Exam. Syrup. p. 21.

(2) Coment. cit. p. 13. & 146.

(3) Exam. simpl. Med. p. 327.

(4) De modo Jur. dicend. p. m. 719.

bis partes. En Viri superbiam! Quam utinam studeret quisque!

§. XV.

Ejus liberalitas.

Nec minus ab avaritiæ sordibus intactum, & a lucri cupiditate alienum se præbuit. Quod Hippocrates, cuius mihi videoritæ & doctrinæ historiam scribere, Abderitis dixit, passim ab eo usurpabatur. Quum Hippocrates, ut Democritum ad stupiditatem, ut ajebant, prolabentem curaturus Abderam pergeret, magnis gloriæ, pecuniarum, famæque promissis vocaretur, Senatui populoque Abderitarum hoc dedit responsum: ἀργύειον δὲ μοι ἐρχομένω, οὐτὸν φύσις, οὐτὸν θεῖς υπόσχοιτο. ὥστε μήδ' υμεῖς αἱρεῖται βιάζεθε, ἀλλ' εἴτε ἐλευθέρης τέχνης, ἐλευθερα καὶ τὰ ἔργα. οἱ δὲ μιθαρεῦτες, δουλεύειν αὐαγνάζουσι τὰς ἐπιστήμας. ὥστε εἰς αὐθαποδίζοντες, αὐτὰς, ἐκ τῆς προτέρης παρρήσιν, idest Argentum autem mihi venienti, neque natura, neque Deus promittere poterit. Quare neque vos viri Abderitæ cogatis: sed liberæ artis etiam opera libra esse finatis. Qui vero mereedem capiunt, hī scientias servire cogunt, velut

*velut captivas facientes ipsas ex priore libertate,
literasque his absolvit verbis: οὐ παρποῦμας
δὲ νούσους, scilicet non cupio aurum ex morbis.
Brasavolus vero innumeris, ut ita dicam,
ægrotantibus quotidie præsto erat, quin ul-
lum ex iis stipendum expectaret, aut vel-
let. Quum, teste Amato, singulis annis quin-
genti supra mille essent (1) absque personarum
distinctione humanissime invisebat, curabat, sa-
nabat, ab inferis propemodum revocabat, ut
subdit Jacobus Antonius Bonus (2). Quibus
ipse in Jesu Christi vita, quam exaravit,
caritatis Christianæ tantum desiderio Artem
exercere (3) pie fatetur. Sed eo sua, qua
præstabat maxime, liberalitas (4) progredie-
batur, ut quasi alter Pythagoras, Philoso-
phiæ Italicae Princeps, qui, referente Dio-
gene Laërtio (5), amicorum omnia communia
dixit, sua etiam omnibus, qui indigebant,
communia faceret. Seni enim in Dialogo
de Oleis sciscitanti, an pro se filiusque suis
aliquam asservasset partem olei de Momor-*

I 2 dica,

(1) Comm. in Dioscor. lib. 3. p. 293.

(2) Præf. ad Ind. Gal. &c. cit.

(3) lib. 4. in princip.

(4) Exam. Syrup. p. 15.

(5) De Vita Philos. lib. VIII.

dica, quod triginta ante annos paratum, ac in cella vinaria antiquæ domus defossum casu detectum fuit, reposuit Brasavolus: nunquam negare possem præsidium, quod haberem, alicui affecto, sed ut semper feci, deinceps semper efficere statui, omnia mea esse omnibus probis viris communia, & præsertim præsidia ægregia, ac generosa (1). Et revera, cum magnum hæmorrhoidalí affectu laborantibus levamen fuerit, brevi quamplurimis expositu-lantibus interfectum fuit. Ad hæc accedit, fuisse neminem, qui famulos, & ancillas amplioribus conduceret stipendiis: magnum autem ex iis numerum alebat, nam patriis bonis abundantter ditatus

*Cui sunt opes, agris, & ære, & ædium
Tectis superbis uberes*

ut clarissimus Pigna cecinit (2), & singulis præterea annis mille aureos (ingentem tunc temporis auri summam) ex arte Medica hau-riens (3) multa proinde famulorum, & e-
quorum mulorumque commoditate præstabat (4). Famuli autem licet ampla conducti
mercede etiam suis temporibus, nostris simi-
les

(1) Exam. omn. oleor. p. 399. & sequ.

(2) Carmin. lib. 2. p. 48.

(3) Exam. omn. oleor. p. 221.

(4) Ibid. p. 215. & aliis in locis.

les erant; servi enim omnes, ut Cicero (1) dixit, *improbi sunt*; in homines quippe & mulieres bestiis ipsis proteriores se quotidie incidere conquerebatur (2).

§. XVI.

Antonii Musæ structura & temperamentum.

Alta sed apta statura, & habitu corporis crasso, ac pingui a natura efformatum fuisse ex ipso discimus: *mibi enim, cui crassæ insunt nates* (inquit), *satis erit supra scamnum sedere* (3), & pluribus in locis fas-sus est, cum sua esset jam confirmatus æta-te, crescere, *ut cucumeres in latus & in ven-trem* (4). Clarus ei vultus, rarisque obrectus pilis erat & nitidus, ac ampla frons: Oculi pellucidi cœruleo tingebantur colore, ut ex pictis ejus imaginibus conjicere est. Ei prospера ac secunda valetudo ita a Deo dona-batur (5), ut ipse jam quinquagesimo æta-tis suæ anno exacto ingenue fateretur, hos

I 3 na.

(1) Paradox. V.

(2) Bras. ibid. p. 217.

(3) Exam. Electuar. p. 40.

(4) Exam. Trochisc. p. 8.

(5) Ibid. p. 9.

natum annos invidisse neminem (1). Quibus omnibus Pignæ quoque testimonium additur (2).

*Valens, & acer, artubusque, & robore
Formæ decentis admodum*

Ab immodicis tamen studiis stomacho sensim debilitari sentiebat: *Nam in me ipso*, ait, *cibi facile in flatus commutantur, præsertim cum vehementer literis incumbo* (3). Nec mirum; qui enim strenuam studiis navant operam, cruditatibus, ingenti flatuum copia &c. corripi Bernardino Rammazzino teste (4), & quotidiana rerum experientia edocemur. Hinc aere, summa æstate, fervente continuo in ægris invisendis labore, magna eum nonnunquam capiebat anorexia. Cui ut præsto esset pinguissimos capos ad jus nutritioni aptissimum conficiendum asservabat. Hac tantum ex caufsa de tegetis suæ incendio questus tantillum est, quod pinguibus suis capis scilicet privaretur. Flamarum enim & hominum strepitu perterriti in proximas domos evolarunt, quorum ne caput quidem unum,

(1) Ibid. p. 196.

(2) Carmin. lib. 2. p. 48.

(3) Comm. in Hipp. de Rat. Vict. in morb. acut. &c. lib. 1. p. 30 col. 2. lin. 16.

(4) De Morb. Artif. cap. De Litterat. morb.

unum, ex postulantibus ancillis, redditum fuit (1).

§. XVII.

Ejusdem vivendi norma.

Licet victus comparandi provincia Cas-
sandræ conjugi demandata esset, ut supra (X) diximus, mensa tamen semper exquisitis, copiosisque ferculis instruebatur, ut laute prandere & cœnare posset. Fructibus, quod ei mediocriter sapiebant, paucissimis (2) vescebatur. Peponibus ipsis, qui cæteroquin lubricam illi alvum reddebant, utebatur modice: *& mibi etiam, ait, lubrica* (alvus) *efficitur, dum pepones vigent, quamquam in modica copia semper pepones edam.* Cui Renatus filius respondet: *nunquam te vidi plusquam bucellam edere.* Subdit autem ipse quasi rem magnam dicturus: *Plerumque si sit optimus pepo bucellam cum dimidia esito* (3). Dulcia quasi alter Democritus in deliciis habebat. Quum puer esset ætate sacchari can-

I 4 nas

(1) Exam. omn. oleor. p. 215. & seq.

(2) Exam. Trochisc. p. 10.

(3) De Med. Cathart. &c. p. 94. litt. B.

nas a quodam Mercatore Hispano unius oboli pretio in foroemptas (1) exsugebat libenter. Quod vero Democrito sapiebat maxime, plurimum illi oberat, mellis scilicet usus. *Mibi vero, fatetur ipse, cui mel obest, uxor mea jubet ex saccharo fieri, & passulis non-nihil Cinamomi addito* (2). Caseum, licet exquisitæ indolis, vix degustabat, integro anno nec semilibram consumpturus (3). Sæpius inter cibos bibere consueverat. *Scis me, ita cum Renato loquitur, post quatuor aut quinque bolos dum prandeo, & cano modice bibere, & hunc semper fuisse meum morem, tamen cum essem juvenis non solum non babebam lubricam alvum, sed erat valde adstricta, nam singulis solum quatuor, aut quinque diebus excernebam, ratio tamen dictat, alvum mollem fieri oportere, quia crassa tenuibus miscentur, verum ne hoc quod dixisti absque Authore esse putas Plinius author est, cum ait, mollire alvum conductit inter cibos bibere* (4). Vinum autem plurima miscebat aqua, ut illi jure Renatus objicere potuerit: *quale judicium de vino habere*

(1) Exam. simpl. Med. §. De succ. prædens. p. 443.

(2) De Med. Cathart. &c. p. 103. litt. C.

(3) Ibid. p. 100. litt. A.

(4) Ibid. p. 114. litt. D.

bere potes, cum illud non diluas modo, sed per-
luas ac jugules (1)? Contra suavis illi erat,
atque jucunda ptisana, qua, cum egregie
illam domi suæ pararent, pro minutali vul-
gati farris loco utebatur (2) frequentissime.
Nullis enim in sanitate tuenda medicis ser-
viebat regulis, sed, quæ magis saperent,
usurpabat cum Celso afferens, hominem fa-
num suæ spontis esse debere (3). Sed uti-
nam ciborum potius qualitatem, quam sapi-
ditatem sectatus esset! Sanis enim corpori-
bus *malus est ptisana usus ad vitæ longitudi-*
nem, ut Hieronymus Cardanus (4) docet,
qui de Brasavolo miserans ait: *cum ferme*
continuo ptisana uteretur, primum senium ad-
implere non potuit. Asferebat hinc Hippocra-
tes: *Cibaria imbecillia brevem efficiunt vitam*.
Quibus re ipsa sunt valida viscera, universis ex
quotidiana experientia Doctoribus consentien-
tibus, mollia, humida, tenuia, levia obsunt
alimenta; horum enim partes inter se adeo
laxe cohærent, ut brevi actione separari, su-
bi-

(1) Ibid. p. 72. litt. D.

(2) Comm. in Hipp. De Rat. Viæ. in morb.
acut. &c. lib. 1. p. 72. col. 2. lin. 21.

(3) Exam. Trochisc. p. 10.

(4) De Sanit. tuend. lib. 2. cap. 8. p. m. 127.

bigi, & expelli queant (1). Vacuo interea ventriculo, cum nihil, in quod agat, intrinsecus sit, homo rursus famelicus animo fere liquitur, atque a vel tenui tandem diæta pereditur. Quam ob rem Antonius Musa valido corporis donatus habitu, levibusque brevi subigendis assuetus, hora prandii aliquantulum protracta, se ingenti debilitate, tremore, animi defectu corripi, in iram excitari, ut os illi penitus amaresceret, ægreque spiritum duceret, sentiebat. Ergo jejunia, quibus vitæ suæ, suisque viribus nil noxious, nihilque periculosius esse comperebat (2), fere nunquam agebat.

§. XVIII.

Ejus obitus.

TAli pacto suam Antonius Musa instituit vitam, atque perduxit. Qua honestissime acta cum annos quinque & quinquaginta, Menses quinque, dies viginti exegisset; ideoque ad Annum MDLV non minus dignitate, quam gratia, fortunaque crevisset, Ferrariæ omnium mœrore pridie Nonas Julias, die Sabati, hora vicesima tertia

cum

(1) Hipp. sect. II. aph. 18.

(2) Bras. Exam. Trochisc. p. 11.

cum dimidio, ut Christianum virum decebat, coram Deo reddidit Animam. Longo fuisse morbo afflictum ex eo conjectura aſſequi possumus, quod VI & IV Idus Maii Nicolai Savonæ opera duos condiderat Codicillos. Id fortasse Ægrotus preſtitit mortem jam adventantem sentiens. Si illius vividam adhuc ſpectemus ætatem, ejusque corporis robur, ejus quidem mors minime tunc erat pertimescenda, ut cecinit Pigna (1).

Et cui ſenectus eſt futura lenior

Ut corpus, ætas indicat

ideoque immature nobis ſublatum fuiffe merito querimur. Si miram ejus doctrinam, animumque ſcientia, & quacumque alia ad proximorum commoda promovenda ſupelleſtile instructum intuemur, *Brasavolum virum longiori vita dignum cum Amato Lusitano* (2) pronunciamus. Si vero famæ, nominisque ſibi partam celebritatem perpendimus, eum, in florenti adhuc constitutum ætate, ad extreum usque pervenifſe ſenium cum morali Philoſopho fatendum eſt. Nam quicquid ad ſumnum pervenit, ad exitum prope eſt. *Eripit ſe, aufertque ex oculis perfecta virtus*: nec

ul-

(1) Carmin. lib. 2. p. 48.

(2) Curat. Med. Centur. VII. Curat. II.

ultimum tempus expectant, qui in primo matuerunt. Ignis quo clarior fulsit, citius extinguitur: vivacior est, qui cum lenta, difficilique materia commissus, fumoque demersus, ex sordido lucet: eadem enim detinet causa, quæ maligne alit: sic ingenia quo illustriora, breviora sunt. Nam ubi incremento locus non est, vicinus occasus est (1). Etsi autem ad extremum vitæ suæ diem oculos quotidie intenderet, ab anno tamen usque MDXXXIII (magnorum ingeniorum more, quibus nunquam, ajente Seneca (2), cara in corpore mora est: exire atque erumpere gestiunt, ægre has angustias ferunt, vagi per omne sublime, & ex alto assueti humana despicere) Bartholomæi Franci opera Idibus Martiis testamentum suum conscribi jussit, se ad mortem ineundam diligentius parare cœpit. Non dubito, quin ea spe, qua se teneri dixit (3), jam beatæ gloriæ compos, minime exciderit, virtutum, laborumque suorum vicem æternam recepturus.

§. XIX.

(1) Seneca de Consol. ad Marc. cap. XXIII.

(2) loc. cit.

(3) Exam. omn. oleor. p. 207.

§. XIX.

Parentalia ejusdem.

Vulgata ejus morte ingens in Patria
mœror est factus. Ea enim Ferraria
semper fuit, quæ viros eximia virtute præ-
ditos magni semper habuit, ac vehementer
suspexit. Quod ergo Senatui, populoque Ab-
deritarum de Democrito olim scribebat Hip-
pocrates, de Brasavolo usurpabo: *καὶ μανά-
ποι γε δῖμοι ὄνόσοι ἵστασι τοὺς ἀγαθοὺς ἀνδρας
ἐρυματα ἐωτῶν, καὶ οὐ τοὺς πύργους, οὐδὲ τὰ
τείχεα, ἀλλὰ σοφῶν ἀνδρῶν σοφας γνώμας;* id est: *Et beati profecto sunt populi, qui sciunt
bonos viros sua esse munimenta, & non turres,
neque muros, sed sapientium virorum sapientia
consilia* (1). Dux Hercules tam acerbo nun-
cio audito vix lacrymas continuit de sui a-
mantissimi Archiatri jactura vehementer con-
questus. Hic majori, qua fieri posset, pom-
pa exequialia decrevit, & ipse præstantif-
simi Viri funus una cum Collegiorum cœtu
comitari voluit, postremum de egregia sua
erga eum benevolentia argumentum futu-
rum.

(1) In Epist.

rum. Inter Inscriptiones, quibus Antonii Musæ feretrum decorabatur, quamdam apud nobiles Brasavolos adhuc in Originali assertari refert (1.) Baruffaldus. In ea ab Alessandro Guarino a secretis Herculis Brasavolo elogium inscribitur, quod sepulcro suo minime insculptum fuisse dolendum semper erit. Illud eo, qui tunc vigebat, stilo elaboratum ad literam describo

Artes, & Discipline,

Nunc vere liberales ad lacrymas:

ANTONIUS MUSA

Ingeniorum flos heu decidit!

Lugete Scientiæ, & virtutes omnes:

Quarum amor, & delicium abiit, dum Iste obiit.

Astrea suam ingemit Trutinam,

Apollo suum deflet Æsculapium,

Et Chorus ipse Apollineus suum deplorat MUSAM

Immo Ferraria, Insubria, Italia, Europa, & Orbis

Suum lacrymantur

Patritium, Comitem, Equitem, Magistrum, & Sophum:

Plurima & Lycea ob Heroem Palladis suspirant insignem

Cui omniscio

Patria, Aula, & Eruditorum Respublica

Doloris, & Amoris ergo

Parentant.

Pa-

(1) Coment. Istor. cit. p. 146.

Parentalibus magnifice absolutis in antiquo
Brasavolorum sepulcro , ab Antonio nostri
Musæ Abavo in Divi Andreæ æde extructo,
humatus est .

§. XX.

Referuntur inedita M.S. Ferrariæ asservata.

BRASAVOLUS tot *volumina*, tamque diversi ge-
neris utilia conscripsit , atque edidit , ut
mirum sit quo pacto Vir ille diligentissimus , qui
ægrotis curandis assiduus est , tantumque tempo-
ris in assiduis lectionibus publicis consumit , tot
tantaque excogitare , ne dum scribere potuerit .
Ita , ut vidimus , Jacobus Antonius Bonus .
Sed si longior illi etiam , Deo dante , vita
contigisset , majori perculsus sane fuisset ad-
miratione , cum multa alia *volumina* , quæ
jam confecerat , in publicam ad rei medicæ
commodum lucem prodire conspexisset . Clari-
ssimus Baruffaldus (1) varia inedita refert
manuscripta , quæ adhuc Ferrariæ asservari
dixit , & sunt :

I *Institutiones linguæ græcæ italico idiomate*
exaratæ

II An-

(1) Coment. Ist. cit. p. 138.

II Annotationes in I & II lib. Hippocratis de morbis acutis secundum Gal. Coment.

1541.

III Lectio de Cura Morborum 1534.

IV De Astm. Curat. 1534. Tria hæc egregia Manuscripta, si in clarissimi Aloysii a Fabra potestate erant de Republica Medica varias ob editas lucubrationes optime meriti, ac in patria Ferrarensi Universitate tunc Professoris primarii, nunc apud eximium Angelum nepotem Philosophum, ac Medicum doctissimum, ac in patrio Athenæo Lectorem quoque primarium eadem extare conjicimus.

V Commentaria in Pentateucum Moysis, quorum fragmenta apud Hæredes

VI Consultationes Medicæ.

VII Relationes Historicæ Civitatis Ferrarie, & suarum gentium ad Renatam Ferrarie Ducem. Hoc perrarum M. S. italica conscriptum lingua in Bibliotheca Serenissimi Mutinensis Ducis latere putat Baruffaldus.

§. XXI.

Alia edere meditabatur.

PRÆTER hæc Vir inter medicæ scholæ Principes illustris, ut verbis Joannis Imperialis utar (1), alia edere animo volvebat. In simplicium medicamentorum examine (2) pollicetur *De Ferrariensibus herbis* volumen, quod jam diu cœptum significat. Item *de omnibus herbis* ubertim differere, & distincte se meditari pluribus testatur (3) in locis. Quum sub quovis cœlo eadem herbæ non æqualibus polleant viribus, ideoque juvet admodum, in qua provincia nascantur, singillatim tenere, librum *de colligendarum herbarum temporibus* jam prope *umbilicum* pertraxisse aperit (4). In eo apta herbis, radicibus, seminibus, ac floribus colligendis docebat tempora, immo & quibus in locis quælibet herba inquirenda sit, propriasque vires magis exerat. Quo in loco de Aloe verba habens, a Sene rogatus, quid sentiret de

K

quo.

(1) Notti Beriche lib. 1. cap. XIX. p. 62.

(2) p. 142.

(3) Ibid. p. 130. præsertim.

(4) Ibid. p. 29.

quodam celeberrimo Viro Mesuem arguente, qui Aloen ora venarum aperire admonuerat, respondit (1): *Nunc istud discutere opus non est, nam de hac re alias copiosius scripturus sum.* In examine omnium Suffuf, idest Pulverum (2) de intestini recti exitu differens hæc habet: *De hoc intestini exitu suo agemus loco, quando exitus intestini recti curationem molliemur.* In annotationibus quoque in libros Hippocratis de ratione victus in morbis acutis tradidit (3) libellum *de Saporibus cœpisse*, Deoque adjutore, inquit, *illi libello ultimam manum imponam.* In tractatu de medicamentis tam simplicibus, quam compositis catharticis, quæ unicuique humoris sunt propria, hæc habet (4): *nos seorsum de mensuris antiquis mentionem faciemus, & una vice omnes interpretabimur, & una de ponderibus agemus: & alibi (5); non est hic locus de lactariis omnibus pertractandi, forte seorsum de unaquaque agam specie in libello inscripto de omnibus lactariis plantis, quæ apud nos reperiuntur, apud nos vero dixi, quia apud ignotos forte aliquæ sunt la-*

(1) Ibid. §. de Succ. prædens. p. 454.

(2) p. 181. & seq.

(3) lib. 3. p. 10. col. 1.

(4) p. 15. litt. D.

(5) p. 134. litt. A.

lactariæ, ita nobis ignotæ, ut ipsimet sunt nobis ignoti. Item Renato filio promisit (1) libellum de exhibendis medicamentis secundum humorum complicationem, & ita, inquit, medicamenta disponere, ut nullus errare unquam possit, sed medicamentum esset descriptum ut exhiberi deberet, & propterea mixta haberent simplicia, quæ medicamentum ducerent ad membra, a quibus humores educere oporteret. Dum de Thermarum aquis sermonem habuit, hæc protulit (2): *verum de his alias pertractaturi sumus in libello, in quo de thermarum aquis verba faciemus.* In Muricis encomio, quod Examini Unguentorum præxit, variarum visionum causas Seni sciscitanti renuit explanare subdens, de illis tunc agemus, cum de oculorum ægritudinibus verba faciemus (3). Si hæc omnia Antonius Musa Vir magni judicii inter sui temporis Scriptores, ut ait Cardanus (4), absolvisset, nihil est quod illi Medicorum non deberet Respublica.

K 2 §. XXII.

(1) Ibid. p. 219.

(2) Ibid. p. 126. litt. A.

(3) Exam. Unguent. p. 240.

(4) Comm. in Aph. Hipp. Sect. 3. Aph. 14

§. XXII.

Traditur Elenchus Scriptorum Antonii Musæ.

Multa tamen debet, quæ ut quisque uno, ut ita dicam, oculorum ictu videre possit, elenchum ejus operum subjicio, eo magis gratam eruditis Lectoribus rem facturum confidens, quo plura in catalogis ab aliis descriptis desiderantur. Jacobus Antonius Bonus Medicus Ferrariensis sæpe memoratus in epistola, quæ Brasavoliano indici in omnes Galeni libros proludit, sequentia notat.

- 1 Vita Jesu Christi, italica lingua, in qua paraphrastice quatuor Evangelistas interpretatur.
- 2 Dialogus, quod mors nemini placeat.
- 3 Muricis encomium.
- 4 De Cœna, & prandio.
- 5 De Temperie Ferrariensis aeris.
- 6 De Laudibus Dialecticæ.
- 7 De ordine librorum Logicæ.
- 8 De Unitate Logicæ.
- 9 De suppositionibus secundum Antiquos.
to Commentaria in Paulum Venetum.
- 10 In Porphyrii Phænicem.

- 12 Porphyrii Panoplia.
- 13 Commentaria in Predicamenta Aristote.
lis.
- 14 In librum de Interpretatione.
- 15 In Posteriora analytica.
- 16 In libellum Anitii Manlpii Severini Boe-
tii de divisionibus.
- 17 In libellum Averrois de substantia Orbis
inscriptum juveniles exercitationes.
- 18 In libros Physicorum Aristotelis.
- 19 In libros de Anima.
- 20 Commentaria & adnotationes in octo li-
bros Aphorismorum Hippocratis & Galeni.
- 21 Commentaria in prognostico.
- 22 In libros de ratione victus in morbis a-
cutis.
- 23 In libros Epidemicorum.
- 24 De simplicibus medicamentis.
- 25 De Syruppis
- 26 De Pilulis.
- 27 De Medicamentis Catharticis.
- 28 De Electuariis non solventibus.
- 29 De Collyriis.
- 30 De Pulveribus.
- 31 De Oleis.
- 32 De Ceratis.
- 33 De Unguentis.
- 34 De Emplastris.

- 35 De Trochiscis. Hoc opus fuit a Baruffaldo prætermissum.
- 36 De Linctibus, vel Eclegmatibus.
- 37 De Aquis.
- 38 De Infusionibus.
- 39 De Decoctionibus.
- 40 De propriis Medicamentis humorem edacentibus tam simplicibus quam compositis.
- 41 Index refertissimus in omnes Galeni libros.

Syllabus eorum, quæ a clarissimo Baruffaldo adjiciuntur.

42 Universalia.

- 43 In Porphyrii Isagogas, vel quinque voices.
- 44 De ordine & modo Juris dicendi.
- 45 De morbo Gallico.
- 46 De æquali Hominum natura, & quare alter alterum excellit.
- 47 De Vino.
- 48 Institutiones linguae Græcae.
- 49 Annotationes in I & II lib. Hippocratis de Morbis acutis secundum Galen. Comment.
- 50 Lectio de Cura Morborum.
- 51 De Astm. Curat.
- 52 Commentaria in Pentateucum Moyfis.

53 Consultationes Medicæ.

54 Relationes Historicæ Civitatis Ferrariae,
& suarum gentium.

*Adnumerantur quæ a Bono, & a Baruffaldo
prætermissa sunt.*

55 De radicis Chinæ usu Tractatus.

56 De Aceto.

57 De Citris Epistola.

58 De Vermium Curatione.

59 De Arborum medicina.

*Sequentia autem ignoro, an ad calcem, ut
in animo habebat, deduxerit.*

60 De Ferrariensibus Herbis.

61 De omnibus Herbis.

62 De colligendarum Herbarum temporibus.

63 De Aloe.

64 De intestini recti exitus curatione.

65 De Saporibus.

66 De mensuris antiquis & de ponderibus.

67 De omnibus lactariis plantis, quæ apud
nos reperiuntur.

68 De exhibendis medicamentis secundum
humorum complicationem.

69 De Thermarum aquis.

70 De oculorum ægritudinibus.

♪...♪...♪...♪...♪...♪...♪...♪...

DE VITA

ANTONII MUSÆ BRASAVOLI

LIBER TERTIUS.

§. I.

*Elogium renunciatur in alma Ferrariensi
Universitate inscriptum.*



B eo, quod ingenuum religiosumque Scriptorem tangit, me defecisse munere ducerem, si celebre Antonii Musæ elogium in clarissimæ Universitatis Ferrariensis Schola Artistarum principe contra Cathedram, marmore inscriptum, tacitus præterirem. Non eo id tantum consilio aggredior, ut ne & hac, quæ nequaquam modica est, laudis parte destituatur vir omnem laudem jure meritus, sed ex ea etiam ratione, & ne qua falsa illi pars laudis, cuius generis plurimam habet inscriptio, tribuitur, & ne me Cynicus aliquis, quasi contraria iis, quæ ab inscriptione notantur, docuerim, vel quædam ex parte missa fecerim, acri.

acriter insimulet, & carpat. Inscriptionem
igitur describam primum: Mox, quæ cum
veritate pugnare arbitrabor, ingenue ape-
riam. Nemo erit, autumo, veritatis amator,
qui mihi hac de re succenseat. Quod si id
vel injuria, quod nollem, egerit, si me ne-
cessitate potius quadam, ne minus accura-
tus Scriptor videar, compulsum, quam con-
tradicendi libidine moveri, intelligat, fa-
cile iram omnem compositurum confido. In-
scriptio hujusmodi est.

D. O. M.

ANTONIO MUSÆ BRASAVOLO
NOBILI FERRARIENSI
Philosophiæ, Medicinæ, Juris Utriusque, ac Sacræ
Theologiæ Doctori,
Comiti Palatino, Equiti S. Michaelis in Galliis,
Sorbonici Athenæi Collegæ,
Celebris hujus Archigymnasii Lectori emerito,
Et Moderatori,
Omnigena eruditione in universo Terrarum
Orbe clarissimo,
PAULI III. Pont. Max. Archiatro
Aliorumque trium summorum Pontificum
LEONIS X, CLEMENTIS VII, & JULII III
CAROLI V Cæsaris,
FRANCISCI I Galliarum, & HENRICI VIII
Britanniæ Regum Physico a consiliis,
ALPHONSI I Ferrariæ Ducis III & HERCULIS II
Ducis IV Medico dilectissimo,
ARA.

ARAGONENSIMUM , ATTESTINORUM ,
 FARNESIORUM , & GONZAGARUM
 PRINCIPUM intimo Familiari
 Qui publicas Theses de QUOLIBET SCIBILI
 Per triduum Parisiis
 Ubi MUSÆ nomen , ipso FRANCISCO
 Rege preconizante , sibi comparavit ,
 Patavii , Bononiæ , & hic in Patria , cunctis
 Stupentibus , propugnavit ,
 Ac per quamplurima lustra è tota Europa confluentes
 Ingenuos Auditores erudivit ex Cathedra ,
 Qui plures quam quadraginta libros , & volumina
 De rebus variis , at præcipue de Re Medica
 Doctissime scripsit ,
 Et fere omnia typis magno cum plausu evulgavit ,
 Tamquam effulgenti Patriæ Soli ,
 Qui nunquam moriturus occidit Ferrarie pridie Nonas.
 Julii An. sal. MDLV , Ætatis suæ LV , m. v. d. xx.,
 Cujus tamen ortum præcesserunt
 Franciscus Comes Genitor , & Hieronymus Frater
 Cujus occasum sequuti
 Renatus Comes pariter Moderator , & Hieronymus filii ,
 Antonius Maria , Hercules , Bartholomæus ,
 Et Alphonsus nepotes ,
 In hac Universitate Philosophiae , Medicinæ , ac Juris
 Utriusque respective Lectores ,
 Aliisque duodeviginti Toga , totidemque Sago conspicui ,
 Sub tanto Sapientiæ lumine vere fulgentissima Sydera ,
 Hieronymus Bartholomæi filius
 Comes & Eques Palatinus , in hoc Archigymnasio Lector ,
 In Romano Promotor perpetuus , & Collega numerarius ,
 Physicus Pontificius a consiliis

Sub INNOCENTIO XI , & XII
ALEXANDRO VIII , & CLEMENTE XI
Regnante ,
Ac Regius sub CHRISTINA ALEXANDRA
Svvecorum , Gothorum , Wandalorumque Regina ,
Illustrissimis Viris Dominis
Comite CAROLO FLASCO Sapientum Judice
Marchionibus (ALOYSIO BENTIVOLO)
(GASPARE DE MONTE)
Hujus Almae Universitatis Moderatoribus ,
Una cum Magistratus Sapientibus , nempe
JACOBUS MINIO RONCAGALLO
J. C. & Lectore Publico ,
ALOYSIO A' FABRA Philosophiae , ac Medicinae
Doctore , & Lectore Publico ,
JOANNE BENEDICTO COATO
J. C. , & Lectore Publico ,
ALEXIO SURCHIO ,
JACOBUS A MONETIS ,
CAMILLO RICCIO ,
HERCULE SIVERIO ,
JOANNE FRANCISCO ALGAROTO ,
Et VALERIO BOTTICINO ,
Enixis ejus precibus annuentibus ,
Ære proprio ABAVO suo optime merito
Pridie Nonas Julii Anno ab Orbe redempto
MDCCIII .
P.

§. II.

Expenduntur ea verba

Juris utriusque Doctori

Negatur vero Brasavolum Jurisconsultum
fuisse.

QUAMQUAM & omni eruditionis genere
florentissimum, & a prima adolescen-
tia se quoque Juri civili, & canonico
(II. I.) tradidisse Antonium Musam, ipsi ul-
tro fateamur, iis tamen rationum momen-
tis, quorum præsidio ille laurea in utroque
Jure insignitus dicatur, mea quidem senten-
tia ita caremus, ut non levia immo argu-
menta contra facere videantur. Eruditissimus
quidem Baruffaldus (1), licet in vetustiori-
bus Auctorum monumentis evolvendis se di-
lignantissimum præbuerit, & plura præterea
tabularia, ut materiem inde explanandæ In-
scriptioni erueret, sedulo rimatus sit (tanti
Viri pace dixerim) nullum habet vel pro-
bable argumentum, quo Jurisconsultorum nu-
me.

(1) Coment. cit. p. 82.

mero adscitum Brasavolum probet. Unicum ex Brasavolo ipso testimonium profert, quo rem confiscere arbitratus est. *Juris quidem peritus non sum*, inquit ipse, *sed tamen juris sum capax*. At ex his verbis *juris sum capax* non satis intelligo, cur illud sequatur: Doctor igitur in jure est. En reponet fortasse nasutior aliquis, cum se juris capacem dixit, se in jure Doctorem affirmavit. Probe. Sed quomodo hoc probas? Hinc probationem tuam exordiri necesse est. Nonne eodem, quo tu, jure interpretari objectam sententiam possem, *Juris quidem Doctor non sum, sed tamen ex jure calleo aliqua*? Quis vetat? Eo vel maxime, quod si se Doctorem quidem, sed in jure minime deinceps versatum præbere voluisse, non ea verborum ambage, ut hæc significaret, nitidissimus Auctor usus es. set. Juris periti quidem munere, dixisset potius, non fungor, sed tamen juris sum Doctor. Sed hæc libens mitto. Peto cur in citato a Baruffaldo Dialogo Eques Fridericus Quainus possit Brasavolum reprehendere, quod de jure administrando sententiam suam dicturus, in alterius veluti messem irrepisset? *Cur autem, inquit (1), tu qui juris peritus*

(1) De modo Jurisdicendi p. 699.

tus non es , in hanc arenam veluti certaturus descendisti? Nonne Brasavolus reponere merito potuerat: nonne in jure Doctor constitutus sum? nonne mea est hujusmodi provincia ? Cur autem voluntatem Principis simulat , quod sibi hoc onus suscepisset? Nunquam se Doctorem perhibet , immo se unas Philosophi partes agere prædicat : Ita (inquit Quaino respondens) Principi placuit , qui ut in omni re judicio alios excedit , ita novit , Philosophos de rerum publicarum ordinibus , de bonis moribus reformandis , de legum administratione , de universæ hujus Mundi compaginis justitia multa & apposite , & docte differere scire , & ad unguem pertractare ; & præterea qui alii leges condidere , & approbavere , quam Philosophi ? Legitur & Solonem , & Lycurgum , & cæteros antiquos Legislatores fuisse Philosophos , & a Platone in suis legibus Philosophi munus esse leges condere comprobatur , nam aliud nihil est legalis justitia , quam similitudo quædam illius justitiae , quæ in universo mundo videtur . En quam ipse juris capacitatem intelligat , Philosophiam scilicet , rectumque argumentandi modum . Quid clarius ? Sed opusculum scripsit de modo juris dicendi , opponere posset aliquis . Do ul tro , & omitto illud , quod non magni & ipse ponderis censeo , Herculi scilicet Ducis jussu opu-

opusculum conscripsisse. Illud unum adverto Philosophicis tantum, & naturalibus rationibus, non a Jurisprudentia petitis inniti, & nullis cognitis Urbium statutis, sed juxta propriæ mentis sensum differere. Ipsius profero verba. *Cum ad hoc negotium ab excellentia sua sim vocatus, & jussiterit, ut sententiam meam in hac re depromerem, non possum tanto Duci non parere, neque excusatione aliqua uti volo, sed mihi satis erit, vel probe, vel male dicam, illi obtemperasse, & præterea in hac re discutienda nullum ordinem alicujus urbis legere volui; sed illa tantum scribere proposui, quæ mens mea (ut arbitror) recta dictabit, nam Deus ipse peccatorum preces non despicit (1).* Cum vero & ius-
sus & ea, qua diximus, methodo opusculum suum absolverit, id ne in jure Doctorem declarat? Neque ullam illud pariter vim habet, si ab aliquo opponeretur, in Inscriptione scilicet in ejus funere condita, *A tream suam ingemere trutinam.* Id quidem probat hominem in Jurisprudentia versatum, cum se illi adolefcens tradidisset: probat in aliquibus causis componendis, ut probum, rectumque virum accitum: probat hominem, ut Philosophum, etiam de jure, cuius minime jejonus erat, sententiam suam dicentem. Sed Doctorem,

(1) Ibid. p. 715.

rem, id est publica donatum laurea nequam probat, cum multa præsentim argumen-
ta adsint, quæ aliter se rem habere suadeant. Ea autem tandem habe. Quum Brasavolus,
& Jurisconsulti melioris famæ illius tempestati,
Ducis jussu, evocati, ut de Justitia age-
retur administranda, in unum convenissent,
eloquentem, & plenam dignitatis habuit o-
rationem Hercules, in qua hæc protulit ver-
ba (1): *Vos hic estis sex Jurisperiti, unus Philosophus, & duo Causidici &c.* Singulorum no-
mina exhibet Brasavolus ipse; Jurisperiti sci-
licet (2) *Magnificus & Excellentissimus Cæsar de Nobilibus Lucensis, Magnificus & ExCELLEN-*
Tissimus Lanfrancus Gypsius, Magnificus & ExCELLENTISSIMUS Ludovicus Catus, Magnificus &
ExCELLENTISSIMUS Prætor, Magnificus & ExCELLENTISSIMUS Philippus Rhodus, Magnificus & ExCELLENTISSIMUS Alphonsus Rossetus. Expositis Ju-
risperitorum nominibus pergit Brasavolus: *a-*
derant & bi egregii Causidici Dominus Petrus de Betinis, & Dominus Christoforus Rossetus. At Philosophus ille, cum quo Hercules allo-
cutus est, quisnam fuit? Cur Philosophi no-
men silet Brasavolus? Clarissimus tamen Ba-
ruf-

(2) Ibid. p. 703.

(1) Ibid. v. 701.

ruffaldus, illum fuisse Antonium Musam, benigne reponit (1), & recte, dum *me ipsum numerare non est opus*, qui hæc referre nescirem, nisi huic santissimo negocio interfuissem, & tu me exequentem vidisti, ajebat Quaino interlocutori Antonius Musa (2). Verum si Juris Doctor Brasavolus extitisset, cur Hercules Dux non dixit *Vos hic estis septem Jurisperiti rectius, quam sex?* Cur Brasavolus, qui se juris capacem dixit, & allata scripsit verba, a Jurisperitorum numero se subducit? Cur Philosopherum potius in questione de administranda justitia tot inter jurisperitos, & Causidicos, & eum Dux, & ipse se vocat? Cur & idem Quainus irridet? *Quid ages tu, qui Jurisconsultus non es?* (3). Cur cum delitium prolixitate audivisset non pauca fuisse illo in congressu disceptata, addit: *Tu(ut arbitror) nihil penitus loquebaris* (4). Proh Deum immortalem. Ille ne Juris Doctor dicetur, qui in litigiosis questionibus nihil penitus dicere possit? *Cæpi quidem*, inquit ipse, *juri ci vili incumbere & canonico*, nec ista fuit mea il-

L

la

(1) Coment. Istor. cit. p. 83.

(2) De mod. Jurisdicend. p. 703.

(3) Ibid. p. 705.

(4) Id. Ibid.

la vocatio, qua a Deo vocandus eram (1). En virum in studio tyronem quidem, sed Doctorem nequaquam (II.I.), qui studia incœperat, non qui absolverat. Neque sane in propositis ad disputandum (IV.I.) centum conclusionibus, quas suscepit, ulla ex Jurisprudentia petita est. Aliud fortasse argumentum nobis præbet Ferrantes Borsetti. Diligentissimus hic historiæ Ferrariensis Gymnasii Scripтор album Laureatorum in almo Collegio Juris utriusque Doctorum Ferrariæ, prout jacent in Statuto MS. ejusdem Collegii, describit (2), qui anno MDLIV vitam adhuc agebant, & viventis adhuc Antonii Musæ nomen ibi non legitur. Tantum autem abest, ut hoc aliquid ab Antonii Musæ laudibus detrahat, quin immo, mea sententia, plurimum addit. Plurimi enim habendus erit, si in Jurisprudentia peritus dicatur, licet non Doctor, quam si Doctor, ut Barufaldus explicat, sine Jurisprudentiæ doctrina. *Juris quidem peritus non sum, sed tamen juris sum capax.*

§. III.

(1) Exam. Catap. vel Pilul. p. 14.

(2) Part. II. p. 488.

§. III.

In ea verba

Ac Sacrae Theologie Doctori

Afferta ejusdem in S. Theologia laurea in
dubium vocatur.

Studio incredibili omnium Scientiarum abdi-
ta penetrasse testatur Jacobus Antonius
Bonus (1). Theses ex centum propositis a
Theologia eductæ, Vita Jesu Christi conscri-
pta, & Commentaria in Pentateucum Moy-
sis (XX. II.) divinarum rerum imbutum scien-
tia (do libens) evincunt. Verum tamen cum
primum historici Scriptoris munus in verita-
te inquirenda situm esse constet, cum nul-
lum neque in aliis Scriptoribus, neque in
eius scriptis de hac Theologica laurea vesti-
gium offenderim, ne proinde vel aperte fal-
sa, aut saltem pro certis dubia statuerem,
nihil de ea affirmare ausim. Quonam enim
id fundamento probaverim? Id ne mihi au-
daстер sumam, ut meæ acquiescant Critici

L 2

Le-

(1) Praef. ad Ind. Gal. Bras. cit.

Lectores auctoritati? Id si verum esset, saltem aliquod in inscriptione in ejus funere posita indicium appareret. Si in Jurisprudentiæ scientia eruditum vocat, cur in Theologicis silleret Doctorem? Baruffaldus re ipsa impiger cæteroquin Scriptor nullum in hujus paragraphi dilucidatione, sive Commentario (1) monumentum profert, neque unius quidem Scriptoris auctoritate rem comprobatur. Cur igitur potius Inscriptioni credendum, quæ quadragesimo octavo supra centesimum anno ab Antonii Musæ obitu condita nullum habet, quo fulciatur in sua enunciatione, fundamentum? Neque autem verosimile est, aliquod Hæredes de hac laurea documentum habuisse; nam in aliquo illius ævi præsertim Scriptore, cum plurimi de Brasavolo magnifice loquantur, aut inveniretur, aut saltem a Baruffaldo, qui ex monumentis a Patre Rodulpho a S. Hieronymo Clerico Regulari Scholarum Piarum, alias Hercule ex eadem Brasavolorum familia, doctrina & pietate clarissimo exhibitis suum condidit Commentarium, procul dubio, si extitisset, evulgatum fuisset. Dubitationem insuper auget meam Ferrantes Borsetti;

fetti ; in sua enim almi Ferrariæ Gymnasij historia (1) album Doctorum Ferrariensis Collegii Theologorum ab anno MCCCCCLX circa usque ad MDLXXIX eo refert ordine, quo in Statutis , aliisque authenticis libris ejusdem Collegii describitur , atque in eo pariter Antonius Musa desideratur . Quod si , ut æquum est dicere , atque ut Inscriptiō nem interpretandam reor , intelligi velit eum , cum in utroque jure Doctor itemque in Theologicis nuncupatur , in iis artibus fuisse versatum , nemo erit , qui aduersetur .

§. IV.

In alia verba

Pauli III Pont. Max. Archiatro

Nec Lucam sequutum Paulum III , nec Romæ apud eumdem extitisse contra Baruffaldum probatur .

ET si a Paulo III Pontifice sui Archiatri nomine (XIX.I.) Brasavolus donatus fuerit ; idque etiam in suo commentariolo

L 3

Her-

(1) Part. II. p. 478.

Hercules Brasavolus memoret (VIII. II. 1), & præmia ab eodem Pontifice illi concessa, eidem insuper medicam tulisse opem declarant, tamen minime verum esse censeo, Brasavolum apud Pontificem degisse Romæ, ut pronunciat Baruffaldus. Gratus Antonii Musæ in Herculem Ducem animus ab illius latere se dimoveri non patiebatur; neque honorum, & beneficiorum, quot cumulatus fuerat, ab eo memoriam fluxisse putandum est. Vir honorum minime cupidus omni sane stipendio, ac lucro, quod ab aliis offerri poterat, amorem Herculis & Patriæ pluris habere debuerat, & nullo flecti hortatu, nullisque precibus trahi, ut relicto Hercule Domino ad aliorum se obsequia traduceret. Cum eum præsertim Ducem esset natus, a quo vehementissime amaretur, qui que nulli, eo superstite, vitæ suæ curam commisisset (1). Hac de re satis sibi Brasavolus testis est (2): *At ego, inquit, qui Illusterrimum Ducem uti filium diligo, immo uti me ipsum, illum nunquam deserere potuissim.* Verum in hujusce particulæ Commentario (3) Baruffaldus

(1) Exam. omn. oleor. p. 203.

(2) Ibid. p. 205.

(3) p. 104. & seq.

dus (quem secutus est Frater Vincentius Coronelli (1) in sua Bibliotheca) urget ; Brasavolum scilicet Lucam comitatum fuisse Pontificem , immo ipsius Archiatri munere distinctum apud eundem demoratum esse (2). Hoc probare nititur testimonio Antonii Musæ , cuius aliquot recitat verba. En tibi illa Comis Lector: *Non mihi tempore, quin Medi ci cuiusdam temeritatem adducam, qui Lucæ, prandente Pontifice Anno 1541 in mense Septembris, totis viribus defendere conabatur, neminem ante Hippocratem de re medica quicquam scriptis mandasse &c.* En inquit Baruffaldus : Cum Pontifice Lucæ pransus est . Ergo Lucam ipsum comitatus est . Ergo Romæ apud eum commoratus est ejusdem Archiater . Sed multa , quæ his Baruffaldi rationibus opponam, non defunt. Lucæ cum Pontifice pransus est . Fateor . At omnes ne , qui cum Pontifice prandebant , ex ejus comitatu in itinere fuerunt ? Ipse ergo Hercules Dux ex ipsius comitatu fuit ; ipse enim quoque cum Pontifice pransus est . Sed serio agamus . Pransus quidem est cum Pontifice Brasavo-

L 4 lus ,

(1) Bibliot. Univers. Sacro profan. &c. T. 6, p. 2092. n. 2919.

(2) loc. cit. p. 104.

lus, sed non Pontificem, sed Herculem Dominum comitatus, qui Lucam invisendi Pontificis caussa se contulerat (XIX. I.). Cur non de alio Medico, cum quo certavit, idem asserendum? idest pransus & alter Medicus cum Pontifice est. Ergo ipsius erat Archiater. Ergo cum eo degebat, eumque comitatus est. Rem fortasse melius attigisset, En primum Baruffaldi argumentum; alterum expendamus. Egressus Luca Brasavolus Pontificem, pergit Baruffaldus (1), sequutus est Romam, ibique non breve degit temporis spatium. Testem hac de re citat ipsum Antonium Musam, qui, an Romæ mirandam Laochoontis statuam vidisset, interrogatus: *alias videram* (respondit) *Romæ in Pontificiis hortis*, idest, Baruffaldus conjectatur, cum Romæ Pauli III Archiatrus morabatur. At certa non est omnino conclusio; Viderat Laochoontem Romæ in Pontificiis hortis. Ergo Lucam comitatus est Pontificem. Ergo cum eo Romæ mansit. Nonne Romam petiisse alias, & in hortis Pontificiis vidisse Laochoontem poterat? vel hæc tantum Pontificiis Medicis, quique cum Pontifice degunt, contemplanda statua patet? Nonne, ipso

(1) loc. cit. p. 105.

ipso assentiente Baruffaldo, Romam anno MDXXXV cum Hercule Duce Brasavolus (XVII.I.) profectus est? En igitur niveo signandum lapillo annum, quo in Laochoontis conspectum Brasavolus adductus est.

Dissolutis ita Baruffaldi momentis meas in medio rationes pono. Qui, peto, potuerit Brasavolus Luca se comitem Romano Pontifici addere, quod anno contingere debuit MDXLI post mensem Septembris, & Romæ ad non breve tempus, ut scribit Baruffaldus, morari, si paucis a suo ab Luca discessu elapsis mensibus, idest initio anni MDXLII Ferrariæ, ut ex ipsius testimonio (1) conficitur, libros de ratione victus in morbis acutis Ferrariensi juventuti expondos susceperit? Si hoc publice anno docebat Ferrariæ, num ab Archiatri munere dimiserat eum Pontifex? Si dimissus credendum ne est rursus in sequenti anno MDXLIII in pristinum fuisse, ut Baruffaldus afferit, restitutum officium? Hoc ipso tempore, quo in celebri *de Venæ sectione in inflammationibus &c.* illius tempestatis Medici verfabantur questione, Ludovicus Panizza Mantuanus,

Fri-

(1) De rat. vict. in morb. acut. Hipp. &c. p. 2.
col. 2.

Friderici II Ducis Mantuae Physicus doctissimus titulo Ducalis, non Pontificii Medici, appellat (1) Brasavolum, & in Ferrariensi Gymnasio medicam facultatem explanantem renunciat. At si Romam tunc Pontificis Archiater prefectus esset, ut Baruffaldus contendit, qui fieri poterat ut Ferrariæ doceret? Qui fieri poterat ut Luca Romam sequutus Pontificem apud eum degeret?

At, instat Baruffaldus, Anno saltem MDXLIII, Brasavolus Romam venit, nec eo nisi post Pontificis obitum (qui IV Idus Novembris MDXLIX (2) contigit) discessit. Sed rem aliter se habere docet rogatus Alexandri Senioris de Faciis Notarii Ferrarensis III Nonas Augusti MDXLIV, quem Baruffaldus ipse (3) adducit; in eo enim legitur *Jo: Maria fil. quondam Francisci dicti Cantorj de Vays de Villa Stellatae district. Ferr. vendidit, & tradidit Magnifico D. Antonio Musæ Brasavolo fil. quondam D. Francisci Physico, & Nobili Ferrariæ & Medico DUCALI &c. Unum Casale &c.* Itaque si *Jo: Maria vendidit Antonio Musæ Ducali Medico non-*
ne

(1) De Ven. Sect. in inflam. &c. p. 68.

(2) Muratori Annal d' Ital T. X. p. 334.

(3) Coment. Istor. cit. p. 72.

ne Ferrariæ anno MDXLIV habitabat? Ergo anno MDXLIII Romam venisse, nec inde nisi post obitum anno MDXLIX discessisse minime poterat. Romæ Pontificium Archiatrum anno MDXLIV nequaquam extitisse ulterius confirmat Ducis Herculis II diploma eodem datum anno pridie Nonas Februarii (1), in quo Brasavolus ab Duce *Medicus noster dilectissimus* vocatur, non Pontificius. Huic omnino simile argumentum est illud, quod ex epistola nuncupatoria ad Balduinum Episcopum Marianensem Examini omnium Looch præscripta depromitur. In ea, quæ data est anno MDLIII hæc habet verba Brasavolus *postquam Roma discessit*. Ergo si Roma discessit Romæ fuit. Qualis autem in ea esse potuit, nisi Pontificis Archiater? Hæc Baruffaldus. Sed ille epistolam eam nuncupatoriam protulit, in qua ne verbum quidem de Pontifice legitur. Romæ fuit. Do libens. Ergo Brasavolus Romam venit anno supra quingentesimum quadragesimo tertio? Ergo ab ea profectus est sex post annos, nempe MDXLIX post Pontificis obitum? Ergo Pontificius Archiater? Fallaces omnino (sit verbo *venia*) sunt hæc con.

(1) Ibid. p. 112.

conjecturæ. Undenam ex epistola hoc eruitur? cum nulla alia habeat verba, quam ea *postquam Roma discessi*. Hæc eum quidem Romanum profectum supponunt, sed quonam id tempore contigerint, prorsus silent. Sub epistola nullus signatus est annus. Unde igitur istam anno MDLIII datam conjicitur? Num aliquod in ea factum narratur, quo illi anno epistola sit adscribenda? Nequaquam. Qua ergo de causa eo datam anno decernendum est? An ex anno, quolibet, cui epistola inscribitur, prodiit? Verum sit hoc eodem Anno conscripta. Ergo Brasavolus Romanum profectus anno MDXLIII? Ergo ab ea discessit anno MDXLIX post mortem Pontificis? Ergo Pontificius Archiater? Fallaces, inquam, conjecturæ. Jam vero peto, si post Pontificis obitum, idest anno MDL Romanum venisset, ab eaque post recessisset, nonne recte scriptum adhuc esset *postquam Roma discessi*? Utique quidem. Atqui post Pauli III mortem (quæ anno contigit, ut diximus, MDXLIX) iter Romanum versus anno MDL post Februarium mensem suscepit Herculem comitatus, Julium III (qui IV Idus Februarii Paulo successit) Pontificem Maximum visitaturum, & post SS. Ressurectionis festa ab Urbe Ferrariam rediit, ut enuntia-

vimus (XXII. I.), recte igitur adhuc scriptum est anno MDLIII postquam Roma discessi , neque ex his verbis concludi potest protectus , vel redditus , multo minus mora apud Paulum Pontificem . Hæc mea sententia nullis est , ut videt Lector , conjecturis suffulta , sed liquidis ipsius Brasavoli testimoniis , quæ citatis locis congesſi .

Verum , ne res in dubitationem aliquam deinceps rapi possit ; toto eo tempore , quo Baruffaldus Romæ , ego Ferrariæ Brasavolum habitasse pluribus rationibus demonstrabo . Primam ex Amato Lusitano excerpti . Hic Antonii Musæ humanitatem , & admirandam sapientiam per septennium se cognovisse , cum apud Ferrarienses moraretur , affirmavit : ipsius verba alias (1) recitavi . Jam vero Ferraria fatetur ipse (2) mense Majo anno MDXLVII abiisse . Hoc anno , si Ferrariæ abscessit , ubi septennium vixerat , eadem igitur in Urbe sibi domicilium anno MDXLI collocavit (3) . Itaque si humanitatem , summamque Brasavoli sapientiam ab anno MDXLI ad XLVII expertus est , Ferrariæ eo septennio , non Romæ , mora-

ba-

(1) Comm. in Dioscor. lib. 1. p. 14.

(2) Ibid. lib. 4. Enarr. 54. p. 401.

(3) Ibid. lib. 2. Enarr. 23. p. 178.

batur Antonius Musa . Si aliud ex ipso' Lu-
sitano argumentum desideratur , adnectam .
Hoc ipso tempore , quo Amatus publice Me-
dicinam Ferrariæ docebat , Sebastianus Men-
seus , Rhacusina mandante Republica , illuc
advenit (IX. II.) de Medico a Rhacusinis
conducendo cum Brasavolo consulturus , &
ut erat sui obeundi muneris , Antonium Musam
Brasavolum virum & doctrina , & usu rerum
præstantissimum , ac Illustrissimi Ducis illius Ci-
vitatis Medicum primarium adit (1) . Ergo
Ferrariæ , non Romæ , eo tempore degebat
Antonius Musa Ducis Archiater. Plura mo-
do ex Brasavolo testimonia complector , quæ
maximi habenda sunt .

Die, inquit, 31 Decembris 1544, erat au-
tem dies Veneris, circa octavam noctis horam,
nostras ad fores pulsatum est, tunc in nostris an-
tiquis ædibus prope divi Antonii templum habi-
tabamus....e lecto surrexi, & illuc profectus sum
&c. (2). Eo in loco, quo, an aqua frigida
febre laborantibus sit propinanda , expen-
dit, hæc scribit (3): nec possum ad illam ex-
hi-

(1) Ibid. in Epist. nuncup.

(2) Exam. Electuar. p. 16.

(3) De Rat. viet. in morb. acut. Hipp. &c. lib.
2. p. 89. col. 1. l. 31.

bibendam inclinari , neque nostri temporis febres , vel nostræ patriæ videntur frigidam , nisi raro expetere , illam tantum ad hæc usque tempora 1545 die 16 Februarii bis dedimus , & ad vota successit . Itaque in Patria eo versabatur anno , & ad suorum Concivium commodum hoc monumentis consignabat præceptum . Primo Augusti die præsentis Anni MDXLVI cum illustrissimum Ducem mane de more visitasse , mibi dixit &c. (1) . Anno MDXLIX amplam tegetem (2) edificavit . Graffante per Italiam hoc eodem anno miserrima illa lue , quæ & Ferrarienses vexavit , trochisorum de bolo armenæ auctor fuit , iisque multo hominum commodo usus est (3) . Per hoc ergo temporis spatium , ab anno scilicet MDXLI ad XLIX Ferrariæ versatus est . Illud item certissimum est anno MDXLVI IV Nonas Augusti Ferrariæ , non Romæ , eum habitasse , & una cum Jurisperitis de ordine administrandæ Justitiæ sermonem habituris concioni interfuisse , ut Baruffaldus ipse alias (4) fatetur . Eodem tempore di-

ver-

(1) De Modo Jurisd. p. 700.

(2) Exam. omn. oleor. p. 213.

(3) Exam. Trochisc. p. 193.

(4) Coment. cit. p. 83.

versis in Urbibus nequibat consistere : nisi forte Antonius noster illud egisset , quod de Patavino legitur , qui Ulyssipone & Patavii eodem horæ momento deprehensus est . Qua de re in meam quilibet descendat sententiam necesse est , Romæ apud Paulum III eum minime perstitisse . Eques Prosper Mandosius , qui de Archiatris Pontificiis conscripsit historiam , aliam suppeditat rationem ; de Brasavolo enim ne verbum quidem habet , & ex octo , quos numerat Pauli III Pontificis Archiatris unum Ferrariensem Jacobum Bonacossum recenset , qui anno MDLIII pridie Nonas Januarii , annos agens sexaginta novem , Mensem unum , Dies viginti duos (1) ultimum diem absolvit . Tandem Lucas Macchiavellus Bononiensis in Oratione *de laudibus Ferrariensium* in generalibus sui incliti Ordinis Servorum Mariæ Virginis comitiis , Ferrariæ in æde divi Georgii habita , Bononiæque paucos post annos a Brasavoli obitu edita , anno scilicet MDLX , nulla de hac Romæ Brasavoli mora mentione facta , sequentia recitavit (2) : *Qui Antonii Musæ Brasavolæ , toties Romam a summis*

(1) Mandos. p. 103.

(2) p. 19.

mis Pontificibus, ob illorum valetudinem curandam accersiti, excellentiam singularem memoria tenetis. Jam vero nil amplius in his immoror. Archiatri Pontificii nomine clarus pluries quidem, ut vidimus (VIII. II.), ad Pontifices curандos Romam vocatus est, non autem ullo annorum spatio Romæ habitavit.

§. V.

Leonis X, Clementis VII.... Physico a Consiliis

An Leonis, & Clementis Physicus a Consiliis fuerit ambigendum est.

Nullam de summis Leone X, & Clemente VII Pontificibus nostro in Commentario mentionem ex industria fecimus. Quum enim nullo fatis probabili appareat monumento, quomodo Antonius Musa in rebus medicis consultus ab ipsis fuerit, imo nonnulla, quantum ad Clementem saltem, in ejus scriptis, quæ me in dubitationem trahunt, offendere, satius existimavi, ne falsa de hac re evulgarem, omnino contumescere. Neque vero de modestissimo Viro, qui jamdiu humanæ gloriæ valedixerat (XIV. II.), hoc ulla ratione probari potest, ut vel

minima illi pars laudis falso tribuatur. Quare quum propriis ipse laudibus satis superque niteat, tantum ab adulatione narratio mea avocanda est, quantum longe abest adulandi necessitas. Ne tamen historiæ meæ deesse alicui videar, dubitationum mearum rationes palam facere necessarium maxime duco. Ac primum an Leonis Physicus a consiliis fuerit, fateor me non parum ambigere. At cur ambigendum est, Baruffaldus (1) ait, si in commentariolo Herculis Brasavoli (VIII. II.) pro morbo Leonis X aliquod adnotatur consilium? Si tu, inquam, Vir spectatissime, commentariolo acquiescis, ego nequaquam. Omnem tibi profecto fidem adhibeo, nec unquam dubitaverim, quin ea, quæ memoras, Hercules conscripserit. Dubito tamen an ejus hac in re auctoritas valeat. Hercules quidem, ut tu ipse fateris (2) Nonis Junii MDXXXIII ex Antonio Musa, & Cassandra Conjugibus natus est, nimirum a Leonis obitu duodecim fere post annos (Leo enim anno decepsit MDXXI) Testem igitur adducis, qui a se ipso rem propius attingere non potuit. Sed ab alio,

repo-

(1) Coment. Istor. cit. p. 106.

(2) Ibid. p. 216.

repones, accepit. Optime. Sed quonam ex fonte, & quando potuit? An ex Brasavolianā gente? Minime gentium; Joannes enim & Hieronymus jam vita, te ipso (1) assentiente, excesserant, neque præter Patrem quisquam supererat. Num ab hoc? Id fortasse verum esse posset. Quis tamen asserat? Antonius Musa, qui consilium pro Reverendissimo, & doctissimo Laurentio Cardinali Campeggio suis in scriptis non modo non præteriit (2), verum & illius nomen tradidit, qui consultationem procuravit, ne verbum quidem de consilio pro Leone Pontifice, de quo tamen loquitur, usquam fecit. Sed abste peto Vir præstantissime, quonam tempore suum Hercules condidit commentarium? Ex iis quæ protulisti, illud post Patris mortem suspicor confecisse. In libro enim (3), inscripto: *Memorie di me Ercole Brasavola Figlio d' Antonio Musa &c.* hæc legi ais pag. 146. *Doni avuti da Antonio Musa mio Padre, quando era Medico di Paolo III. in Roma,* & deinceps: *Resto di doni avuti quand' era Medico primario di Papa Paolo III.* At mecum quæso æqua lance perpende illud

M 2

ver-

(1) Ibid. p. 184. & 216.

(2) Exam. simpl. Med. p. 425.

(3) Coment. cit. p. 105.

verbum *era*, quo bis usus est Hercules; & post Pauli obitum, idest post annum MDXLIX conscriptum fuisse commentarium consenties. Ibidem aureo monili donatus Brasavolus dicitur ab Julio III, qui III Idus Martias Anno MDLV fato cessit, quatuorque non expletis mensibus Antonii Musæ obitum præivit. Ergo commentarium post Patris mortem, aut saltem paullo ante Hercules confecit. Liquet ergo de consilio ab Leone petito post Annum MDLV Herculem conscripsisse, scilicet triginta quatuor annis & ultra a Pontificis obitu. Ad hoc igitur tempus, neque ab Patre, neque a Parentibus Consilii notitiam hausisse probabiliter dici potest. Si privatis fortasse aliquorum testimoniis vulgique rumoribus credidit, facile in errorem raptus est. At reponet aliquis: Nonne inter Patris schedulas reperire Consultationes ipsas potuit? Potuisse ommitto, reperiisse non concedo. Sed hæc levia sunt dubitandi fundamenta; posteriora explicemus. Quandonam ab Pontifice consultus Brasavolus dicendus est? Num antequam ipse Medicam exercere Artem cœpit? Hoc minime probabile videtur. Postquam igitur Medicum agere aggressus est? Ita prorsus. Anno itaque MDXX, quo ex
Bra-

Brafavoli ipsius testimonio (III. I.) morbis curandis se tradidit, vel anno in sequenti Pontifici consultum dedit; ultra enim hos annos id minime fieri potuit, præmortuo Kalendis Decembris MDXXI (1) Pontifice. Verum hoc ne probabile habendum est, Medicum adhuc tyronem in ipso exercenda Artis limine ab Pontifice in consilium peti, quum ea præsertim Ferrariæ floreret ætate doctissimus Senex Nicolaus Leonicensis melioris medicinæ in Italia parens (2), qui anno obiit MDXXIV, quique, tanti enim ab Pontifice Leone habebatur, plenam ab ipso benevolentiae epistolam accepérat? Hanc, quam Midendorpius, & Borfettus (3) evulgarunt, subjicio.

Leo Papa X. Nicolao Leoniceno.

TE & amavi profecto omni tempore, multiplicemque, & excellentem in optimarum artium studiis doctrinam tuam magni, ut de-

M 3 bui,

(1) Muratori Annal. d' Ital. T. X. p. 153. Giacardi stor. lib. XIV. Ciccarelli nella Vita di Leone. Platina &c.

(2) Valleriola Loc. Commun. lib. 1. cap. 1. De Medicin. Inventor. &c. p. 8.

(3) Hist. Alm. Ferrar. Gymnas. P. I. Lib. II. p. 153. Item P. II. Lib. I. p. 61.

bui, feci, & nunc etiam Petri Bembi Scribae
 a Latinis mei (qui te mirifice diligit, & Fer-
 rariæ, in Prædominatu Patris sui, admodum
 adolescens cum esset, de tuo pleno fonte hausisse
 se præcepta Philosophiæ dictitat, rivulumque du-
 xisse) apud me habito, multa cum tua laude
 sermone, facile adducor, ut ad priorem meam
 in te benevolentiam, magno addito cumulo uni-
 ce te complectar, & prosequar, cupidusque sim
 ornandi tui meritis, & præmiis, & laudibus.
 Id te scire volui, ut si quid esset, in quo tibi
 usui, & ornamento esse posset amor erga te
 meus, confideres, te a me omnia, quæ velles,
 posse consequi. Datum quarto nonas Aprilis,
 Anno tertio. Romæ. Vir ergo adeo Pontifici
 probatus inconsultus ab eo fuit? Consultus
 autem dicetur tunc vix aliquid in medicina
 exercenda versatus Brasavolus, quo nec ipsa
 Ducis Aula utebatur? Sed quo de morbo
 consultus tandem fuit? Num de aliqua,
 qua Pontifex per eos annos detineretur æ-
 grotatione? Id vero ex vitæ ipsius Scripto-
 ribus non patet. Num de ea, qua tandem
 morti addictus est? Sed quum Historicis om-
 nibus consentientibus (1) inopinato conti-
 gerit, nullum consultationibus tempus reli-

Etum

(1) Muratori loc. cit. Berti Breviar. Eccles. Hist.
 P. II. p. 143. n. ccxix. &c.

&um est. Quibus diligenter perpensis valde dubito, an medicis consiliis Brasavolus eum unquam juverit. Quod non ideo equidem in dubium vocavi, ut Herculis filii fidem suspectam redderem, sed ut ne hominum auctoritati nimium fidere Lectoribus meis videar.

Quod ad Clementem vero attinet, sic in hunc Inscriptionis illustrandæ locum Barufaldus exponit (1). Brasavolus de summi Pontificis Clementis vivendi norma ita edocetus fuit, ut de ea in Trochiscorum examine locutus sit. Ergo patet pluries maxima Pontifici cum diligentia inservisse. Verum ego utpote qui viginti ab hinc annos medicinam exerceo, cui medicæ quæstiones, saltem celebriores, minime obscuræ esse debent, in longe diversa sum sententia. Brasavolus vitæ Pontificis methodum non ignorasse, id verissimum est, non ex eo tamen quod Clementi medicinam e consilio fecisset, sed ex vulgatissima inter Matthæum Curtium Ticinensem, & Andream Turinum Pisciensem medica disceptatione, quæ per ea tempora agitata est. In celebri scilicet Patavina Academia publice docuerat Cur.

M 4

tius,

(1) Coment. cit. p. 106.

tius, in cœna magis esse, quam in prandio cibis indulgendum, ejusque discipulus Odus de Odis Præceptoris sententiam opusculo *De cœnæ, & prandi portione* illustravit, atque in vulgus emisit. Hæc sciens Turinus statim adversus Curtium (cum quo de loco venæ in Pleuritide incidendæ alias jam dimicaverat) insurrexit, atque in Clementis VII nomine De prandii, ac cœnæ ratione epistolam apparere jussit. Odus enim de Odis Patavinus vir multæ eruditionis præceptorí suo addictus aliam de cœnæ laudibus, & prandii execratione opinionem non minus Sanctitati tuæ perniciosam (ut puto) in lucem edidit. Hæc scribebat Clementi, cuius fuit Archiater, Andreas Turinus (1), qui dein subdit: *Explodenda est itaque ex medicinæ libris, & ex medicorum scholis exhibilanda falsa & inutilis Curtianorum opinio, cum ne dum quod juvamentum afferat in tuenda valetudine, & curandis morbis, verum nocumentum infert quamplurimum.* Sed quod in Curtio demiror, est quod illam irrefragabilem sententiam Galeni oblivioni manda-rit, ac præsertim in tuenda valetudine tua, cum talis ac tantus sis, & toto Christiano gregi tam necessarius, ac jam in prima constitutus senectu-te,

(1) Discept. Med. ad Clement. VII.

te, in qua consuetudinem mutare tentaverit, cui
veritas & Galeni opinio aperte in faciem recla-
mat, cum dixit: *Qui cuilibet rei insuescunt ma-
gna ex parte naturæ suæ convenientem consuetu-
dinem deligunt: propterea quod si non convenient,*
*subinde læsi ipsa repudiant: aliqui vero vel dul-
cedine dœti, vel præ nimia dementia non senti-
entes se lædi, in pravis consuetudinibus persistunt,*
verum hi pauci sunt, plures qui non persistunt.
Quo magis rationabile est minus errare medicos,
qui omnem consuetudinem servandam censem.
Tandem disceptationem hisce verbis conclu-
dit: *Hæc tamen Sanctitati tuæ sufficere mibi*
*satis esse videntur, in manifestanda Curtii fal-
sa, & ad opera vitæ minime utili de cœna &*
prandio opinione. Clemens vero, cui fortasse
*Curtii rationes sapiebant magis, vivendi me-
thodum immutavit, ac brevi diem obiit su-
premium. Hinc Antonius Musa, quem lit-
terariæ non fugiebant questiones, in Dialo-
go cum Sene sextum & decimum a Clemen-
tis obitu post annum ita alloquitur (1): *Cur*
potius opipare non cœnas, & mediocriter non
*prandes? Cur Senex respondet: Ita a pueri-
tia assuetus sum: Medicos autem audivi de hac*
cœna, ac prandii copia in meo pharmacopolio
*usque**

(1) Exam. Trochisc. p. 8.

usque ad convitia differentes, qui nescio quem virum adducebant hominum mores pervertere tentantem (de Curtio intelligendum) omnibusque suadentem cœnam prandio ampliorem esse oportere . Brasavolus vero interogat : Cogitne quempiam hic vir ad tantam cœnam, ac prandium desumenda ? An cogat (reponit Senex) ignoror, audivi tamen, quod omnes illos imperitos esse arbitratur, qui aliud agunt, & hominibus aliud præcipiunt, & hoc convitiis ac blasphemias insequitur : imo addebat totam vietus rationem Leoni X. Pontifici Maximo immutasse . Clementi, non Leoni (subdit Brasavolus, quem de Curtio loqui comperta res est), sed immutato vivendi genere brevi obiit Clemens, qui diutius supervixisset, si suo illo primo, ac diu as. sueto vivendi genere usus fuisset . En tandem investigata ratio, qua de Pontificis vita edoctus Brasavolus visus est. Num vero hinc Clementi medicam consilio opem tulisse recte concludetur ? Ego sane dissentio . Quare cum nullo alio innitatur Baruffaldus argumento , ut a Clementis consiliis Brasavolum fuisse probet, mihi parcat velim, si ab ipsius opinione recedam . Et quonam revera animo ab Brasavolo consilium duo hi Pontifices petiissent, ipsum non ignorantes Alphonso Duci præ omnibus carum illique addictissimum, & pro-

pter

pter inimicitias, quas ipsi cum Duce gererant, sibi maxime infensum. Si quis profecto ab Leone annis præsertim MDXX & XXI, & Clemente contra Alphonsum acta ex historiis (1) noverit, nunquam adducetur, ut credat, Medicum Alphonso Duci subditum ab iisdem in suæ vitæ discrimine in consilium advocatum fuisse. En quæ de Clemente præsertim Brasavolus senserit: *Clemens Pontifex septimus*, ait ipse (2), *intestino odio Alphonsum Illusterrimum Principem prosequebatur. Septimo Calendas Octobris obiit Pontifex Anno a Christi ortu millesimo quingenteno trigesimo quarto. Quinto Calendas Octobris vigesima prima hora Illusterrimo Duci relatum est Clementem obiisse. Hora prima noctis Illusterrimus Dux ægrotare cœpit; pridie Calendas Novembres hora sexta noctis sextadecima horæ parte dempta, immortali Deo animam reddidit rebus suis Christianissimo more dispositis. O iniqua fata. O Syrenes usque in exitium dulces humanas res, quæ, quum blandiri incipiunt, mox necant. Non potuit hic generosissimus Princeps res suas pacatas unquam videre. Nam ab initio principatus usque in vitæ calcem omnia*

adver-

(1) Muratori loc. cit. p. 144. 153. 198. Platina in Vita Leon. aliiq.

(2) Exam. simpl. Med. p. 594.

adversa, quæ Principi contingere possunt, habuit, & egregie superavit. Potentissimi hostes eum non modo pungere, sed vorare, & deglutire tentarunt. Ipse dimicans, & sapientia omnes expulit, vicit, & triumphavit. Toties ei factæ sunt insidiæ (1), ut pigeat, ac pudeat a quibus, & quoties referre. His omnibus denique superatis, quum tempus quietis instaret, morte præventus &c. Tali autem animo erga se ipsos Brasavolum futurum conjectura saltem uterque Pontifex assequi poterat: qua de re utrum ab iis probabiliter consultus fuerit Lectori nostro pronuntiandum subjicio. Nam mea me dubitatio tardiorem ad judicandum facit.

V I.

*Qui publicas Theses de Quolibet scibili.
De quolibet scibili disputasse falsum ostenditur.*

QUUM in exornanda clarissimorum hominum vita subtilissimi Scriptores operam suam ponunt, sicuti ii multa abundare solent eloquentiæ & ingenii vi, ita vel ex levioribus conjecturis valida sibi configere argumenta student, quibus aliqua illis fiat accessus.

(1) Vide Muratori loc. cit. p. 198.

accessio laudis vel dignitatis. Inscriptionis Brasavolo positæ illustrator Baruffaldus (1), Borsettus (2), aliquæ nimium Brasavoli laudibus consulentes in horum numero fuerunt. Verum quantum huic ratiocinandi methodo fallaciæ subeat, vix credibile est. Exemplis, quæ hactenus attuli, hoc addam ulterius. Quum ii inter centum conclusiones, quas publice Fetrariæ, Patavii, Bononiæ, & Parisiis Brasavolus propugnavit, octogesimam secundam legissent, in qua ipse *de quolibet* paratus ad disputandum ostenditur, facile & sibi & aliis suaserunt *de quolibet scibili* conclusionem esse intelligendam. At si quis serio rem secum reputet, mecum ultiro consentiet, Auctores eos nimium Brasavoli laudibus tribuisse. Antonius Musa ex Theologia, & ex Metaphysica quinque theses defendendas excerpserit, ex naturali Philosophia octo, septem ex Platonis Dogmate, & ex aliis Scientiis aliquas tantum delibavit. Non igitur omnia quæ in iis Scientiis continentur, amplexus est. Non igitur *de quolibet scibili* disputavit. Præterea num centum illæ conclusiones ex omnibus

(1) Coment. cit. §. XXVII. p. 118.

(2) Hist. Gymnaf. Ferrar. P. II. Lib. II. p. 133.

nibus disciplinis petitæ sunt? Minime gentium. Quilibet enim vel leviter eruditus innumera pene Scientiarum genera recabit, de quibus nullum in conclusionibus verbum factum est. Quomodo ergo *de quolibet scibili* sermonem in ea conclusione haberi censendum erit? Si vero disputacionem eam de quibuscumque artibus aggressus est, cur centum tantummodo conclusiones posuit? Cur non unicam tantum, quod ea in re fieri debuerat, potius exhibuit *de quolibet scibili*?

At cur eo in loco, inquies, se *de quolibet* disputaturum spondet, vel de quo tandem questio erat? Facilis, mea quidem sententia, responsio est, quæ ex supra dictis, ubi de hac disputatione egi (IV. I.), collegi potest. Brasavolus per ea tempora Dialecticam publice docuerat: erat igitur Dialectica ea Philosophiæ pars, in qua præ reliquis eminere Brasavolum, uti Logicæ publicum Professorem, æquum erat. Turpe enim, ajebat ipse, quidem est Doctori publice Logicam profitenti, si de omnibus (ad Logicam scilicet spectantibus; non enim turpe esset Logico si v. g. de Astronomia differere nesciret) ex insperato quoquo modo respondere nesciat. Quid igitur Brasavolo faciendum erat?

rat? Nullum sane melius consilium præstó erat, quam si de ea Philosophiæ parte nul·lam certam propositionem statueret, & de omnibus, quæ ab ea proponuntur, disputa· turus accederet. Hoc itaque consiliū cœpit, neque aliam ex Dialectica thesem, quam hanc *de quolibet* exposuit. Rem ita esse cui· libet vel thesim tantummodo legenti appa· rebit; subdit enim ideo hanc conclusionem uni· versalem adduxero *de quolibet*, de iis scilicet, de quibus turpe erat Doctori Logicam pro· fitenti differere non posse, ut in eadem thesi explicaverat. Quid clarius, & ad con· clusionem explicandam accommodatius afferri potest? Nam si conclusionis sententia esset, Brasavolum præter eas theses ex diversis di· sciplinis selectas de reliquis etiam questioni· bus, quæ in iis disciplinis fieri poterant, disputaturum, illa profecto conclusio *de quo· libet* vel singulis conclusionum titulis adden· da erat, vel initio saltem conclusionum cla· re exponenda. Cur autem eam sub titulo *in Dialectica* tantum collocavit? Fateamur igitur necesse est, non *de quolibet scibili*, sed de iis solum, in quibus Logica versatur, nulla prædefinita ad disputandum materie, Brasavolum differuisse. Neque tam exigua erat propositarum conclusionum copia, ut
fine

fine generalis hujus *de quolibet scibili præfido* magna illa concertatio a summa eruditionis laude, ac splendore quicquam deficer posset.

V I I.

*Ubi Musæ nomen, ipso Francisco Rege
præconizante, sibi comparavit.*

Musæ nomen a Francisco I Galliarum Rege
Brasavolo datum contra plures
Scriptores negatur.

Jam inde ab hujuscce historiæ exordio Comitem Franciscum Patrem Antonii Musæ nomen filio imposuisse (I. I.) pronuntiavi, eos omnes Scriptores (VII. I.) redarguens, qui Musæ nomen a Francisco Galliarum Rege datum jactitant. Quoniam ex fonte popularis hæc opinio profluxerit, si minime probare potero, nihil refert. Sat est, ut contra obscuros Scriptores meam tuear sententiam. Non multis autem est opus. Duo tantum eligo ex Brasavolo testimonia, quibus reliqua labefactantur quorumcumque Scriptorum. Quum ipse de Antonio Musa Augusti Medico verba faceret, ait:

ait: *cujus nomen ut imitarer, patri meo placuit,*
sed utinam in re medica, & non in solo nomine
illi similis essem (1); & alibi clarius: *Duo ce-*
lebratissimi fratres in nostra inclyta, & salutari
arte fuere, Euphorbius, & Antonius Musa, cu-
jus nomen patri meo Francisco Brasavolo imitari
placuit, quum AB UNDA BAPTISMATIS
ATTOLLERER, sed utinam doctrina, non
solum nomine antiquum illum Antonium Musam
Augusti Medicum imitarer (2). Profecto si
Musa nomen Brasavolo minime a Patre ad-
jectum esset, stultum esset dicere, Patri pla-
cuisse, filium Antonium dici, ut Augusti
Medicum referret. Nulli hoc hominum con-
silium in mentem venisset. Item si a Pa-
tre, ut Augusti Medicum imitaretur, An-
tonii tantum nomine appellatus fuit, postea
vero Musa nomine a Francisco Rege dona-
tus esset, Brasavolus hisce in locis facile ad-
didisset (utrumque enim librum a Galliae
reditu composuit, cum jam Musa diceba-
tur), scilicet, quod Pater ex parte aggref-
fus est, ut sub Antonii nomine Augusti
Medicum referrem, Franciscus me Musam
vocari volens, perfecit: Pater scilicet prolu-

N sit.

(1) Comment. in Aph. Hipp. &c. lib. 2. aph. 53
p. 346.

(2) Exam. Simpl. Med. §. de Guacam. p. 471.

sit Regi, vel Rex Patris consilium assequutus melius declaravit. Itaque si Musæ nomen in Baptismate a Francisco Patre, non ergo a Christianissimo Rege, Brasavolo impositum fuit.

§. VIII.

*Cujus tamen ortum præcesserunt Franciscus
Comes Genitor & Hieronymus Frater.*

Hieronymum Fratrem Antonii Musæ ortum
præcessisse oppugnatur.

IN primo historiæ nostræ limine, dum humanioribus literis adhuc puer vacabat Antonius Musa, Comitem Franciscum Genitorem diem extremum absolvisse denuntiavimus. Hoc quidem minime Inscriptio ni, neque hæc enuntiationi obstat nostræ: Baruffaldus tamen in hujuscce particulæ commentario (1) aperte afferit, Comitem Franciscum anno circiter MDXX esse vita functum. Quod nostræ adversatur narrationi. (I. I.) Huic autem Scriptoris clarissimi testimonio testimonium ipsius Antonii Musæ opponam: *Humanioribus*, inquit (2), *literis incumbere*

cœ-

(1) p. 148.

(2) Exam. Catap. p. 14.

*cæpi nullus erat qui me ad bonas literas
hortaretur atque excitaret . Quin Mater mea
viro orbata , ut erat circa filios tenella , cum no-
cte surgebam ut literis incumberem , conquerereba-
tur , mibi convicia dicebat : timebat enim ne in
illa tam tenera ætate in aliquam sœvam ægri-
tudinem inciderem , & ante diem morte præveni-
rer . Quo in loco ea perpendenda sunt verba ,
nullus erat &c. , & mox Mater mea viro orbata ,
& alia in illa tam tenera ætate , dum huma-
nioribus literis operam navabat , tunc de-
mum concludendum , Comitem Franciscum
anno MDXX minime vita excessisse ; nam
ad hoc tempus jam publicus Dialecticæ Le-
ctor (III. I.) recitatas (IV. I.) centum con-
clusiones publice propugnandas suscepit .
Non erat ergo in illa tam tenera ætate , quam
de se ipso prædicat Antonius Musa .*

Natu quoque majorem Fratre Hierony-
mo (I. I.) Antonium Musam scripsi . Ita-
que ut historiæ nostræ minime adversari hæc
Inscriptionis pars videatur , contendam Hie-
ronymum Antonii ortum non præivisse , sed
esse subsequutum . Uno hic me expediam
argumento , quod in Commentario sèpius
citato mihi suppeditat clarissimus Baruffal-
dus . Consentit ipse (1) contra Inscriptio-

N 2

nis

(1) Coment. cit. p. 63.

nis enuntiationem, Antonium Musam XVII Calendas Februarii anno MD in lucem prodisse, Hieronymum vero fratrem circa annum tantum MDII (1), biennio scilicet post. Sed quum & hic pariter optimi Scriptoris diligentia rem minus assequuta sit, adducam testem ipsum Brasavolum: *Tunc octavum (ait) agebam etatis meae annum, & Hieronymus quintum (2).* Ex quo duo constant, Hieronymum non præcessisse Antonii ortum, ut Inscriptio habet, & non biennio post, ut Baruffaldus afferit, sed triennio, idest anno MDIII Hieronymum natum.

Quæ quum non contradicendi studio, sed veritatis investigandæ amore scripserim, si qua ex parte cum ea minime consentire cognovero, prior ipse reprobare, ac retractare paratus sum. Quod si non alium ex studiorum meorum vigiliis, cum Brasavoli opera, & aliorum illustrium Medicorum attenta manu pervolverim, fructum reportarem, quam ut clarissimi Viri memoriam clariorem redderem, ejusque gesta vel scripta, quæ alterius ope indigebant, illustrarem, uberrimam laborum meorum mercedem consequ-

(1) Ibid. p. 149.

(2) De Med. tam simpl. quam comp. cathart. &c. p. 96. lit. D.

sequutum esse lætarer. Id me interim in
præsentiarum recreat, me aliqua saltem ex
parte eo grati animi munere exsolutum,
quo & Brasavolo, qui mihi permulta Mē-
dicæ Artis præcepta reseravit, & florentif-
simæ Ferrariensi Universitati, quæ suis me
institutionibus, laureaque Physico-Medica
ornavit, devincebar.

I N D E X

R E R U M , E T A U C T O R U M

*Romani pauci numeri epistolam ad Clariss.
Barottum indicabunt.*

A

- A**cademia Edimburgi V. Edimburgensis .
- Ferrariae inter Italiz præcipuas &
Jouberto locatur pag. 106.
- Lipsiae V. Lipsiensis
- Parisiorum V. Parisina
- Alimenta tenuvia obsunt robustis p. 137.
- Alphonsus I Dux suum Archiatrum efficit Brasavolum 31. familiariter cum eo agit 32. 35.
- II Renatum Brasav. in suum delegit Archiatrum 116. inde Hieronymum 118.
- Amor Antonii M. in Ducem & Patriam 166.
- Antidotarium Bergomi cit. 89.
- Archiate apud Paulum III P. Romæ nunquam moratus est Antonius M. 60. 165. & seq.
- Areostus Ludovicus cum Brasavolo iter facit 32.
- Argenterii Jo: de Antonio M. judicium 3. 42. & seq.
- Ars Medica capit in dies incrementa 80. amplificata ab Antonio M. 83. ad 90.
- Asti Felix Prothophysicus laudatus 81. Puerum dysentheicum Vitri Antimonii cerati ope , frustra aliis tentatis remediis , a morte liberat 82.
- Astruc Jo: de morbo gallico tractatum Antonii M. laudat 70.
- Auctor scriptis cuiusdam excitatus respondet 80. & seq.

B

- B** Acchanellus Jo: Brasavoli discipulus 202.
B Barotti Jo: Andreas errorem Baruffaldi Auctori
 detegit 26. laudatur ib. & seq. 54. xxii & seq.
 Baruffaldi hallucinationem excusat 97.
B Bartoli P. Daniel laudatus 37.
B Baruffaldus Hieron. conclusiones Antonii M. evul-
 gat 9. Reformatorem Archigymnasi Ferr. sua di-
 ligentia anno 1527 eum invenit 27. Poeticas scri-
 ptiones Jo: Franc. Brasavoli edit 122. Inscriptio-
 nes ad feretrum Antonii M. 142. & M.S. refert
 143. Syllabum operum a Bono prætermissorum
 adjicit 24. 150. in vetustioribus monumentis evol-
 vendis diligentissimus 156. impiger scriptor 164.
 Impugnatus 3. 25. 28. 55. 59. & seq. 77. 96. &
 seq. 116. 120. 129. 156. & seq. 164. 165. ad 177.
 178. & seq. 189. 194. 196.
B Bayle Petrus fallitur 120. cit. 121.
B Bellini Vincentius citatus 27. laudatus 55. 74.
B Bertini Jos. Maria Xaverius primum Mercurii usum
 perperam statuit 86. Brasavolum cum Sennerto
 male conjungit 87
B Bibliotheca Antonii M. omnium librorum refertissi-
 ma 93.
B Bonacossus Jacob. Archiater Pontif. ultimum diem
 absolvit 176.
B Bonus Jac. Antonius miratur Brasavolum tot volu-
 mina scripsisse, & edidisse 93. & seq. 143. scripta
 ejusdem refert 148 & seq. citatus 22. 36. 41. 57.
 65. 100. 108. 115. 128. 131. 163.
B Borsettus Ferrantes Poeta lepidissimus, & diligen-
 tissimus Historiae Almi Ferr. Gymnasi Scriptor
 162. obiit xxii. citatus 2. 36. 122. 165. 181. hal-
 lucinatur 119. & seq. 189.
B Boscus Hippol. Renatum Brasav. commendat 117.

- Bovius Franc. in Grammatica Antonii M. Præceptor
4. carminibus discipulum laudat 63.
- Burserius Jo: Baptista in assignanda Mercurii interni
usus epocha aberrat 86.
- Brasavolorum familia nobilis 1. habitatio 2.
- Brasavolus Antonius M. oritur 3. cur ita apelleatur
ib. quale ingenium 4. tempus distribuit 5. Cleri-
cus efficitur ib. Juris civilis & canonici studium
inchoat ib. ad Medicinam se vertit 6. Dialecticæ
Lector designatur 7. Philosophiæ & Med. laurea
donatur ib. Practicam exērcere cœpit 8. centenas
conclusiones publice defendit ib. exponuntur 9.
opera exarat 21. 22. 23. 24. 25. 27. 39. 40. 52. 53.
58. 62. 63. 64. 65. 69. 71. 145. ad 151. 148. & seq.
Herculis Estensis Archiater, Philosophiæ Lector
25. & Reformator Archigymnasi Ferr. creatur
27. Galliam petit 28. Parisina in Academia per
triduum conclusiones propugnat ib. honoribus &
muneribus a Francisco Rege donatur ib. S. Mi-
chaelis Eques creatur 29. inter Sorbonicos Docto-
res recensetur a multis ib. e Gallia redit & nubit
Cassandræ Roberti 30. quōt filios procreet 31. Al-
phonsi I Archiater ib. cum eo familiariter agit, &
Venetias proficiscitur 32. & seq. Herculis Archiater
peculiari confirmatur diplomate 35. hinc perpetuus
Reformator constituitur ib. Universitatis Lectores
convocat 36. amatus ab Hercule & donatus 37. Nea-
polim pergit 41. 54. Botanicam coluit 51. & seq. a
Carolo Imper. laudibus & honoribus cumulatus
56. aphorismos Hipp. publice interpretatur ib. sum-
me literas græcas calluit 58. Lucam adit 59. ibi a.
Paulo III P. Archiatri titulo decoratur 61. epide-
micos Hipp. libros publice explanat 64. Romam
petit, in infortunia occurrit 66. & seq. primus go-
norrhæam descripsit 71. Calcagnini opera evulgat
74. adversus Leonicenum & Manardum Præceptores
dis-

disputat 78. nulli Scriptorum auctoritati subservit
 inconsultus ib. omnia experitur ib. & 83. & seq.
 in Mercurio vim anthelminticam primus detexit,
 & primus eum exhibuit 86. alia invenit re-
 media 87. & seq. Chirurgiam exercuit 90. otii
 inimicus 91. & seq. mira facilitate scribit 93. Di-
 scipulos amat 95. & seq. e tota Europa eos tra-
 hit 100. & seq. Judex eligitur in quæstionibus
 medicis 103. & seq. dissidia litteraria succidit
 104. magnam in Medicina obtinet auctoritatem
 105. felicissime vaticinabatur & curabat 108. a
 Principibus consultus 109. & a Provinciis 111.
 Pietatem coluit 113. & seq. in liberos educandos
 sollicitus 115. naturam biliosam immutat 123. &
 seq. modestus & humanus 128. famæ suæ studiosus
 129. Caritatis tantum desiderio Artem exercet
 131. quamnam habuit structuram 133. vivendi nor-
 mam 135. & seq. obiit 138. Parentalia 141. opera
 148. & seq.

Brasavolus Franciscus Comes Juris utriusque, Phil.
 & Med. Doctor, Lector, Pater Antonii M. i. cur
 Antonium Musam voluit filium appellari 3.

• Hercules V. Rodulphus P.

• Hieronymus quando natus 196. non præ-
 cessit ortum Antonii M. fratris 195. Phil. & Med.
 Doctor, Lector obiit 2.

• Hieronymus fil. Antonii M. 31. Medicus
 Ducalis 118. lucubrationes edit 119. scribit 122.
 & seq. a Pio Ænea Caprilli inter summos Aucto-
 res locatus 118. publicus Medicinæ, & linguae
 græcae Lector ib. obiit ib.

• Hippolitus fil. Antonii M. 31. Phil. &
 Med. ac in utroque Jure Doctor, & P. Lector 122.

• Joan. Baptista frater Antonii M. puer de-
 cessit 2.

• Joan. Franciscus fil. Antonii M. 31. Rhe-
 tor præstantissimus 122. N 5 . . . Re-

, Renatus fil. Antonii M. 31. Phil. & Med. Doctor, Lector P. evadit. Henrici II, Herculis II, Alphonsi II Archiater constituitur & Moderator Universitatis 116. Comes Palatinus creatur 117. a Professoribus consultus ib. pro Ferdinando Archid. Austriae consilium exarat 118. decessit ib.

C

Calcagninus Cælius Antonii M. Praeceptor 4. Discipulo devovit opuscula 74. obiit ib. Ejus opera ib.

Cananus Jo: Baptista laudatus, Brasavoli discipulus 101.

Caprilli Cæsar, & Pius Æneas, Brasavoli discipuli 101. Alter inter summos Auctores Hieronym. Brasavolum locat 108.

Cardanus Hieron. omnibus aliis præferebat Antonium M. 105, caussam ejus mortis assignat 137. quid de eo senserit 147. citatus 104.

Carolus V Imperator honoribus & laudibus Brasavolum cumulavit 56 eum consulit 109.

Castellani Hyacinthus Abelmus amantissimus Actoris Parens xx.

, Petrus citatus 48.

Castro a Petrus indicem Brasavoli in Galenum laudibus extollit 72.

Catarozus Marcus Renati Brasav. Praeceptor 116, laurea insignitur ib.

Cœcus Adriensis V. Grotus Aloysius.

Cæsalpinus Andreas inter Botanicæ Restauratores Brasavolum recenset 50.

Chirurgiam exercuit Antonius M. 90.

Cibaria imbecilla brevem efficiunt vitam 137.

Cicero citatus xi. xiv. xv. 50. 105. 127. 133.

Clementis VII P. an Physicus a Consiliis Brasavolus fuerit, ambigitur 183. & seq. Col.

Collegiorum cætus Antonii M. funis comitantur 141.
 Conclusiones, quas Ferratiæ, Patavii, Bononiae pro-
 pugnavit Brasavolus, exponuntur 9. & seq.
 Cornelii Celsi elogium Hippocrati 78.
 Coronelli F. Vincentius fallitur 120. impugnatur
 167.
 Cronenbutgius Bernardus Dessenius Vitum magnæ
 auctoritatis dixit Brasavolum 105.
 Curtius Matthæus cum Andrea Turino dimicat 184.

D

De quolibet scibili Brasavolum disputasse falsum
 ostenditur 188. & seq.
 Dialecticæ Lector designatur Antonius M. adhuc a-
 dolescens 7. octo annis eam legit 23.
 Diæta tenuis sanis obest i 37. & seq.
 Diplomate honorifico Fridericus II Mantuæ Dux
 Brasavolum affecit 110.
 Disceptatio inter Matthæum Curtium, & Andream
 Turinum 183.
 Discipuli celebriores Antonii M. recensentur 101.
 & seq. cogunt Preceptorēm incendiū caussa lectio-
 nem resecare 99.
 Dissidia inter Montium, & Euchsim a Brasavolo
 succisa 104.
 Doctorem in utroque Iure Antonium M. fuisse ne-
 gatur 156. ad 162.
 in Theologia vocatur in dubium 163. &
 seq.
 Dona a Paulo III & Julio III Pontif. reportat Brasa-
 volus 109.
 Dubitatur an Antonius M. Leonis X & Clementis
 VII Physicus a Consiliis fuerit 177. & seq.
 Dulcia amabat Antonius Musa 135. & seq.
 Dysenteria Vitro Antimonio cerato curatur 80. & seq.

E

E Dimburgensis Academia Vitrum Antimonium
ceratum in Dyffentheria commendat 80.
Editio operum Cælii Calcagnini debetur Brasavolo 74.
Elenchus Auditorum Brasavoli 101.
..... Operum Antonii M. 148. & seq.
Elogium Brasavolo a Guarino inscriptum 142.
..... In Universitate Ferrar. marmore inscul-
ptum 153.
Epidemicos Hippocratis libros publice explanat An-
tonius M. 64.
Epistola Leonis X P. ad Nicolaum Leonicenum 181.
Eques S. Michaelis in Galliis creatur Antonius M. 29.
Erroris confessio convenit magno ingenio 78.
Exequalia Antonii M. 141.

F

F Abra a Aloysius laudatus 144.
..... Angelus laudatus ib.
..... Ægidius laudatus 122.
Fabritius J. A. citatus 59.
Facilitas in scribendo mira Brasavoli 93. & seq.
Fallopianus Gabriel discipulus Antonii M. 88. 101.
indicem in Galenum a Præceptore imprimentum
obtinuit 72.
Feretrum Antonii M. inscriptionibus decoratur 142.
Ferraria eximios Viros magni semper habuit 141.
..... plurimos semper aluit doctiss. Medicos 116.
..... unicos in omni exercitationum genere
procreat viros 1.
Ferrarienses Medici cœlesti influxu favente doctissi-
mi & diligentissimi xx. 107.
Ferrariensis Academia V. Academia .

Fici.

Ficinus Marsilius 124.

Filii Antonii M. recensentur 31.

Florio Marcus Ant. Brasavoli discipulus 101.

Fontana Alexander quæsita proponit Brasavolo 71.

Franciscus I Galliarum Rex coluit Antonium M. & laudibus & honoribus cumulavit 28. 29. eum consulit 109.

Fridericus II Mantuae Dux immunem vectigalibus voluit Antonium M. 38. honorifico diplomate affectit 110.

Frisius citatus 53. 57.

Fuchsii Leonardi conquestio 41. dissidia cum Sebastiano Montuo a Brasavolo succisa 104. indignatio in Brasavolum, quem male confutavit ib.

G

Gabriellis de Gaspar laudatus, Brasavoli discipulus 101.

Gallus Paschalis de morbo gallico tractatum Antonii M. celebrat 70.

Geoffroy Stephanus Franc. Brasavolum & Musitum male conjungit 87.

Gesnerus citatus 57.

Giuffani Aloysius dyssenteria correptus Vitro Antonio cerato sanitati restitutus 82.

Gloriae insolentia literatos non raro titillat 127.

Gonorrhæa virulenta a Brasavolo primum descripta 71.

Græcam linguam optime callebat Brasavolus 58.

Grotus Aloysius Ferrariam laudat 1. & Ferrarienses xxii.

Guarinonus Christophorus Renatum Brasavolum consulit, laudat 117.

Guarinus Alexander Brasavolo elogium inscribit 142.

Haller Albertus citatus 53. non adeo de botanice
co Antonii M. opere utiliter sentit 50. & seq.
sed defenditur Brasavolus 51. de morbo gallico
tractatum Antonii M. laudat 76. Hunc contra Fu-
chsum defendit 104.

Henricus VIII Britanniæ Rex Antonium M. consu-
lit 109.

• II Franciæ Rex Renatum Brasav. suum
constituit Archiatrum 116.

Hercules II Ferrariæ Dux Antonium M. in suum
delegit Archiatrum 25. confirmat 35. immunem
vectigalibus facit 31. amat; donat 37 ejus funus
cum Collegiorum cœtu comitatur 141. Renatum
Brasav. suum constituit Archiatrum 116.

Hippocrates Magistrum Parentum loco habuit xiiii.
non cupid aurum ex morbis 131. quid de Demo-
crito scripserit 141. citatus 108. 138.

Historici munus est veritatem inquirere 163.

Horatius xvii.

Horto ab D. Garzia ingenuitatem Brasavoli in scien-
tiis prædicat 79.

Humanitas Medicum commendat 129.

Hydrargyrus inter venena ab Antiquis recensebatur
85. a Brasavolo ut anthelminticus in primis dete-
ctus 86.

I

Imperialis Jo: laudibus extollit Antonium M. 145.
Incendium tegetis Antonii M. 52. 97 & seq. 134.
Infotunia & insomnia terribilia Brasavoli 66. & seq.
Ingenium ad quælibet conscribenda in Brasavolo mi-
rum 93. & seq.

Ingenuitas Brasavoli in scriptis 76. & seq.

Inju-

Injuria nemini inferenda 126.

Inscriptio in Universitate Ferr. marmore insculpta
153.

Inscriptionibus decoratur feretrum Antonii M. 142.

Infolentia gloriæ literatos non raro titillat 127.

Inventa a Brasavolo 83. ad 90.

Iter facit Antonius M. cum Duce & Areosto 32.

Itinera ab Antonio M. instituta 28. & seq. 32. & seq.
41. 54. 59. 66. & seq. 91, & seq.

J

James Robertus citatus 87.

Jejuna Brasavolo noxia 138.

Joubertus Laurentius Ferrariensem Academiam
inter Italiæ præcipuas collocat 106.

Judex eligitur Antonius M. in abstrusioribus qua-
stionibus 103.

Julius III P. Brasayolum vocat Romam, & consulit
109. obiit 180.

Jureconsultum fuisse Brasayolum negatur 156. & seq.
Juvenalis xiv. 100. 126.

L

LAdyocat Sorbonicus Professor Brasavoli opera
commendat 62.

Laertius Diogenes 131.

Langius Jo: Ferrariam petit, ut Antonii M. & Ma-
nardi doctrina proficeret 106.

Laryngotomia a Brasavolo feliciter instituta 90.

Lonicenus Nicolaus Antonii M. Magister 6. melie-
ris medicinæ in Italia parens 89. ab Leone X.
epistolam accipit 181.

Leonis X & Clementis VII an Physicus a Consiliis
fuerit Brasavolus ambigitur 177 & seq. epistola ad

Ni-

Nicolaum Leonicenum 181. mors 178. 181. inopinata 182.

Libanori error 120.

Liberalitas Antonii Musæ 131.

Lipsiensis Academia vitrum Antimonium ceratum
in dysenteria commendat 80.

Luisinus Aloysius 70.

Lusitanus Amatus ægrotorum copiam a Brasavolo
curandorum aperit 38. 131. contra Mundellam eum
defendit 47. a Matthioli maledictis vindicatur 48.
indicem in Galenum Brasavoli laudibus cumulat
73. hujus judicium multis antefert 105. per nun-
cios illud expetit 107. Virum & morum sanctitate
& eruditione non vulgari insignem illum appellat
114. illius humanitate delectabatur 128. Ferrariæ
per septennium habitavit 173. ibi publice docuit
48. 174. Ferrarienses Medicos doctissimos dicit 107.
census xx. 51. 101. 102. 139.

Lusitanus Zacutus Antonium M. laudat 65.

M

Machiavellius P. Lucas 103. 109. 176.
Madius Vincentius laudatus Brasavolum
commendat 103.

Maggi Margarita Mater Antonii M. 2. hunc objur-
gat studiorum causa 4.

Magister hominis Parens x.

Manardus Joan. Antonii M. Præceptor 6.

Mandosius Prosper 176.

Mangettus Jo. Jacobus hallucinatur 119.

Massaria Alexander Brasavolum inter paucos Hip-
pocraticæ periclitantis doctrinæ Patronos recenset
62.

Matthioli Andreas Amatum Lusitanum mordet 48.
Brasavolum laudat 49.

Maz

- Mazzuchellius Jo: Maria Comes citatus 21. 70. 118.
 121. fallitur 21. expenditur 43. 57. errat 120. & seq.
 Maximilianus II Imperator Renatum Bras. magni
 fecit 116. & seq.
 Medica Ars capit in dies incrementa 80.
 Medici Ferrarienses cœlesti influxu favente doctissi-
 mi 107.
 Medicum alterum Lucæ reprehendit Antonius M.
 60.
 Medicum humanitas commendat 129.
 Menseus Sebastianus ad Antonium M. Orator 113.
 Mercklini Abr. error 119.
 Mercurialis Hieron. laudibus extollit Brasavolum 57.
 & seq.
 Mercurium ut anthelminticum Brasavolus primus
 detexit, ac interne primus exhibuit 86.
 Modestia Antonii Musæ 128.
 Montui Sebastiani dissidia cum Leonardo Fuchsio
 succidit Brasavolus 104.
 Morerius plures forsan in Aphorismos Hipp. editio-
 nes falso notat 56. errat 120. cit. 119.
 Muratori Ludovicus citatus 27. 170. 181. 182. 187.
 188.
 Musicis institutionibus vacavit Antonius M. 5.
 Musitanus Carolus cum Brasavolo male a Geoffroy
 & James conjungitur 87.

N

- N**atura quid efficere potest in Brasavolo videtur
 experta 95.
 Nigrifolius Franciscus laudatus 57.
 Nomen Musæ a Francisco Rege minime Brasavolo
 datum 192. sed a Francisco Patre in Baptismate
 3. 193.
 Novem annis Philosophiam naturalem ex Cathedra
 exposuit Antonius M. 25.

Obi-

O

Obitus Antonii Musæ 138.
Obtrectatoribus beneficia rependebat Brasavolus 125.

Octo annis Dialecticam legit Brasavolus 23.

Odia in Antonium Musam 124. & seq.

Oleum de Momordica omnibus hæmorrhoidalib[us] affectu laborantibus commune fecit Bras. 131. & seq.

Opera Antonii M. recensentur 148. & seq.

Otium fugit Antonius M. 91. & seq.

P

Panizza Ludovicus Friderici II Mantuæ Ducis Physicus doctissimus 169. & seq. ad Brasavolum tamquam judicem in celebri controversia confugit 103.

Parentalia Antonii M. 141.

Parisina Academia Vitrum Antimonium ceratum in dyffentheria laudat 80. in ea propugnat conclusio-nes Antonius M. 28.

Paulus III P. Brasavolo titulum sui Medici dat 61. eum Romam vocat, & consulit 109.

Pietas Antonii M. in Deum 113. & seq.

Pigna Jo: Baptista 75. 109. 114. 132. 134. 139.

Plato 80. 124.

Plutarcus xxv.

Possevinus Antonius 26.

Practicam Medicam quo anno cæperit Brasavolus exercere 8.

Privilegium a Friderico II & Vincentio Mantuæ Du-cibus Antonio M. concessum 38. & honorificum diploma a primo 110.

Ptisanæ usus ad vitæ longitudinem malus est 137.

Pusillorum est ultio 126.

Ram-

R

- R** Ammazzinus Bernardinus 134.
R Rhacusina Respublica Medicum conducendum
 a Brasavolo petit 111.
R Riccius Bartholomæus 36.
R Roberti Cassandra Uxor Antonii M. 30. rebus dome-
 sticis preerat 112. biliosissima erat 127.
R Robustis diæta tenuis obest 137. & seq.
R Rodulphus P. a S. Hieronymo Scholarum Piarum
 laudatus 164.
R Romæ Antonium M. apud Paulum III degisse Ar-
 chiatri nomine falsum ostenditur 165 ad 177.
R Rondeletius Ferrariam petit, ut Antonium M. vi-
 seret, ejusque commercio frueretur 106.
R Ruellius colit & amat Antonium M. 29.

S

- S** Anis diæta tenuis obest 137. & seq.
S Sapiens nec injuriam accipere nec contumeliam
 potest 125. casibus adversis invictum se præbet 100.
S Seneca xiv. xxiv. xxv. 77. 79. 125. 139. & seq.
S Sennertus & Brasavolus male a Bertino conjungun-
 tur 87.
S Servi omnes improbi sunt 133.
S Sinapius Joan. laudatus, Brasavoli discipulus 102.
S Stipendium nullum ex ægrotantibus expectat Anto-
 nius M. 131.
S Strozza Philippus anulo Antonium M. donat 68.
S Structura Antonii M. 133.
S Studia immodica stomachum enervant 134.
S Susius Jo. Baptista Antonii M. discipulus, Mirandu-
 lanus, non Mantuanus 102.
S Svvercius Franciscus xxii.

Te.

T

Terentius xxv.
Theologiæ Doctorem fuisse Brasavolum in du-
 bium vocatur 163. & seq.
Theses, quas Ferrariæ, Patavii, Bononiæ disputa-
 vit Antonius M., referuntur 9. & seq.
Turinus Andreas Clementis vii. Archiater Curtium
 impugnat 183. & seq.

V

VAlletiola Franciscus in Artis Medicæ inven-
 torum numero Brasavolum reponit 89. 181.
Vander Linden errat 102. 119.
Vansvieten Gerardus L. B. Cæsareus Archiater
 epistolam Auctori humanissime dedit 81.
Vincentius Mantua Dux privilegium Brasavolo
 confirmat 38.
Viridarium Antonii Musæ 52.
Vitrum Antimonium ceratum commendatur in dy-
 sentheria 80. & seq.
Ultio minuti & infirmi animi est 126.
Usus Mercurii internus Brasavolo debetur 86.

Z

Zaccaria P. Franciseus S. J. laudatus 50. 53. 70.
Zecchius Joan: Brasavolum prædicat 57.

E M E N D A N D A.

P Ag. 21. lin. 10. l. 21. p. 43. l. 4. p. 57. l. 5.
 Mazzuchelius *lege* Mazzuchellius p. 49. l. 3.
in bac re l. *in bac re* p. 52. l. 10 *combusisset* l.
combussisset p. 74. l. 14. *inixi* l. *innixi* p. 82.
 l. 6. *Ipecacuanam* l. *Ipecacuanham* p. 92. l. 4.
 Apennini l. Apennini p. 98. l. 13. *pulcritudo* l.
pulchritudo p. 112. l. 16. *exquisisset* l. *exqui-*
sisset p. 113. l. *pen* *jure* *jurando* l. *jureju-*
rando p. 118. l. 13. *Ferrariensi* (5) *colloca-*
tus l. *Ferrariensi* (2) *collocatus* p. 119. l.
 2. *offitiis* l. *officiis* p. 134. l. 7. *ægregia* l. *egre-*
gia p. 138. l. 4. *liquitur* l. *linquitur* p. 139 l.
 6. *prestitit* l. *præstitit* p. 161. l. 4. *santissimo* l.
*sanc*tissimo** l. 12. *questione* l. *quæstione* l. 21.
questionibus l. *quætionibus* p. 164. l. 7. *di-*
lucidatione l. *illustratione* p. 169. l. *ult.* *que-*
stione l. *quæstione* p. 171. l. 4. *discessisse* l. *di-*
cessisse p. 172. l. 11. *quoliber* l. *quo liber* p.
 177. l. 15. *quommodo* l. *quomodo* p. 185. l.
 20. *questiones* l. *quæstiones* l. 24. *Cur Senex*
 l. *Cui Senex* p. 186. l. 5. *interrogat* l. *interrogat*
 p. 190. l. 15. *questio* l. *quæstio* p. 191. l. 5. *cœ-*
pit l. *cepit* l. 17. *questionibus* l. *quætionibus*.

Die 29 Martii 1767.

D. Felix Asti Medicinæ Doctor ac Mantuæ in ejusque ditione Protomedicus videat & in scriptis faveat referre.
Ita est F. Dominicus Maria Bicetti Vicarius Generalis S. Officij Mantuæ.

Admodum Reverendo Patre Vicario Generali subscripto annuente, Commentarium de Vita Brasavoli a D. Aloysio Castellani Medicinæ Doctore ac Professore conflatum perlegi; & nil in eo reperi Nostræ SS. Fidei Dogmatibus aut Disciplinæ repugnans. Atque ob id; tum etiam Latini sermonis ob copiam ornatumque, obque sanum ubique & prudens in censurando criterium, & ob rariorum, tam ad summum de quo agitur Virum, quam ad Artem nostram, hinc illinc dispersarum, ac in unum collectarum, tun & novarum, cognitionum utilem curiosamque expeditiōnem; perdignum esse censeo, ut prœlo committatur ad oblectamentum Eruditorum, Medicorum præsertim emolumentum.

In horum fidem.

Mantuæ die 2 Aprilis 1767.


Felix Asti M. D. C. & P.


Die 2 Aprilis 1767.
Attenta supraposita attestatione

Imprimatur.

F. Dominicus Maria Bicetti V. G. S. Off. Mantua.

V. Magnaguti.









CN- 80

compl. av. & port
C8.

120

74

